


# মদীর দোকান

পৌরসভা প্রতিষ্ঠান



চুনা মেকান ।



ব্রিটীয় সংস্কৃতপু

(সচিত)

শ্রী ঋতেন্দ্র নাথ ঠাকুর প্রণীত ।



“ঋতাষাটি ঋতধামাগ্নিগঞ্জবর্তস্তোষধয়ো  
অপ্সরসো চুন্দে নাম তাভ্যঃ স্বাহা ।”

বেদ-মন্ত্র

১৩৪০ বৈশাখ ।

মূল্য ২, টাকা মাত্র ।

প্রকাশক

শ্রীপদ্মেশ নাথ দত্ত ।

৬।১ নং দ্বারিকানাথ ঠাকুরের লেন,  
কলিকাতা ।

১৩১৬ সালের আষাঢ় মাসে ( ২৫ বৎসর পূর্বে ) এই “মুদীর  
দোকান” গ্রন্থের প্রথম সংস্করণ প্রকাশিত হয় ।

শ্রীধর প্রেস


শ্রীযতীন্দ্রনাথ বহু দ্বারা মুজিত ।

২৩নং মেছুয়াবাজার প্লাট,  
কলিকাতা ।

## উৎসর্গ

মুদীর দোকানের এই ভোজ্য সামগ্ৰীগুলি  
স্বৰ্গীয় পিতৃদেব হেমেন্দ্ৰ নাথ ঠাকুৱেৱ উদ্দেশে,  
তাহাৰ প্ৰমোদনাথে শ্ৰদ্ধাপূৰ্ণ হৃদয়ে উৎসর্গ  
কৰা হইল।





مِنْ كِتَابِ الْأَنْوَارِ



# সূচী ।

বিষয় ।

পৃষ্ঠা ।

উৎসর্গ

সূচী

চিত্রসূচী

স্বর্গীয় পণ্ডিতবর রাজেন্দ্র চন্দ্ৰ শাস্ত্ৰী-

লিখিত উপক্ৰমণিকা                    ...                    ...                    ১০

মুদী    ...                    ...                    ১

চাল    ...                    ...                    ২০

আইবুড়ভাত ও বউভাত                    ...                    ...                    ৩৩

প্রাচীন ভাৰতেৰ উপমাস্তুল গ্ৰন্থ                    ...                    ৪৩

দেবনামে অনাদৰ                            ...                    ...                    ৫৪

কমলানেৰু                                    ...                    ...                    ৭৮

গণেশ-বাহন ইছুৱ, লক্ষ্মীৰ বাহন

পেঁচা ও ষষ্ঠীৰ বাহন বিড়াল ...                    ...                    ৯৪

খাবাৰেৰ নামতত্ত্ব ( জলপান )                    ...                    ১১১

সন্দেশ    ...                    ...                    ১২৮

লুচিৰকাৰী                                    ...                    ...                    ১৩৮

তামাক ও ধূমপান                            ...                    ...                    ১৫৮

# চিত্রসূচী ।

—ঃ\*ঃ—

গ্রন্থকারের প্রতিক্রিয়া  
মুদ্রীর দোকান  
গুরু  
মুষিক বাহন গণেশ  
পেচক-বাহন লক্ষ্মী  
বিড়াল-বাহন ষষ্ঠী  
জিলা-বি  
লুচি  
বৈদিক কালের ধূমপান-যন্ত্র  
ভঁকা  
গুড় গুড়ি  
সিগার  
কলম্বস  
স্যুর ওয়াল্টার র্যালে

## উপক্রমণিকা।

-ঃ\*ঃ-

শ্রীমান् ঋতেন্দ্র নাথ ঠাকুর প্রণীত ‘মুদীর দোকান’ নামক গ্রন্থখানি পাঠ করিয়া তৎসম্বন্ধে কয়েকটী কথা লিপিবদ্ধ করিবার প্রবৃত্তি হইল। পাঠক প্রথমেই জিজ্ঞাসা করিতে পারেন অগ্রকার এই কাবাকলামুখরিত ভাবোচ্ছস-প্লাবিত, পাশ্চাত্যভাবানুপ্রাণিত বঙ্গে ‘মুদীর দোকানের’ অবকাশ কোথায়? উত্তরে বোধ হয় অগ্রকার বলিবেন—কেবল কাবা কলায় প্রাত্তুতত্ত্বিক গবেষণায় লোকযাত্রা নির্বাহ হয় না, সুতরাং লোকযাত্রা রক্ষার নিমিত্ত মুদীর দোকান আবশ্যিক। আমরাও এই কথা বলি। আমরা এক্ষণে সকলেই প্রাত্তুতত্ত্বিক হইয়া শিলালিপি, বৌদ্ধদর্শন, ভাষাতত্ত্ব, অক্ষরতত্ত্ব, বেদ, বেদাঙ্গ প্রভৃতি বিজ্ঞজনোচিত গবেষণা লইয়াই ব্যস্ত; ইহার ফলে আমাদের আর ক্ষুদ্র গৃহস্থালীর কথা ভাবিবার সময় নাই। শ্রীমান্‌  
ঋতেন্দ্রনাথ এই ‘ভূতের’ দৌরাত্ম্য হইতে ‘বর্তমানে’র

রক্ষার নিমিত্ত অগ্রসর হইয়াছেন। তিনি স্পষ্টই দেখাইয়াছেন যে গবেষণা করিতে হইলে যে কেবল গোপনে পাঞ্চাত্য পাণ্ডিতদিগের ভ্রমবহুল মতের অনুসরণ করিয়া প্রকাশ্যে স্বাধীন চিন্তার ভান করিয়া বৃথা বাগ্জাল বিস্তার করিতে হইবে এরূপ কোন কথা নাই, পরন্তু আমাদের চতুঃপার্শ্ব নিত্যব্যবহার্য দ্রব্যে আমাদের গৃহে ও আমাদের ক্ষেত্রে যথেষ্ট গবেষণার সামগ্ৰী আছে। গ্ৰহকাৰ সংস্কৃত বৈদিক ও লৌকিক সাহিত্যে অভিজ্ঞ ও তাহার প্রস্তুত পাঞ্চাত্য ও স্বাধীন চিন্তার যথেষ্ট নির্দেশন আছে। তাহার মৌলিকতা এই গতানুগতিকতাৰ দিনে অবশ্যই প্ৰশংসাৰ্হ ও অনুসৰণীয়। এ সম্বন্ধে তাহার ‘তামাক’ ও ‘ধূমপান’ নামক প্ৰবন্ধটী বিশেষভাৱে উল্লেখ যোগ্য। ঐ প্ৰবন্ধে, যাহা সাহিত্যসভাৰ কোন অধিবেশনে পঠিত হয়, তিনি ‘তামাক’ ষে বৈদেশিক দ্রব্য নহে পৱন্ত দক্ষিণ ভাৱতে উৎপন্ন রামায়ণোল্লিখিত তমালেৱই নামান্তর তাহা প্ৰতিপন্ন করিতে চেষ্টা কৰিয়াছেন। তিনি ঐ সম্বন্ধে যে সকল প্ৰমাণ ও তর্কেৰ অবতাৱণা কৰিয়াছেন তাহা কোন মতেই উপেক্ষণীয় নহে। ফলতঃ ঐ গুলি

অভিনিবেশপূর্বক পাঠ করিলে ‘তাত্রকুটীর’ বৈদেশিকভা  
সম্বন্ধে স্বত্ত্বাবতঃই সংশয় জন্মে। পাঠক এই প্রবন্ধ  
মনোযোগ সহকারে পাঠ করিলে অনেক নৃতন কথা  
জানিতে পারিবেন। এই প্রবন্ধে ‘cigar’ এই শব্দটি  
‘ইঘিকা’ এই শব্দের অপভ্রংশ বলিয়া প্রতিপন্থ করিয়া-  
ছেন। পাঠক প্রবন্ধের এই অংশ পাঠ করিলেই প্রতি-  
পাদনের যৌক্তিকতা উপলক্ষ্মি করিবেন। কেবল ‘তামাক  
ও ধূমপান’ প্রবন্ধে কেন, অন্ত্যান্ত প্রবন্ধেও বিশেষতঃ  
‘থাবারের নামতত্ত্ব’, ‘লুচি তরকারি’, ‘সন্দেশ’ প্রভৃতি  
প্রবন্ধেও অনেক নৃতন কথার অবতারণা দেখিতে পাই-  
বেন ও অনেক নৃতন বিষয় শিক্ষা করিবেন। ঠাঁহার  
গবেষণার ফলে পাঠক দেখিবেন যে, এককালে হিন্দুর  
প্রাচীন আচার প্রথা দেশ বিদেশে শ্রদ্ধাসহকারে  
গৃহীত হইয়াছিল \* ও ইউরোপীয় অধিকাংশ পিষ্টকা-  
দির নামগুলি বৈদিক সংস্কৃত হইতে উৎপন্ন হইয়াছে।  
গ্রন্থকার প্রতিপন্থ করিতে চেষ্টা করিয়াছেন যে  
'omelett' এই শব্দটি বৈদিক 'অঙ্গুরীষ' ও 'bread' এই  
শব্দটি বৈদিক 'আঙ্গু' শব্দ হইতে উৎপন্ন। 'অঙ্গুরীষ'  
হইতে 'omelet' এর উৎপত্তি একটু কষ্ট কল্পনা সিদ্ধ

বলিয়া বিবেচিত হইলেও ‘ভাষ্ট’ হইতে ‘bread’ এর উৎপত্তি সম্বন্ধে ভাষাতত্ত্ববিদ্বিগ্নের বোধ হয় সন্দেহ থাকিতে পারে না। এইরূপ German ‘সমারন’ ( স্মতসম্বরিত রুট ) যে সংস্কৃত পাকশাস্ত্রোক্ত ‘সমুরণ’ হইতে উৎপন্ন তদ্বিষয়েও সংশয় নাই। ফলকথা উপরোক্ত প্রবন্ধগুলি ঔদরিক মহোদয়বিগ্নের বিশেষ ঘন্টের সহিত পাঠা। ঐগুলি ইংরাজিতে লিখিত ও এসিয়া-টিক সোসাইটীর জন্মলে প্রকাশিত হইলে অনেক প্রাচুর্যিক মহামহোপাধ্যায়ের উপজৈব্য হইত সন্দেহ নাই। সকল প্রবন্ধেই এইরূপ সাধারণের অনালোচিত ও অজ্ঞাতপূর্ব নানা কথা আছে। ঐগুলি পাঠ করিলে পাঠক অনেক বৈদেশিক বস্তু ও বৈদেশিক আচারকে স্বদেশীয় বলিয়া আদর করিতে শিক্ষা করিবেন ও অনেক ‘স্বদেশী’ মহোদয় নিঃসঙ্কোচে তৎসমুদায় উপভোগ করিয়া স্বীয় রসনা, বাসনা ও প্রবৃত্তি চরিতার্থ করিতে পারিবেন। ফলকথা এই যে ‘মুদৌ ও মুদৌর দোকান’ অতঃপর উপেক্ষার বস্তু নহে। ‘মুদৌর’ বৈদিক আভিজাত্য সম্বন্ধে সন্দেহ থাকিলেও—আর সন্দেহই বা কোথায়—কারণ মুদৌ ত বৈশ্ট, হয়ত

কয়েকদিন বাদে বৈশ্ট্রের দাবী করিয়া উপনয়ন  
লইবেন—ঠাহার মুদিষ্ঠ বা মোদকহ্রের অপলাপে বোধ  
হয় কেহই সাহসী হইবেন না। এই নৌরব, গ্রাম্য  
গচ্ছলভ নাম দেখিয়া ষেন কেহ এন্ত ও গ্রন্থকারের  
উপর বিরক্ত না হন, কারণ এ দোকানে যে কেবল  
নিত্যব্যবহার্য তঙ্গল, দ্বিল, তেলাদি সংগৃহীত হইয়াছে  
তাহা নহে লুটি, সন্দেশ, bread, omellett, কমলালেবু,  
সিগার প্রভৃতি নানাবিধ উপাদেয়—দেশীয় ও বিদেশীয়  
রসনা ও আণতর্পণ জব্যেরও সমাবেশ আছে। পাঠক-  
গণ স্ব স্ব রুচি ও প্রবৃত্তি অনুসারে তৎসমুদ্য উপভোগ  
করন ইহা আমাদের প্রার্থনা! জানি না বর্তমান  
বাঙালা সাহিত্য শ্রীমান् ঠাকুরের অ্যায় কয়জন ‘পাকা  
মুদ্দী’ আছেন।

৩০ নং তারক চট্টোপাধ্যায়ের

গলি।

৩০শে জুন, ১৯০৯।

শ্রীরাজেন্দ্র চন্দ্ৰ শাস্ত্ৰী



# মুদীর দোকান।

## মুদী

“অনং ন নিন্দ্যাঃ। প্রাণে বা অনং। অনাদৈ  
প্রজাঃ প্রজায়ন্তে। অনং হি ভূতানাং জোষ্ঠং”। “অনের  
নিন্দা করিও না ; অনই প্রাণরূপ, অন হইতে প্রজাসমূহ  
উৎপন্ন হয় ; অন প্রাণীগণের জ্যেষ্ঠ।” যে বৈদিক  
কালে এমন উদার ভাবে ভোজ্যদ্রব্যের মাহাত্ম্য কীর্তিত  
হইয়াছে, সেই কালে যে অনের আদর করুণ উচ্চ  
শিখরে উঠিয়াছিল তাহা স্পষ্টই বুঝা যায়। সেই বৈদিক  
কালে অন বা আহার বিষয়ে এত সঙ্কীর্ণতা ছিল না—  
অমুক এ দ্রব্য আহার করিয়াছেন, তবে তাহাকে  
জাতিতে লওয়া হইবে না—জাতিচুত করা হইবে, এই-  
রূপ সঙ্কীর্ণ ভাব সেকালে বড় ছিল না। একালে আহার

## মুদীর দোকান

বিষয়ে যে আমাদের মধ্যে কিন্তু সঙ্কীর্ণতা প্রশ্ন  
পাইয়াছে, আমাদের ‘সঁকড়ি’ শব্দটী তাহার কতকটা  
পরিচায়ক। ‘সঁকড়ি’ শব্দটী ‘সঙ্কীর্ণ’ বা “সঙ্কৰী-করণ”  
শব্দ হইতেই উৎপন্ন বলিয়া গনে হয়। “সঙ্কৰী” যে  
‘সঁকড়ি’র মূলে, তাহা সহজেই বুঝা যায়। ‘সঙ্কীর্ণ’ ও  
‘সঙ্কৰী-করণ,’ উভাদের মূল ধার্ত্তা একট। যাহাতে  
সঙ্কীর্ণতা আসে, তাহাট আর কি ‘সঙ্কৰী-করণ’ বা  
সঙ্কীর্ণতা আনয়নকারী ; যেমন, শাস্ত্রে আছে পশ্চিমসা  
করিলে “সঙ্কৰীকরণ” হয় ; হিংসার দ্বারা চিন্ত সঙ্কীর্ণ বা  
সঙ্কুচিত হইয়া থাকে।

“গ্রাম্যারণ্যানাঃ পশুনাঃ হিংসা সঙ্কৰীকরণম।  
সঙ্কৰী করণঃ কৃত্বা মাসমশুৰীত যাবকম্, কৃচ্ছ তিকৃচ্ছঃ  
অথবা প্রায়শিচ্ছন্ত কারয়েৎ।”

“গ্রাম্য বা আরণ্য পশুর হিংসা করিলে ‘সঙ্কৰীকরণ’  
হয় ; সঙ্কৰীকরণ কার্য্য করিলে এক মাসকাল যাবক  
আহার করিবে—অথবা কৃচ্ছ তিকৃচ্ছ প্রায়শিচ্ছ  
করিবে।”

বিষ্ণু-সংহিতা—৩৯ অধ্যায়।

তাত ডাল প্রভৃতি, আঞ্চীয়স্বজনরূপ গণীর মধ্যে  
ব্যতীত যাহার তাহার সঙ্গে খাওয়া যায় না—কেমন  
সঙ্কীর্ণতা আসে, তাই উহার বেলায় সঁকড়ির ধূম পড়িয়া  
যায় ; কিন্তু লুচি পিষ্টক প্রভৃতি সামগ্ৰী যাহা সকলের  
হাতে সকলের সঙ্গে বসিয়া খাওয়া যায়, তাহাতে  
'সঁকড়ি দোষ' স্পৰ্শ করে না। এই সঙ্কীর্ণ ভাব  
বৈদিক কালে বড় একটা ছিল না।

অন্ন কাহাকে বলে ? বৈদিক ঋষি বলিতেছেন—

“অগ্নতে অগ্নি চ ভূতানি

তস্মাদন্নং তছুচ্যতে ।” ( তৈত্তিৰীয় আৱণ্যক )

“যাহা প্রাণিগণ আহার করে তাহারি নাম অন্ন ।”

মনু বলিতেছেন—

প্রাণস্থানমিদং সর্বং প্রজাপতিৰকল্যাণং ।

স্থাবৰং জঙ্গমক্ষেব সর্বং প্রাণস্য তোজনং ॥

( মনু ৫মে অধ্যায় )

“প্রজাপতি কি প্রাণী কি উদ্ভিদ এ উভয়ই জীবের  
অন্ন বলিয়া নির্দেশ করিয়াছেন, অতএব উদ্ভিদাদি  
স্থাবৰ এবং মাংসাদি জঙ্গম এই উভয়বিধি পদাৰ্থই

## মুদৌর দোকান

প্রাণের ভোজন।” অন্ন বা ভোজ্যবস্তুকে  
প্রাণের আধার এইরূপ এক উদার চক্ষে ঝুঁষিরা  
দেখিয়া গিয়াছেন।—ভোজ্যবস্তুকে প্রাণের আধার  
জানিয়া কোনরূপ ভোজ্য পদার্থের নিম্না বা অনাদর  
করিতে নিষেধ করিয়াছেন। অন্নকে মহান ভাবে  
দেখিয়া, উহার মহত্ত্ব কীর্তন পূর্বক বলিয়া গিয়াছেন—  
“অন্নবান् মহান্ ভবতি। প্রজয়া পশ্চতি ব্রহ্মবচ্ছসেন  
মহান্ কীর্ত্ত্বা।” (তৈত্তিরীয় আরণ্যক)

“অন্নবান, প্রজা, পশ্চ, ব্রহ্মতেজ ও মহত্তী কীর্তির  
দ্বারা মহান হয়েন।”

“ভিন্নরূপচিহ্ন লোকাঃ” লোকের রূপ ভিন্ন, সেই  
কারণে আহারও যে রূপ হিসাবে ভিন্ন হইবে তাহার  
কথাই নাই।

প্রাণীমাত্রেরই আহার দুই শ্রেণীতে বিভক্ত—  
আমিষ ও নিরামিষ। এই দ্বিবিধ আহারের মধ্যে  
ধর্মের চক্ষে নিকৃষ্ট আসন পায় আমিষাহার। বল-  
কারিতা প্রভৃতি মাংসের অনেক গুণ আছে স্বীকার

করি, কিন্তু এক যে হিংসা উহাই মাংসকে ধর্ষতঃ  
নিরামিয়াহারের নিম্নে আসন দিয়াছে।

“নাকুলা প্রাণিনাং হিংসাং মাংসমৃৎপদ্যতে কচিঃ ।

নচ প্রাণিবধঃ স্বর্গাস্তমান্মাংসঃ বিবর্জয়েৎ ॥” ( মনু )

“প্রাণীহিংসা না করিলে কথন মাংস উৎপন্ন হইতে  
পারে না ; প্রাণিবধ স্বর্গের কারণ নহে, অতএব মাংস  
বর্জন কবাই শ্রেয়।” কিন্তু তাই বলিয়া ধর্মশাস্ত্রকার  
মত্যি মনু একটুও আত্মার সঙ্কীর্ণতা প্রদর্শন করেন  
নাই। তিনি বিহিত স্থলে মাংসভক্ষণের ব্যবস্থাও  
দিয়াছেন ; এতদ্বাতীত সর্বশেষে উদারতা সহকারে এই  
মীমাংসা করিয়া দিয়াছেন—

“ন মাংসভক্ষণে দোষে”

“প্রবৃত্তিরেষা ভূতানাং নিবৃত্তিস্ত মহাফলা ।”

“মাংস ভক্ষণ দোষ নাই কারণ ইহাতে প্রাণিগণের  
স্বাভাবিক প্রবৃত্তি হইয়া থাকে, তবে নিবৃত্তিই মহাফল-  
জনক ।”

বস্তুতঃ বৈদিক কালে ভারতে উন্নতির প্রশংস্ত  
যুগে কোন বিষয়ে সঙ্কীর্ণতা ছিল না, আহারে স্বাধীনতা

## মুদৌরদোকান

বা উদারতা ছিল, তপ্তিপথে কোনরূপ কষ্টক ছিল  
না ; সে স্বাধীনতা সে তপ্তি আমাদের একালে  
এই হীনবল হিন্দুজাতির মধ্যে একান্ত ছুল্ড।  
দেশকালপাত্রভেদে আমিষাহারেও যেমন খণ্ডিগের  
অরুচি ছিল না, নিরামিষাহারেও সেইরূপ প্রাণের  
মহান् তপ্তি ছিল। তবে ইহা অবশ্য স্বীকার্য যে,  
আর্যাজাতি চিরকাল নিরামিষপ্রধান। দয়াধর্মপ্রাণ  
আর্যাজাতি কিছু হিংস্র স্বভাব অসুরগণের স্থায়  
আমমাংসভক্ষক ছিলেন না—কাচা মাংস খাইতেন না।  
নিরামিষ আহারট তাহাদিগের প্রাণ, তাই ঘৃত দধি  
ও নানাবিধি মসল। প্রভৃতি নিরামিষ উপকরণের  
সাহায্যে সংস্কৃত করিয়া, আমিষের আমিষত্ব লোপ  
করিয়া দিয়া তবে তাহারা আমিষ আহার করিতেন—  
আমিষকে খাত্তের গুণীর মধ্যে আনিতেন। এই দেবপ্রাণ  
আর্যাজাতির নিরামিষেই যেন সমধিক ঝুচি দেখা যায়।

নিরামিষ আহারই যখন আমাদেরঃপ্রাণের প্রধান  
সম্বল, তখন আহার করিবার পূর্বে আমাদিগকে  
দেখিতে হইবে যে, আহার্যোর উপকরণগুলি কোথা

হইতে একত্র সংগ্রহ করা যায়। তাহা আর কোথাও  
নহে একমাত্র ‘মুদীর দোকানে’। মুদীর দোকানের  
নাম করিলেই হয়ত বা এঙ্গণে আমাকে অনেকের  
নিকট হাস্যাস্পদ হইতে হইবে, তথাপি এই দেশীয়  
ভাবের প্রাবল্যের কালে আমার আশা আছে,  
স্ববিবেচক ব্যক্তিরা নাসিকা কুঠন করিতে বিরত  
হইয়া আমার কথায় মনোযোগ দিতে বিশেষ বিরক্তি  
বোধ করিবেন না। বিজাতীয় ভাবের প্রবলস্ত্রোতে  
মুদীর দোকান এয়াবৎ অনাদরে অতি দীনভাবে জীবন  
অতিবাহিত করিয়া আসিয়াছে—সকলের উপহাসের  
পাত্র হইয়া দাঢ়াইয়াছে; কিন্তু ইহা যে আমাদের  
প্রাণধারণের একমাত্র নির্ভরস্থান তাহা কেহ অস্বীকার  
করিতে পারেন না। এই মুদীর দোকান হইতে গৃহী,  
খাদ্যোপযোগী চাল, ডাল, ঘি, তৈল প্রভৃতি  
অধিকাংশ খাদ্যোপকরণ সঞ্চিত করিয়া থাকেন;  
কিন্তু ইহা সত্ত্বেও ইহার প্রতি প্রাণের আস্থা ও  
কৃতজ্ঞতা আমাদের একটুও নাই বলিলে হয়। এই  
মুদীর দোকানের স্থান যেন আজকাল ‘Oilman’s

## মুদীর দোকান

Store অধিকার করিতে বসিয়াছে। ‘মুদীর দোকান’  
না বলিয়া যদি ‘Oilman Store’ বলা যায়, অমনি  
হয়ত আমাদের দৃষ্টি আকর্ষণ করিবে; কিন্তু ‘মুদীর  
দোকান’ এই নামে আমাদের প্রাণের আনন্দের মূল  
যেমন সুগভীর প্রোথিত থাকিয়া রসাকর্ষণ করিতে  
পারে, এমনটা কি Oilman Store-এ হইতে পারে?  
Oilman's Store অর্থে তেল বিক্রয়ীর ভাণ্ডার  
বুর্বায়—ইহা বিজাতীয় বাবহারিক শব্দ মাত্র—  
অনুসারশৃঙ্গ। ইহাতে প্রাণের আকর্ষণ কোথায়?  
কিন্তু এই লাঞ্ছিত, আমাদিগের নিজস্ব ‘মুদীর দোকান’  
যদিও বাহাড়স্বরশৃঙ্গ, তথাপি ইহা অন্তরে অন্তরে  
কতৃৰ প্রাণের আনন্দদায়ক, তাহা একটু ভাবিয়া  
দেখিলেই বুর্বা যায়।

এই মুদীর দোকান বড় আজিকালের সৃষ্টি নহে।  
সহস্র সহস্র বৎসর পূর্বে হইতে ইহা ভারতে বিরাজ  
করিতেছে—ভারতবাসীকে অধিকাংশ আহার্য দ্রব্য  
যোগাইয়া আসিতেছে। আজকালকার অবহেলার  
আস্পদ মুদীর দোকান আমাদিগের পূর্বপূর্ব পিতৃ-

পুরুষগণের প্রাণে কতনা হৰ্ষ কতনা আনন্দ জাগ্রত  
করিত !

এই যে ‘মুদী’ শব্দটী ইহা বড় আজকালের কথা  
নয়। টহা বৈদিক কাল হইতে ভারতে চলিয়া  
আসিতেছে। ‘মুদী’ নামটীতে খাবিদিগের প্রাণের হৰ্ষ  
পূর্ণ মাত্রায় বিরাজ করিতেছে। ‘মুদী’ নামের ধাতৰ্থ  
হৰ্ষ; হৰ্ষ বা প্রাণের আনন্দজ্ঞাপক ‘মুদ’ ধাতু হইতে  
‘মুদী’ শব্দের উৎপত্তি। “মুংপ্রীতিঃ প্রমদো হর্যঃ”  
(অমর কোষ)। যখন শশ্যশ্যামল ভারতে পরিপক্ব ধান  
গোধূমাদি অন্নসমূহ ভরিয়া উঠিত—যখন অন্নপূর্ণা  
গৌরীর ন্যায় তাহার মধ্যে শোভনা শী বিরাজ করিত,  
তখন খাবিদিগের প্রাণে এক অপূর্ব আনন্দ জাগরুক  
না হইয়া যাইতে পারিত না। তাই বৈদিক খাবিরা  
এই হর্ষদোতক ‘মুদ’ শব্দেই বীহ্যাদি অনুমাতকেই  
বুঝাইতেন। চাল, ডাল, গোধূম প্রভৃতি অন্ন বা ওষধির  
সাধারণ বৈদিক নাম ‘মুদ’। বিবাহকালে বৈদিক  
রাষ্ট্রভূক্তোমে যে দ্বাদশ মন্ত্র পাঠ করিবার বিধি আছে  
তাহার মধ্যে দ্বিতীয় মন্ত্রটীতে ওষধি বা বীহ্যাদি অন্ন

## মুদীর দোকান

অর্থে ‘মুদঃ’ শব্দ বাবহত হইয়াছে। “ততে রাষ্ট্রভক্তিমে  
পারক্ষরঃ—‘বিবাহে রাষ্ট্রভদ্বিচ্ছিন্নিতি।’” তত্ত্ব দ্বাদশ মন্ত্রা  
যথা—এই দ্বাদশমন্ত্রের দ্বিতীয় মন্ত্রটী এই :—

“ঝতাসাড়ুতধামাগ্নিগন্ধৰ্বস্তস্মৈষধয়োৎপ্সরসো

মুদোনাম তাভাঃ স্বাহা।”

অস্যার্থঃ—যোঃগ্নিঃ গন্ধৰ্বরূপঃ। কিন্তু তোঃগ্নি  
ঝতঃ সত্যঃ সহচরে ইতি ঝতাসাট্ সত্ত্বসহকৃত ইত্যর্থঃ।  
পুনঃ কিন্তুতঃ ঝতধামা ঝতঃ ধাম স্থানঃ যন্মেতি  
ঝতধাম। তন্ম অগ্নের্গন্ধৰ্বরূপস্থাপ্সরসঃ ওষধয়ো  
বৌহাদযঃ। কিন্তুতাঃ মুদোনাম মুন্মান্ন ইত্যর্থঃ। তাভিঃ  
সর্বে মোদন্তে ইতি মুদঃ তাভা ওষধিভ্যাঃ স্বাহা  
স্বত্ত্বতমন্ত্র। অগ্নের্গন্ধৰ্বস্থাপ্সরোভো মুন্মান্নীভা ওষধিভাঃ  
অস্মাভিরিদমাজ্যঃ প্রদত্তঃ তা অস্মাকং জ্ঞানঃ বীর্য়ঞ্চ  
রক্ষণ্স্তিতি বাকার্থঃ।

“ঝতসহকারী ঝতধাম গন্ধৰ্বরূপ যে অগ্নি, ওষধি  
বা বৌহ্যাদি অন্নগণক তাহার অপ্সরাগণ। সেই মুদো-  
নামী অপ্সরাগণের উদ্দেশে এই হবি আহতি প্রদত্ত  
হইল। ইহা আমাদিগের জ্ঞান ও বীর্য রক্ষা করক।”

চাল, ডাল, গোধূম প্রভৃতি ওষধি বা অন্নসমূহকে ‘মুদঃ’ কেন বলে টিকাকার তাহা স্পষ্টই ভাঙিয়া বলিয়াছেন—“তাভিঃ সর্বে মোদত্তে ইতি মুদঃ।” অর্থাৎ “এই অন্নের দ্বারা সকলে হর্ষ বা তৃপ্তি লাভ করে তাই ‘মুদঃ’ নাম।” দক্ষিণায়নের কাল বা হেমস্তুখতু, ধাত্যাদি অন্নের প্রশস্তকাল বলিয়া তৈত্তিরীয় আরণ্যকে দক্ষিণায়ন কালকে এ পর্যন্ত ‘মোদঃ’ শব্দে অভিহিত করিয়াছেন,—

“মোদো দক্ষিণঃ পক্ষঃ”

পাঠকগণ এক্ষণে বুঝিলেন যে বৈদিক, ঋষিরা ধাত্যাদি ওষধির হর্ষে প্রমুদিত হইয়াই ধাত্য গোধূমাদি অন্নের নাম দিয়াছেন ‘মুদঃ’। এই ‘মুদ’ বা অন্ন যাহার গৃহে বা যাহার পণ্যশালায় আছে সেই “মুদী”। মুদোহন্মস্য-স্তীতি মুদী। এইরূপে অন্ন-বিক্রয়কারীর নাম ‘মুদী’ হইয়াছে। তাই বলিতেছিলাম ‘মুদী’ বলিলে আজকাল যেরূপ তুচ্ছভাব, অপদার্থ হেয়ভাব প্রাণে জাগ্রত করে উহা প্রকৃতপক্ষে সেরূপ হেয় বা অবজ্ঞার আশ্পদ নহে। আমাদিগের পূর্বপূরুষ ঋষিগণের প্রাণের চির-আনন্দ

## মুদীর দোকান

এই ‘মুদী’ নামে বিজড়িত ; অথচ পাঞ্চাতাশিক্ষার প্রভাবে এমন আনন্দদায়ক মনোরম নামটীর প্রতি আমরা একবার দৃক্পাত না করিয়া যুগার ভাবে দেখিয়া থাকি । এমন প্রাণের বস্তু ‘মুদী’কে ছাড়িয়া নৌবস ‘Oilman’কে যে কি প্রকারে ভাল লাগে তাহা বলিতে পারি না । যাহার প্রাণ আছে হৃদয় আছে তিনি অবশাই ঝঘি উচ্চারিত এই ‘মুদী’ নামে পূর্ণ হস্তান্ত করিবেন ।

মুদীর দোকানের প্রধান প্রধান সামগ্রীগুলিরও নাম এই হমদ্দেয়াতক ‘মুদ্’ ধাতৃ হইতেই উৎপন্ন । দেখুন যুত একটী মুদীর দোকানের প্রধান দ্রব্য । খাদ্যপাকে এই যুতের অন্তর্ম নাম ‘ময়ান’ । এই ‘ময়ান’ সংস্কৃত ‘মোদন’ শব্দের অপভ্রংশ মাত্র । মোদনকারী বা হৰ্জনক বলিয়াই যুতের নাম ‘মোদন’ । যেমন ‘বদন’ হইতে বাঙ্গলায় ‘বয়ান’ আসিয়াছে সেইরূপ ‘‘মোদন’’ হইতেই ‘ময়ানের’ উৎপত্তি । যখন রুটী লুচি বা অন্য কোন পিষ্টকজাতীয় খাদ্য প্রস্তুত করা যায়, তখন যুত সম্পর্ক ভিন্ন তাহা বস্তুতঃ মোদনকারী হয় না । যুত

বিহুন পিষ্টকাদি দ্রব্য শুক্র ও নৌরস হইয়া থাকে। তাই  
রূটী লুচি প্রভৃতিকে মোদনকারী করিবার জন্য ঘৃত  
'ময়ান' দেওয়া হয়। যেমন ঘৃত মোদনকারী দ্রব্যের  
মধ্যে শ্রেষ্ঠ বলিয়া ঘৃতের অন্ততম নাম মোদন বা ময়ান  
হইয়াছে, সেইরূপ যে সামগ্ৰীটি প্ৰধানতঃ ঘৃতের দ্বাৰা  
মোদনীয় তাৰারও নাম ‘‘মোদা’’ হইয়াছে। আমাদেৱ  
দেশেৱ প্ৰচলিত ‘ময়দা’ শব্দটী সংস্কৃত ‘মোদা’ শব্দ  
হইতে প্ৰসৃত বলিয়া বোধ হয়। ‘মোদা’ অর্থাৎ যাহা  
ঘৃতেৱ দ্বাৰা মোদনীয় অর্থাৎ যাহাতে ঘৃতেৱ ময়ান  
মাখান হয়। এই ‘মোদা’ শব্দটী লোকমুখে একটু  
বিকৃত হইয়া ‘ময়দা’ আকাৰ প্ৰাপ্ত হইয়াছে। কি হিন্দু-  
স্থানে কি বঙ্গে সৰ্বত্রই এই কাৱণে গোধুমচূৰ্ণ ময়দা  
নামে অভিহিত হয়। বস্তুতঃ গোধুমচূৰ্ণ ময়দাৰ সহিত  
ঘৃতেৱ যেৱোপ প্ৰগাঢ় সখ্য, এমন আৱ অন্য কিছুৰ সঙ্গে  
নহে। ভজ্ঞ বা ভাত এবং ডাল ও তৰীতৰকাৰী  
প্ৰভৃতি ঘৃতেৱ সাহায্য বিনাও খাওয়া যায়, কিন্তু ময়দা  
ঘৃত সাহায্য বিনা খাওয়া চলে না। ঘৃতাঙ্গ হইয়া  
তাৰে ময়দা সকলকে প্ৰমুদিত বা হৰ্ষান্বিত কৰে; কি

## ଖୁଦିର ଦୋକାନ

ଗଜା ପ୍ରଭୃତି ପିଷ୍ଟକ, କି ରୁଟୀ, କି ଲୁଚି ମକଳ ପ୍ରକାର ଖାଦୋଇ ମୟଦା ସ୍ଵତ ସାହାଯେଇ ନିଜ ଗୁଣେର ପରିଚଯ ଦିଯା ଥାକେ । ଅନେକ ହଲେ ଗୋଧୂମ-ଚୂର୍ଣ୍ଣ ‘ଆଟା’ ନାମେଓ ଅଭିହିତ ହଇତେ ଦେଖା ଯାଯ । କିନ୍ତୁ ‘ଆଟା’ ଶବ୍ଦେ କେବଳ ଯେ ଗୋଧୂମଚୂର୍ଣ୍ଣକେ ବୁଝାଯ ତାହା ନାୟ, ଗୋଧୂମେର ନ୍ୟାୟ ଅନ୍ତାନ୍ତ ଦ୍ରବ୍ୟେର ଚୂର୍ଣ୍ଣକେଓ ‘ଆଟା’ ବଲେ । ସଥା, ‘ଭୁଟ୍ଟାର ଆଟା,’ ‘ସବେର ଆଟା’ ଇତାଦି ; ତିନ୍ଦୁଷ୍ଠାନୀ ପାଚକେରା “ଉରଦ୍ଦକି ଡାଲକା ଆଟା”, “ମୁଗକା ଚୂର୍ଣ୍ଣ ବା ମୁଗକା ଆଟା”, “ଗେଲକା ଆଟା” ଇତାଦି ବଲିଯା ଥାକେ । ଉତ୍ତାରା କୋନ ଦ୍ରବ୍ୟେର ଚୂର୍ଣ୍ଣକେ ସଚରାଚର ‘ଆଟା’ ବଲେ । ତାହା ହଟ୍ଟିଲେଟ ବୁଝା ଯାଇତେଛେ ଚାଲ, ଗୋଧୂମ ପ୍ରଭୃତି ଶସ୍ତ୍ରଚୂର୍ଣ୍ଣେର ନାମଟି ‘ଆଟା’ । ‘ଆଟା’ ଶବ୍ଦେର ଉପଭିତ୍ତି ‘ଆବୁନ୍ତ’ ବା ‘ଆବର୍ତ୍ତିତ’ ଶବ୍ଦ ହଇତେଇ ହେଁଯା ସନ୍ତୁବ । ଯାହା ‘ସତ୍ରାବର୍ତ୍ତିତ’ ଅର୍ଥାଏ ଚାକି ବା ସାତାଯ ପେଷିତ ହୟ ତାହାଇ ‘ଆଟା’ । ଧାନ୍ ପ୍ରଭୃତି ଯାହା ସାତାଯ ଆବର୍ତ୍ତିତ ହେଁଯା ଚୂର୍ଣ୍ଣ ହୟ ତାହାଇ ଆଟା, ତାଇ ବଲିଯା ଟଣ୍ଟକେର ଚୂର୍ଣ୍ଣ ସାତାଯ ଆବର୍ତ୍ତିତ ହୟ ନା ତାହାକେ ‘ଆଟା’ ବଲେ ନା । ଖାଦ୍ୟପାକେ ସଥନ ଦେଖି ସଂକ୍ଷିତ ‘ଆବର୍ତ୍ତନ’ ଶବ୍ଦ ବଞ୍ଚିପ୍ରାକୁତେ ‘ଆୟଟାନ’ ଶବ୍ଦେ

পরিণত হইয়াছে, তখন ‘আবৃত্ত’ বা ‘আবর্তিত’ হইতে  
যে ‘আটা’ আসিবে তাহা সহজেই অনুমেয়।

আবার দেখুন ‘বৈদল’ বা ডাল জাতীয়ের মধ্যে যাহা  
শ্রেষ্ঠ, রসনাৱ বিশেষ তৃপ্তিজনক সেই মুগেৱ ডালও এই  
‘মুদ্ৰ’ ধাতুকে নিজ অঙ্গীভূত না কৱিয়া যায় নাই। মুগেৱ  
ডালেৱ সংস্কৃত নাম ‘মুদগ’। ‘মুদগ’ শব্দেৱ অর্থ যাহা ‘মুদ  
বা হৰ্ষকে প্ৰাপ্তি কৱায়’। বৈদিক কালে মুদগ বা মুগেৱ  
ডাল ঋষিদিগেৱ এত অধিক প্ৰিয় বস্তু ছিল যে অনেক  
ঋষি “মুদগ ভক্ষণকাৰী” এই নামেই প্ৰসিদ্ধ হইয়া  
ছিলেন। বৈদিক ঋষিদিগেৱ মধ্যে অনেকেৰ নাম যে  
'মুদগল' দেখিতে পাওয়া যায়, নিৰুত্কৃকাৰেৱ মতে উহা  
'মুদগগিল' অৰ্থাৎ মুগ-ভক্ষক শব্দেৱ সংক্ষেপ মাত্ৰ।

যেহেতু হৰ্ষে চক্ৰবৰ্য মুদ্রিত কৱিতে ইচ্ছা হয়—প্ৰাণ  
জুড়ান তৃপ্তি উপভোগ কৱা যায়, সেই স্থলেই যেন হৰ্ষ-  
দ্যোতক ‘মুদ্ৰ’ শব্দ আপনাআপনি প্ৰাণ হইতে উপৰি  
হয়। নয়নানন্দকাৰী শস্ত্ৰশ্যামল ক্ষেত্ৰ দেখিলে কাহাৱ  
না প্ৰাণ জুড়ায়? তাই তাহা ‘মোদোদ্যান’ বা ‘ময়দান’  
নামে অভিহিত। কি খাদ্য কি ঔষধ কি অস্তাৰ্থ বিষয়

## মুদীর দোকান

যেখানে ঝবিরা প্রাণজুড়ান হষ্ট লাভ করিয়াছেন, সেই  
খানেই ‘মুদ’ বা ‘মোদ’ শব্দের ব্যবহার না করিয়া তত্ত্ব  
হন নাট। সুমিষ্ট লজ্জুক মোদনকারী, তাই তাহার  
নাম হইল ‘মোদক’। আমাদের ‘মোয়া’ যেমন ‘খইয়ের  
মোয়া’ এই ‘মোদক’ শব্দ হইতেই উৎপন্ন। ওষধের  
মধ্যে যাহা মিষ্ট তাহাও ‘মোদক’ নাম প্রাপ্ত হইয়াছে।  
‘মোদককার’ হইতে বাঙ্গলায় ‘ময়রা’ আসিয়াছে।  
সুমিষ্ট জনাট ক্ষীর যাহা একলপ মোদকেরই তুল্য  
তাহারও নাম ‘মেওয়া’—ইহাও ‘মোদক’ শব্দজাত।  
বাদাম পেস্তা প্রভৃতি মোদনকারী ফলেরও নাম ‘মেওয়া’।  
বস্তুতঃ বাদাম পেস্তা প্রভৃতি ফলগুলি অধিকাংশ খাদ্য-  
দ্রব্যের মোদনার্থ ব্যবহৃত হইয়া থাকে, অর্থাৎ আনেক  
খাদ্যের সঙ্গে সহকারীরূপে থাকিয়া তাহাদের সোহাগ  
বা উৎকর্ম সাধন করে।

উপরে যে সকল মোদনকারী দ্রব্যাদির নাম করিলাম  
সেইগুলি এবং তাহাদেরই স্বজাতীয় অন্তর্ভুক্ত নানা দ্রব্য-  
সমূহ মুদীর দোকানের উপকরণ সামগ্ৰী। এই সকল  
ভাৱত-প্ৰসূত দ্রব্যসমূহ মুদীর বিপণি হইতেই এককালে

দেশবিদেশে পরিচালিত হইত ; শস্ত্রশামল ভারতের বিপণি হইতে চাল, ডাল প্রভৃতি নানা দ্রব্য দেশবিদেশে নীত হইত। এখনও তাহার চিহ্ন দেশবিদেশে পাওয়া যায় ; তাই এখনও দেখা যায়, আমাদের দেশ হইতে সেই সকল দ্রব্য বিদেশে গিয়া তাহাদের ভাষার মধ্যে নিজনাম অঙ্কিত করিয়া আসিয়াছে। যেমন ধান বা চাল ইহা মুদ্রীর প্রধান আসবাব। ধানের মাহাত্ম্য জগতে কাহারও অবিদিত নাই ; সমগ্র আসিয়াখণ্ডে ইহাটি বোধ হয় সর্বপ্রধান খাদ্য। কিছুদিন হটল কোন ভাষাতত্ত্ববিদ ইংরাজ পণ্ডিত ভারত-দ্বীপপুঞ্জের ধানের নাম ‘আটিয়া’ (Atia) হইতে ‘আসিয়া’ নামের উৎপত্তি পর্যাপ্ত আকর্ষণ করিতে কৃষ্ণিত হন নাই। যুরোপ ও আসিয়া ভূখণ্ডের অধিকাংশ ভাষায় ধানের নামগুলি সংস্কৃত হইতে উৎপন্ন দেখা যায়। ভারতের বৈদিক শব্দই দেশবিদেশের চালের নাম সরবরাহ করিয়াছে। ধান চালের নাম ও উহার আদর যুরোপীয়েরা যে ভারতের নিকট শিক্ষা করিয়াছে, তাহা উহারা নিজেরাই যখন স্বীকার করে, তজ্জন্ম আমাদের সে কথা লইয়া

## মুদীর দোকান

মাথা ঘামাবার বিশেষ প্রয়োজন নাই। পরবর্তী ‘চাল’  
প্রবক্ষে ধান চাল সম্বক্ষে বিশেষ ভাবে আলোচনা করায়  
এ প্রবক্ষে সে বিষয় বিস্তারিত ভাবে লিখিতে নিরস্ত  
হইলাম।

চাল, ডাল, ঘৃত তেল প্রভৃতি নিরামিষ মোদনকারী  
দ্রবোই আমাদের মুদীর দোকান সুসজ্জিত থাকিত,  
আর এক্ষণে Oilman Store-এ ঐ সকল দ্রব্য অল্পই  
সঞ্চিত থাকে; কিন্তু তারে ভারে বিদেশানীত আমিষ-  
দ্রব্য এমন কি অমেধা ঘোটকাদি অথাত মাংস  
প্রভৃতিও টিনবন্দ হইয়া আমাদের দেশকে প্রাবিত  
করিতেছে। যে স্থলে মুদীর বিপণিতে বিশুদ্ধ  
পরিত্বপ্তি উপভোগ্য ছিল, এক্ষণে তাহার স্থলে  
Oilman Store এর অপরিত্বপ্ত হিংসাস্তুখ-মন্তব্য  
আসিয়া রাজস্ব করিতে চাহিতেছে। বস্তুতঃ, দেহের  
বলমাংসকর হইলেও হিংসালঙ্ক আমিষাহারে সে হঁস  
সে তৃপ্তি পাওয়া যায় না, যেমন পবিত্র নিরামিষ  
আহারে পাওয়া যায়; অথচ আমিষাহারের স্থায়  
নিরামিষ দ্রব্য কিছু কম বলপূর্ণিকর নহে। কিন্তু

নিরামিষ জ্বের চারিদিকে আনন্দ বাঞ্ছা ! সেই  
আনন্দ সেই আমোদ ভারতের গৃহে গৃহে বিরাজ করুক  
—মুদীর বিপণিতে ভারতের অন্ন ভারতবাসীরা অক্লশে  
নাত করিয়া জ্ঞানে বীর্যে প্রমুদিত হউন।\*

\* এই প্রবন্ধ পঁচিশ বৎসর পূর্বে—সন ১৩১২ সালেন আশ্বিন  
। খ্যার ‘পুণ্য’ মাসিক পত্রে প্রকাশিত হয়।



## চাল

—\*—

চাল জিনিষটা যেমন বাঙ্গালার নিজস্ব, এমন আর কোন কিছুই নহে। বাঙ্গালী জাতি ‘গেঁহ’ বা ডাল-কুটীর ভক্ত নয়, কিন্তু চাল-ডালের ভক্ত। বাঙ্গালার সর্বপ্রধান খাদ্য হচ্ছে চাল। সমগ্র আসিয়ায় বোধ করি বাঙ্গালার চালের মত চাল আর কোথাও হয় না। In India generally, rice is produced in every variety of soil at every altitude and in every latitude. \* \* \* The finest is the Bengal table rice. \* বাঙ্গালার চালের যত নাম আছে, সব সংগ্রহ করিলে একটা বই হ'তে পারে। এক চাল থেকে বাঙ্গলাদেশে কত রকমের খাদ্য সামগ্ৰী না প্ৰস্তুত হয় !

\* Encyclopaedia Ind'a.

চাল থেকে ভাত, পোলাও, খিচুড়ী, পায়স, মুড়িমুড়িকি, চিড়া, খই, নবান্ন, পৌষপার্বণের নানারকম পিঠে, আর কত নাম করিব, এই সকলই তৈয়ারী হয়,—ইহা ছাড়া মালপোয়া, মেঠাটি, রসগোল্লা আদি নানা মিষ্টান্নে চালের সহযোগিতা চাই। চাল-ধোয়া জল ও চালের মণি আদি চিকিৎসায়ও অনেক কাজে লাগে। শরতে যখন ধানের অঙ্কর তবার সময় আসে, তখনটি বাঙ্গালার ঘরে ঘরে অন্নপূর্ণার পূজা হয়। আবার যখন শারদ ধানের নৃতন উদগম হয়, তখন সর্বত্র নবান্নোৎসবের ধূম পড়ে। সমস্ত পৌষ-মাসের যে পিঠে-পার্বণের উৎসব, তাহা ঐ নৃতন চালের আনন্দোৎসব ভিন্ন আর কিছু নয়।

বাঙ্গালার প্রধান খাদ্য-সামগ্ৰী চাল যেমন না হ'লে বাঙ্গালীর জীবন অচল হ'য়ে পড়ে, তেমনই ‘চাল’ শব্দের ও বাঙ্গালা ভাষায় এত বিবিধ প্রকারে বাবহার যে, ‘চাল’কে বাদ দিলে বাঙ্গালীর ‘বোলচাল’ যেন নিজীব তবার উপকৰণ হয়। ‘চাল’ শব্দের এত রকমের বাঙ্গালাভাষায় প্রয়োগ যে, বাঙ্গালা দেশে যেমন চাল উৎপন্ন না হ'লে ছবিক্ষের অবস্থা আসে, সেইরূপ বাঙ্গালা

## মুদীর দোকান

ভাষা থেকে যদি ‘চাল’ শব্দকে হরণ করা যায়, ত মনে হয়, বঙ্গ-ভাষায়ও ভাব-প্রকাশের ছবিক্ষ আসিয়া উপস্থিত হবে। বস্তুতঃ নানা ভাব-ব্যঙ্গক এক ‘চাল’ শব্দ কত রকমে না বঙ্গ-ভাষাকে পৃষ্ঠ করিয়া তুলিয়াছে !

সংস্কৃত ‘চল’ ধাতু যদিও ‘চাল’ শব্দের মূলে, কিন্তু ‘চাল’ শব্দটি বাঙ্গলা ভাষার নিজস্ব সম্পত্তি। কোন কোন পঙ্গিতের মতে ‘চাল’ প্রাচীন সংস্কৃত ‘তঙ্গুল’ শব্দ থেকে উৎপন্ন ; কিন্তু ইহা কষ্টকল্পিত বলিয়া মনে হয়— “তঙ্গুল” থেকে ঐরূপ ভাবে ‘চাল’ শব্দ আসা সম্ভব নয়। তাহাদের মতে—“যখন আতপ চালের কথা হইতেছে, তখন বুঝিতে হইবে যে ‘তঙ্গুল’ হইতে তাঙ্গুল আসিয়াছে, ‘তাঙ্গুল’ হইতে ‘তাউল’ আসিয়াছে, ‘তাউল’ হইতে ‘চাউল’ আসিয়াছে।”\* ‘তঙ্গুল’ যে প্রাচীন সংস্কৃত শব্দ, তাহাতে সন্দেহ নাই। গোভিল-কৃত বৈদিক গৃহসূত্রে যেখানে চরু পাক করার বিধান লেখা

\* সাহিত্য পরিষদ পত্রিকা, ১৩০৪ সাল, চতুর্থ ভাগ, চতুর্থ সংখ্যা, দেখ।

আছে, সেখানে ‘তঙ্গুল’ শব্দের উল্লেখ দেখিতে পাওয়া  
যায়।

‘স্থালী পাকাবত। তঙ্গুলানুপস্থত্য চরং শ্রপয়তি।’

‘এইরূপে প্রস্তুত তঙ্গুল হইতে চর বা পায়স

পাক করা হয়।’

( গোভিল গৃঃ সূত্র )

এমন কি, সুশ্রাবে তঙ্গুলের গুণাগুণ পর্যাপ্ত লেখা  
আছে—

‘সুদুর্জ্জরঃ ষাট্রসো বৃংহনস্তঙ্গুল। নবঃ।’

( সুশ্রাব-সংহিতা )

অর্থাৎ ‘নৃতন চাল খাইতে সুস্থাদু, কিন্তু অতি কষ্টে  
জীর্ণ হয়, এবং জীর্ণ করিতে পারিলে উহা খুব পুষ্টি-  
কারক।’

ধান্য হইতে যে কিরূপে তঙ্গুল বা চাল বাহির  
করা হইত বৈদিক গৃহাসূত্রে তাহারও বিধান লেখা  
আছে।

‘পঞ্চাদশেক্ষণ্লুখলং দৃঃহয়িত্ব। সকৃৎসংগৃহীতং বৌহি-  
যুষ্টিমবহস্তি সবোত্তরাভাঃ পাণিভাঃ।’

## মুদীর দোকান

“অগ্নির পশ্চাত্তাগে দৃঢ়রূপে উদ্ধল স্থাপন করিয়া  
তাহাতে একবারেই কয়েক মণ্ডি পরিমাণ ধান্ত লটয়।  
উভয় হস্তে মুষল ধরিয়া ধান্তাবধাত করিবে অর্থাৎ ধান  
ভানিবে।”\*

যদা বিতুষাঃ স্বাঃ সকুদেব সুফলীকৃতান্ত্বৰ্কীতি ।

“পূর্ববিহিত অবঘাতের দ্বারা যখন ধানাশুলি তুষ-  
সম্বন্ধ শৃঙ্খ হইবে, তখন শৃঙ্খাদির দ্বারা ঝাড়িয়া সেই  
তুষশুলি উড়াইয়া দিবে ন। ( এইরূপে তুষল প্রস্তুত  
হইল। )

সংস্কৃত চালকে যে কেন ‘তুষল’ বলিত, তাহার কারণ  
এই—‘তুষ’ ধাতুর অর্থ আঘাত করা, আবার নৃত্য  
করাও বুঝায়। নৃত্যার্থবাচক ‘তাঞ্জব’ শব্দও এই ‘তুষ’

---

\* সংস্কৃত ‘অবহনন’ শব্দ থেকে ‘ভানা’ শব্দ আসিয়াছে—‘ভঙ্গ’  
বা ‘ভাঙ্গা’ থেকে ‘ভানা’ আসে নাই।

+ তেনাবধাতেন যদা তে ধান্তসংষ্ঠাতাঃ বিতুষাঃ বিগততুষাঃ  
স্বয়ঃ তদা সকুদেব একবারেণৈব তান্ত্ব অবহতধান্তসমূহান্ত সুফলীকৃতান্ত-  
শৃঙ্খাদিনা তুষান্ত্ব পৃথক্কৃত্য তুষলকুপান্ত্ব কুর্বীতি । ( গোঢ়িল গৃহ-  
স্থানের সত্যব্রত সামশ্রমীকৃত টাকা । )

ধাতু থেকে উৎপন্ন। নৃতাকারী খণ্ডন পাখীর আর এক নাম ‘তঙ্গ’। পুরাকালে ধান থেকে চাল বাহির করিবার সময় যখন উদ্ধলে মুষল দ্বারা আঘাত করা হত, তখন চালগুলি মৃত্যুগতঃ নৃতা করিয়া উঠিত, তাই দেখিয়া সংস্কৃতে চালের নাম “তঙ্গুল” রাখা হইয়াছে। কিন্তু আমাদের এই ‘চাল’ নামের সঙ্গে ‘তঙ্গুল’ নামের সম্পর্ক নাই। চালের নতোর প্রতি ততটা দৃকপাত না করিয়া, উহার প্রকরণের উপর আস্তা প্রদর্শনপূর্বক এই লোক-প্রিয় খাদ্যের নাম রাখা হইয়াছে ‘চাল’। আমরা বাঙ্গলায় শুন্দি ভাষায় মচরাচর লিখে থাকি ‘চাউল’ ‘দাইল’ ইত্যাদি। এইরূপ লেখার কোন প্রয়োজন দেখি না—মধ্যের উকারের ও ইকারের আমদানী নিরর্থক। পশ্চিমারা শব্দের উচ্চারণে টান দিতে ভালবাসে বলিয়া ‘চাল’ না বলিয়া ‘চাওল’ বলিয়া থাকে।

‘চাল’ শব্দের আসলে উৎপত্তি। ‘চালন’ বা ‘চেলে লওয়া’ থেকে। ধানকে তৃষ্ণবজ্জিত করিবার জন্ম শূর্প বা চালনীতে চেলে লওয়া হয় বলিয়া উহার নাম

## মুদৌর দোকান

‘চাল’। খোসা-সমেত যাহা, তাহা ‘ধান’—খোসা বা তুষবজ্জিত ধানের যে সারভাগ, তাহারই নাম ‘চাল’। এই কারণে শুধু যে ধানের সারভাগকে ‘চাল’ বলে, তাহা নয়; ধান ছাড়া অন্য কোন কোন সামগ্ৰীৱেও খোসা-বজ্জিত সারাংশকে বাঙ্গলায় ‘চাল’ বলা হইয়া থাকে; যেমন “ধনের চাল” ইত্যাদি। যখন ধনের খোসা পরিবর্জনের জন্য চেলে লওয়া হয়, তখন তাহাকেও ‘ধনের চাল’ বলে।

বাঙ্গালা ভাষায় ‘চাল’ শব্দ যে চেলে লওয়া থাকে হইয়াছে, তাহা আরও অগ্রাহ্য উদাহরণ দ্বারা প্রতিকরা যায়। “ঘরের চাল” কেন বলে?—খোড়ো ঘরের ছাদকেই ‘চাল’ বলা হয়—কোঠাবাড়ীর ছাদকে ত চাল বলে না—‘ছাদ’ বলা হইয়া থাকে। খোড়ো ঘরের ছাদ তৈয়ারীর সময় খড়গুলো চেলে চেলে বিছিয়ে দেওয়া হয় বলিয়াই খড়ের ‘চাল’ বলে। খোড়ো ঘরের এক নামই ত ‘আটচালা।’ খড়কে ‘বিচালি’ বলা হয় কেন না, ‘বি’ অর্থাৎ বিশেষ রকমে চেলে লওয়া হয় বলে। এই কারণে আবার

একটা কাঠকে টুকরা টুকরা ক'রে চেলে নিলে তাহাকে আমরা ‘চালা কাঠ’ বলি।

এই এক ‘চাল’ শব্দ থেকে বাঙালা ভাষায় যে কত ভাবের অভিব্যক্তি হ'য়েছে পাঠকগণের গোচরার্থে কতকগুলি উদাহরণ দ্বারা নিম্নে তাহা দেখান হ'ল—

বাঙালীর আহারে বিহারে চাল, যথা—‘অমৃকের চাল বড় খারাপ”, “চালচুলো”, “চাল-চলন, “বেচাল”, “চাল মারা” “চালবাজী” “চাল দেখানো” ইত্যাদি। এইরপ কত ভাবেই যে এই এক ‘চাল’ শব্দের প্রয়োগ দেখা যায়, তাত্ত্ব বলা যায় না। বাঙালীর খেলাতেও চাল, যথা—‘দাবার চাল’ ‘বড়ের চাল’ ইত্যাদি। আমাদের রাজনীতিতে ‘চাল’-এর প্রয়োগবাহ্য দেখা যায়, যথা—“খুব ভাল চাল চেলেছে”, “diplomatic চাল” ইত্যাদি। সময়ে সময়ে ওজনেও চাল শব্দ বাবহৃত হয়, যথা—‘এক চাল ভর জাফরান’। চতুর লোককে যে আমরা ‘চালাক’ বলি এবং কাহারও সঙ্গে রহশ্য করিলে যে ‘চালাকি করা’ বলে থাকি, এই শব্দ-দ্বয়ের সঙ্গে ‘চাল’ এর ঘনিষ্ঠতা থাকা সম্ভব।

‘চাল’ থেকে বঙ্গভাষায় আর একটি কথা এসেছে, মাহার বাখ্যা প্রয়োজন। ছর্গা-প্রতিমার পৃষ্ঠাগে যে “চালচিত্র” করা হয়, তাহাকে “চালচিত্র” বলে কেন? হিমালয় অঞ্চলে ভুটিয়া প্রভৃতি পাহাড়ী মেয়েরা প্রকৃতই দেখা যায় ছর্গা-পূজার সময় চাল দিয়া ললাট প্রভৃতি অঙ্গ-প্রত্বঙ্গ চিত্রিত করিয়া থাকে। পুরাকালে খুব সন্তুষ্টভঃ হিমালয়-কন্তা অন্নপূর্ণাকে প্রকৃতই হিমালয়-বাসী মেয়েদের মত চাল দিয়া চিত্রিত করা হইত—এখন তার সে প্রথা নাই; সার জিনিস চালের পরিবর্তে চাক্ চিকাশালিনী রাংতা চালচিত্রে শোভা পাইয়া থাকে। আজকালকার প্রসাধনে মেয়েদের মধ্যে যে পাউডার মাখা খুব চলিয়াছে—উহারও অন্ততম প্রধান উপকরণ চালের গুঁড়ো—পাউডার মাখাকে নব্যযুগের ‘চালচিত্র’ বলা যাইতে পারে।

এইবার দেখা যাক চালের ইংরাজী নাম ‘rice’ কোথা হইতে আসিল। যুরোপের অধিকাংশ ভাষাতেই চালের নামটা rice না হ'লেও প্রায় তদন্তুরূপ শব্দ ব্যবহৃত হয়, যথা জার্মান ভাষায় ‘ries’, ফরাসী ভাষায়

‘riz’, ইটালিয় ভাষায় ‘riso’, একীক ভাষায় ‘অরিসা’ ইত্যাদি। যখন এই সব নামা ভাষায় চাল অর্থবাচক শব্দগুলি শুনিতে প্রায় একই ধরণের, তখন নিশ্চয়ই ইহার গোড়ায়ে কোন একটি আদি ভাষার মধ্যে নিহিত তাত্ত্বিকভাবে ভুল নাই। পাঞ্চাত্য পঞ্জিতেরা সকলেই মানেন যে, ভারতবর্ষ থেকে পারস্প্র অভিক্রম করিয়। এই চালের নামগুলি যুরোপে উপনীত হইয়াছে। চালের আদি স্থান এই ভারতবর্ষ হইতে কোন একটা শব্দ কোন যুগে এই সকল দেশে উপনীত হইলে, উহার আকৃতির কিঞ্চিৎ পরিবর্তন ঘটিয়াছে মাত্র। সেই আদি শব্দ বৈদিক ধান্ত-বাচক “বৌহি” শব্দ। ‘বৌহির’ ‘হ’ ‘স’ র মত \* উচ্চারিত হইলে এবং আংক্ষর ‘ব’ র লোপ হইলে, “রৌসি”তে পরিণত হয় ; “রিসি” থেকে এইরূপে ক্রমে rice (রাইস) আদি শব্দের উক্তব হওয়া সম্ভব। পারস্প্র

\*কোন একটা শব্দ এক ভাষা থেকে ভাষাস্তরে গেলে ‘হ’ অঙ্কর ‘স’তে কিম্বা ‘স’ ‘হ’তে পরিণত হয় ; তাহার নির্দেশনের অভাব নাই—যেমন, ‘হস্তা’ সংস্কৃতে ‘সপ্তাহ’ ইত্যাদি।

## মুদৌর দোকান

ভাষায় চালকে ‘Birinch’ বলে—‘Birinch’ এর  
সহিতও সংস্কৃত “বৌহির” খুব সাদৃশ্য ।

বাঙ্গলা দেশে চালের এত আদর কেন ?—চাল  
থেকে যে ভাত হয়, তাহা বাঙালীর প্রধান খাদ্য বলিয়া ।  
ভাতের সংস্কৃত নাম ‘ভক্ত’—

“ভক্তং বহুকরং পথাম্” । +

বোধ হয়, পশ্চিমাদের আটাৰ শ্বায় “ভাত” অত  
রজোগুণবর্ধক নয় । সাত্ত্বিকপ্রকৃতি ভক্ত লোকদের  
খাদ্য বলিয়াই হউক, অথবা সকলেই ইহার ভক্ত কিম্বা  
সকলকে ভাগ করিয়া দেওয়া হইত বলিয়া, ইহার ‘ভক্ত’  
নাম হইয়া থাকিবে । লাটিন Victus শব্দ যাহার অর্থ  
খাদ্য, এবং ইংরাজী Victual শব্দ—সংস্কৃত এই ‘ভক্ত’  
শব্দ থেকেই তাহাদের উৎপত্তি মনে হয় ।

খুব প্রাচীনকালে প্রাণধারক খাদ্যদ্রব্যমাত্রকেই  
‘অন্ন’ বলিত । তাই বেদবচনে দেখা যায়—

“অন্নং ন নিন্দ্যাঃ অন্নং বৈ প্রাণঃ” ।

+ ভাব-প্রকাশ ।

বৈদিক যুগে ‘অন্ন’ বলিতে চর্ব্য চূষ্য লেহ পেয়  
প্রভৃতি আটাশ রকমের খাদ্য দ্রব্য বুজাইত ।

“অষ্টাবিংশতিরন্ম” \*

মহাভারতে গয়রাজবিষ যজ্ঞে যে অন্নকুট বা অন্ন-  
গিরির কথা আছে, তাহা কেবলমাত্র স্তুপাকার ভাত  
নয়, এ স্থলে অন্ন বলিতে পুঁজীভূত নানাবিধ খাদ্য-  
সামগ্ৰীর কথা জ্ঞাপন কৰিতেছে । † কিন্তু ক্রমে ‘ভাত’  
বা ‘ভক্ত’ ভারতবাসীর এত প্ৰিয়খাদ্য হইয়া উঠল যে,  
‘অন্ন’ বলিতে একমাত্র ভাতকেই বুজাইতে লাগিল—

“ভক্তমন্দোহন্মোদনো”

( অমর-কোষ )

অমরকোষের আমলে ‘ভক্ত’ ও ‘অন্ন’ একার্থবাচক  
হইয়া দাঢ়াইয়াছিল ।

আজকাল যুরোপ ও আমেরিকার অনেক দেশে  
ভারতের আয় চাল একটি প্রধান খাদ্যরূপে পরিণত  
হইতে চলিয়াছে । আমেরিকার Carolina rice-এর

\* বৈদিক নির্ষণ্টু পূর্বাষ্টক ওৱ অধ্যায় ।

† মহাভারত বনপর্ব ।

## মুদৌর দোকান

শুধু বিশ্ববিশ্রাম। আমাদের “ভেতো বাঙালী”  
বলে বলুক, কিন্তু আজকাল ইংরাজদের খানায় নিত্য  
“কারীভাত” না হইলে চলে না। অথচ ইংরাজরা কিছু  
কাল পূর্বে চাল সম্বন্ধ এতট। অনভিজ্ঞ ছিল যে,  
কোম্পানীর আমলে যখন ‘বড় সাহেব’ তাহার  
আফিসের ‘বড় বাবুকে’ জিজ্ঞাসা করেন, rice বা চাল  
কি করে’ তৈয়ারী হয়—বড় বাবু তখন বেশ জবাব  
দিয়াছিলেন—

“Two man ধাপুস ধুপুস  
One man সেঁকে দেয়  
তবে সাহেব rice হয়”

অর্থাৎ ‘প্রথমে ঢুজনে টেকীতে ধাপুস ধুপুস করে’  
ধান কুটে দেয়, তাহার পর এক জন সেঁকে দেয়, তবে  
চাল তৈয়ারী হয়।” \*

\* সন ১৩৩৩ সালে আঞ্চলিক সংখ্যার মাসিক বন্ধুত্বাত্মক এই  
প্রবন্ধ প্রকাশিত হয়। ইহা মুদৌর দোকানের দ্বিতীয় সংস্করণে  
যোজিত করা হইল—প্রথম সংস্করণে এ প্রবন্ধ ছিল না।

বন্ধুত্বাত্মক এই প্রবন্ধের শেষভাগে একটুকু লেখা ছিল—  
‘শারদোৎসবে অন্নপূর্ণার পূজায় চালের নৈবেদ্য দেওয়া হিন্দুদেব প্রথা  
—আজ তাই পূজার মাসিকে এই ‘চাল’ প্রবন্ধ নৈবেদ্যরূপে উৎসর্গ  
করিগান।’ ‘চাল’ প্রবন্ধ গ্রন্থে নিবন্ধ হইল বলিয়া ত্রি অংশটুকু  
বর্জন করা হইল

## ଆଇବୁଡ଼ଭାତ ଓ ବଉଡ଼ଭାତ \*

କିଛୁକାଳ ହିତେ ଦେଖିତେଛି “ଆୟୁର୍ବ୍ଦ୍ୟମ” ଶବ୍ଦ  
କେମନ ନିଃଶବ୍ଦେ ବଞ୍ଚଭାଷାୟ ପ୍ରବେଶ କରିଯା ସଂକ୍ଲତେର  
ମୁଖୋଷ ଧାରଣ ପୂର୍ବକ “ଆଇବୁଡ଼ଭାତ” ଏର ପିତୃପଦ  
ଅଧିକାର କରିବାର ଉତ୍ସୋଗ କରିତେଛେ ! ସେ ପଣ୍ଡିତବର  
ପ୍ରଥମ ଏହି ଶବ୍ଦକ ବଞ୍ଚଭାଷାୟ ପ୍ରବେଶେର ପଥ ପ୍ରଦର୍ଶନ  
କରେନ, ଅବଶ୍ୟ ତାହାର ସହଦୟତାର ସ୍ଥେଷ୍ଟ ପରିଚୟ ପାଓଯା  
ଯାଯ ; କିନ୍ତୁ ମୁଖୋଷଟୀ ଖୁଲିଲେଇ ଉହା ସେ ଭାଷିତମୂଳକ  
ତାହା ସହଜେଇ ଧରା ପଡ଼େ । ତିନି ମନେ କରିଯାଇଛେ ସେ,  
“ଆୟୁ” ଶବ୍ଦେର ଅପରିଂଶ ‘ଆଇ’, ସୁଦ୍ଧି ଶବ୍ଦେର ଅପରିଂଶ  
ବୁଡ଼ ବା ବଡ ଏବଂ ‘ଅନ୍ନ’ ଶବ୍ଦେର ପ୍ରାକୃତ ଶବ୍ଦ ଭାତ ।  
ଏଇଙ୍କିପ ଗବେଷଣାର ସାହାଯ୍ୟ ତିନି “ଆଇବୁଡ଼ଭାତେର”

୧୭୧୦ ମାଲ ଆଶ୍ଵିନ ସଂଖ୍ୟାର ‘ପ୍ରଣ୍ୟ’ ପ୍ରକାଶିତ ହୁଏ

## মুদীর দোকান

সংস্কৃত “আয়ুর্বৰ্ধান্ন” প্রচার করিয়া থাকিবেন। “আয়ু-  
বৰ্ধান্ন” কথাটি ভ্রমপূর্ণ হইলেও শুনিতে সুমিষ্ট এবং  
বরকগ্রার আশীর্বাদ-সূচক আয়ুবৰ্ধি-কামনাপূর্ণ বলিয়া  
ইহা কিন্তু অন্নদিনের মধ্যে সর্বজনপ্রিয় হইয়া উঠিয়াছে  
এবং “আইবুড়ভাতের” প্রকৃত সংস্কৃত শব্দরূপে সমাজে  
গৃহীত হইতে চলিয়াছে। কয়েক বৎসর হইতে দেখি-  
তেছি “আইবুড়ভাতের” পরিবর্তে এই “আয়ুবৰ্ধান্ন”  
শব্দটি বিবাহের সকল মুদ্রিত কার্ড এবং স্মারকলিপি-  
মাত্রে এবং এমন কি প্রধান প্রধান পঞ্জিকায় পর্যাপ্ত  
স্থান পাইয়াছে। \*

“আইবুড়ভাত” কিন্তু “আয়ুবৰ্ধান্ন” শব্দের প্রকৃত  
অপত্রংশ নয়—“আইবুড়” বা “আইবড়” শব্দ “অবি-

\* এই প্রবন্ধ মাসিক পত্রে প্রকাশিত হবার অনেক পরে  
১৩১৫ সালের পি, এম, বার্গচির অ্যায় দুএকটী প্রসিদ্ধ পঞ্জিকায়  
‘আয়ুবৰ্ধান্ন’র পরিবর্তে ‘অবুচান’ লেখা স্কুল করিয়াছে দেখিয়া  
আনন্দিত হইলাম। অত্যন্ত পঞ্জিকার ইহার অনুসরণ করা কর্তব্য।  
যে সময়ে এই প্রবন্ধ মাসিক পত্রে প্রকাশিত হয়, সে সময়ে সকল  
পঞ্জিকা ও বিবাহের নিগন্ত্রণলিপি মাত্রেই “আয়ুবৰ্ধান্ন” শব্দ লিখিত  
হইত।

ବାହିତ” ଶବ୍ଦେର ଅପରଂଶ । ଅଥବା ଉହାର ସମାନାର୍ଥ-  
ବାଚକ “ଅବ୍ୟାଚ” ଶବ୍ଦେର ଅପରଂଶ ହଟିଲେଓ ହଟିତେ ପାରେ ।  
ଏବଂ ‘ଭାତ’ ସଂସ୍କୃତ ‘ଭକ୍ତ’ ଶବ୍ଦେର ଅପରଂଶ । ବନ୍ଧୁତଃ  
“ଅବିବାହିତଭକ୍ତ” ହଟିତେଟି “ଆଇବୁଡ଼ଭାତେର” ଉତ୍ତପ୍ତି । \*

“ଅବିବାହିତ” ଓ ‘ଅବ୍ୟାଚ’ ଇହାରା ଜ୍ଞାତି ଶବ୍ଦ ; ଇହା-  
ଦିଗେର ଅର୍ଥଓ ଯେମନ ଏକଇ, ତେମନି ଇହାଦିଗେର ମୂଳ  
ଧାତୁଓ ଏକ ‘ବହ’ ଧାତୁ । ବିବାହିତ ଶବ୍ଦେର ଅର୍ଥଓ ଯେମନ  
‘କୁତୋଦ୍ଵାହ’, ‘ବ୍ୟାଚ’ ଶବ୍ଦେର ଅର୍ଥଓ ତାହାଟି । ଆସଲ କଥା  
“ଅତିବାହିତଭକ୍ତ” ଏତ ବଡ଼ ସେ କଥା, ଉହା ଉଚ୍ଚାରଣ କରା  
ସହଜ ନାହିଁ ; ତାଇ ସ୍ଵଲ୍ପ ପରିସର ଅବ୍ୟାଚାନ୍ମ” ଶବ୍ଦଟୀ ଲୋକ-  
ମୁଖେ ଆଦୃତ ହଇତେ ଚଲିଯାଛେ । କିନ୍ତୁ ଆସଲେ ‘ଆଇବଡ଼’ର  
ପ୍ରକୃତ ମୂଳଶବ୍ଦ “ଅବିବାହିତ”, “ଆଇବଡ଼” ସେ କିମ୍ବାପେ  
“ଅବିବାହିତ” ଶବ୍ଦେର ଅପରଂଶେ ପରିଣତ ହଇଲ, ତାହା  
ନିମ୍ନେ ପ୍ରେଦର୍ଶିତ ହଇତେଛେ । ଭାଷାତତ୍ତ୍ଵର ନିୟମ ଆଲୋଚନା  
ଦ୍ୱାରା ଜାନା ଯାଯ ସେ, କୋନ ଏକଟୀ ଶବ୍ଦେର ‘ହ’ ସହଜେଇ  
ଆପନାର ଆସନ ‘ଚ’ କେ ଛାଡ଼ିଯା ଦିତେ ପ୍ରକୃତ ।

\* ପ୍ରସିଦ୍ଧ ‘ପ୍ରକୃତିବାଦ’ ଅଭିଧାନେ ‘ଆଇବୁଡ଼ଭାତ’ଏର ସଂସ୍କୃତ  
‘ଅବ୍ୟାଚାନ୍ମ’ ଲିଖିତ ହଇଯାଛେ ।

## ମୁଦୀର ଦୋକାନ

ସେମନ ‘ଗାଢ’ ‘ମୂଢ’ ପ୍ରଭୃତି ଶବ୍ଦଗୁଲିତେ ପ୍ରକୃତ ପକ୍ଷେ ‘ହ’ ଇ ‘ଟ’ ର ଜଣ୍ଡ ନିଜେର ଆସନ ଛାଡ଼ିଯା ଦିଇଯାଛେ । ବନ୍ଧୁତଃ ‘ଗାଢ’ ଓ ‘ମୂଢ’ ପ୍ରଭୃତି ଶବ୍ଦଗୁଲିର ଅନ୍ତରାଳେ ‘ଗାହ’ ଓ ‘ମୁହ’ ଧାତୁଙ୍କ ବିରାଜ କରିତେଛେ । ଇହାଦାରା ବୁଝା ଯାଇତେଛେ ଯେ, ‘ବାହିତ’ ଶବ୍ଦ ଅପରଷ୍ଟ ହଇଯା ‘ବାଢ’ ବା ‘ବଢ’ ଏବଂ ‘ଅବି’ ‘ଆଇ’ରୂପେ ପରିଣିତ ହଇଯା “ଆଇବଡ” ମିଳି ହଇଯାଛେ । ‘ବାହିତ’ ଯେ ବଞ୍ଚପ୍ରାକୃତେ ‘ବାଢ’ ବା ‘ବଢ’ ହଇଯାଛେ ତାହା କିଛୁ ଆଶ୍ଚର୍ଯ୍ୟ ମନେ ହୟ ନା ସଥିନ ଦେଖି ସଂକ୍ଷିତ ‘କଥିତ’ଶବ୍ଦ ହିନ୍ଦିଭାଷାଯ କାଢା ହଇଯା ବିରାଜ କରିତେଛେ ।

ବନ୍ଧୁତଃ ‘ଅବିବାହିତ’ ଅର୍ଥେଇ “ଆଇବଡ” ଶବ୍ଦ ଚିରଦିନ ବାବହତ ହଇଯା ଆସିତେଛେ । ‘ଆୟୁର୍ବଦ୍ଧି’ ବା ‘ଆୟୁର୍ବନ୍ଦ’ ଅର୍ଥେ ‘ଆଇବଡ’ କଥନଇ ବ୍ୟବହତ ହୟ ନାହିଁ । ବଙ୍ଗେର ପ୍ରାଚୀନ କବିଗଣ ଏଇ ଅବିବାହିତ ଅର୍ଥେଇ “ଆଇବଡ” ଶବ୍ଦ ପ୍ରୟୋଗ କରିଯାଛେ । ଦୁଇଶତ ବ୍ୟସରେର ପ୍ରାଚୀନ ଗ୍ରନ୍ଥେ ଏଇ ‘ଅବିବାହିତ’ ଅର୍ଥେଇ ‘ଆଇବଡ’ ଶବ୍ଦ ପ୍ରୟୁକ୍ତ ହଇଯାଛେ ଦେଖା ଯାଯି—

“ক্ষেপাবুড়া দিগন্ধির,  
ধাক্কা মারে দূর কর  
আইবড় যি থাকুক ঘরে।” \*

(শিবসংকীর্তন)

অর্থাৎ, মেনকা শিবের স্থায় বুড়া বরকে দেখিয়া  
ক্রোধে প্রজ্জলিত হইয়া বলিতেছেন—“বুড়া দিগন্ধির  
ক্ষেপা বরকে ধাক্কা মারিয়া দূর কর, আমার মেয়ের  
বিবাহ না হয় তাহাও ভাল, সে আইবড় কি না  
অবিবাহিত অবস্থাতেই ঘরেই থাকুক।”

দশম বর্ষীয়া বালিকা কস্তাকেও হিন্দু গ্রহে  
বিবাহের পূর্বে ‘আইবড়’ বলে; তাহা কি আযুর্বেদ  
বলিয়া, না অবিবাহিত বলিয়া? কবিবর ভারতচন্দ্রও  
এই অবিবাহিত অর্থেই “আইবড়” শব্দ প্রয়োগ  
করিয়াছেন—

---

\* গেদিনীপুরের রাজা যশবন্ত সিংহের সভাসদ ৩ রামেশ্বর  
ভট্টাচার্য কর্তৃক এই শিবসংকীর্তন পদ্ধ গ্রন্থানি দুইশত বৎসর পূর্বে  
ভারতচন্দ্রেরও পূর্বে রচিত হইয়াছিল; পিতৃদেব ৩ হেমেন্দ্রনাথ  
ঠাকুর কর্তৃক সংগৃহীত হইয়া ঠাকুর পুস্তকাগারে ঠাকুর একথানি  
রাখিত হইয়াছিল।

## মুদ্দার দাকান

“এক কণ্ঠা আইবড় বিদ্যা নাম তার,

তার রূপ গুণ কহা বড় চমৎকার।”

( ভারতচন্দ্ৰ কৃত বিষ্ণাসুন্দৰ )

‘আইবড়’ যে ‘অবিবাহিত’ শব্দ হইতে আসিয়াছে তাহার আরও প্রমাণ এই যে, দুইবার বিবাহিত হইলে সেই বরাকে ‘দোজবেড়’ বা ‘দোজনোড়’ বলে। \* এবং যাহার তিনবার বিবাহ হইয়াছে তাহাকে ‘তেজ-বেড়ে’ বা ‘তেজনোড়’ বলে। ‘দোজবড়’ বা ‘দুইবার বৃন্দ’ একপ অর্থ কবিলে বাত্তলতার পরিচয় দেওয়া হইবে। এই সকল উদাহরণের দ্বারা স্পষ্টভ প্রমাণ হইতেছে বড় বা বোড়ে বা বৃড় শব্দ এস্তলে ‘বিবাহিত’ শব্দেরই অপ্রত্যঙ্ক, ‘বৃন্দ’ শব্দের অপ্রত্যঙ্ক নয়।

\* ‘দোজ’ শব্দটা হিন্দি হইতে তাসিনাইছ ; ‘তেজ’ শব্দের অর্থ তিনিতে দ্বিতীয়, যথা,

“তেজে অগ্র নাতি কোষ”

‘দোজবেড়’ ভুল বাঙ্গলায় ‘দ্বিতীয়’ অর্থে “‘দোজ’ শব্দের বড় একটা ব্যবহার দেখা যায় না।

আমাদের দেশে বিবাহ কর্ম প্রভৃতি ঘেরপ ভাবে প্রচলিত আছে, তাহাতে বলিতে গেলে বৈদিক বিবাহপদ্ধতিই অনেকটা বজায় আছে। তবে এতকাল ব্যবধানে কঞ্চিৎ পরিবর্ত্তিও অপ্রস্তু আকারে বিদ্যমান—কিন্তু বৈদিক পদ্ধতির মূল কঙ্কাল ঠিকই আছে। বৈদিক গৃহস্থাদিতে বিবাহের আনুষঙ্গিক “অবিবাহিতভক্ত” নামে কোন ক্রিয়া কর্ম দেখিতে পাওয়া যায় না। তবে পরোক্ষ ভাবে বিবাহের পূর্বেই যে ব্রাহ্মণভোজনের বিধান আছে তাহাকেই আমরা ‘অবিবাহিতভক্ত’ বলিয়া ধরিয়া লইতে পারি। বিবাহের পূর্বে যজ্ঞকার্য সমাপনাত্তে ঋষিরা পুরাকালে যে নিমন্ত্রিত ব্রাহ্মণগণকে ভাত খাওয়াইয়া পরিতৃপ্ত করিতেন, খুব সন্তুবতঃ তাহারই নবসংস্করণ এই ‘অবিবাহিত ভক্ত’ বা “আইবড়ভাত”। বিবাহ কর্মের পূর্বে ও যজ্ঞ কর্মের অন্তে শাস্ত্রে স্পষ্টই ব্যবহৃত আছে—

“অথ ব্রাহ্মণ্য ভক্তেনোপেস্ত ।”

‘অথ’ অনন্তরঃ ‘ভক্তেন’ অন্নেন ‘ব্রাহ্মণ্য’ নিমন্ত্রিতান्, ‘উপেস্তে’ ভোজয়েদিত্যার্থঃ। (গোত্তিল গৃহস্থ)

“অনন্তর নিম্নিতি ব্রাহ্মণগণকে ভাত ভোজন করাইবে।”

বৈদিক গৃহস্থের নিম্নিতি ব্রাহ্মণগণকে এই ভাত খাওয়াইবার ব্যবস্থা হটতে আধুনিক ‘আইবড়ভাতয়ের’ উৎপত্তি।

আমাদের বিবাহের যেমন আদিতে ‘আইবড়ভাত’ বা ‘অবিবাহিতভক্ত’ সেইরূপ অন্তে ‘বড়ভাত’ বা ‘বধূভক্ত’। বিবাহের পরে বৈদিক কালেও বধূভক্ত প্রচলিত ছিল। আজকাল আমেরিকে এই ‘বধূভক্ত’ কর্মের সার্থকতা প্রদর্শন পূর্বক ব্যাখ্যা করেন এই বলিয়া যে—‘নববধূ গৃহকার্যে এবং বিশেষ পাককার্যে কিরণ সুনিপুণা, পতিকুলে তাহার সুগৃহীপণার পরীক্ষার জন্য এই ‘বধূভক্ত’র প্রবর্তন। নববধূকে এইদিনে স্বতন্ত্রে পাক করিয়া পতিকুলের সকলকে আহার করাইয়া পরিতৃপ্ত করিতে হয়।’ তাহাদিগের মতে বধূ প্রথম এই অন্নপাকে হস্তক্ষেপ করেন বলিয়া ‘বধূভক্ত’র আরেক নাম ‘পাকস্পর্শ’। এই ব্যাখ্যা শুনিতে কিছু মন্দ নয়, কিন্তু

তথাপি ইহা ‘বধূভক্তে’র প্রকৃত ব্যাখ্যা নহে। বরঞ্চ  
বধূভক্তের উন্নব ইহার ঠিক বিপরীত কারণে।—

বৈদিক কালে আমরা দেখিতেছি নিম্নলিখিতরূপে  
‘বউভাত’ বা ‘বধূভক্ত’ সম্পন্ন হউচ্ছ। বিবাহের পর  
তৃতীয় দিনে বর যিনি তিনি নিজে অন্ন পাক করিয়া  
নিজে খাইতেন ও উচ্ছিষ্ট বা অবশিষ্ট অংশ বধূকে  
খাওয়াইতেন। পতি সর্বপ্রথম এই দিনে বধূকে  
দান করিতেন বলিয়াই ইহার নাম হইয়াছে ‘বধূভক্ত’।  
সন্তুষ্টঃ বর বধূকে ভক্তদানে পোষণ করিতে সমর্থ কিনা  
এইখানে তাহার যেন একরূপ পরীক্ষা হইয়া যাইত।  
বর স্বতন্ত্রে পাক করিয়া নববধূকে সেই স্থালীপাক  
অন্ন স্পর্শ করাইতেন এই তেতু বধূভক্তের আরেক নাম  
“পাকস্পর্শ”।

“শ্বেতুভূতে বা সমশনীয়ঃ স্থালীপাকঃ কুর্বাতি তস্য দেবতা  
অগ্নিঃ প্রজাপতি বিশ্বেদেব। অনুমতিরিত্যাদ্বৃত্য স্থালীপাকঃ  
বৃহ্যত্বেকদেশঃ পাণিনাভিমৃশেদন্নপাশেন মণিনেতি ভুক্তে।  
চিহ্নঃ বং বৈব প্রদায় যাথার্থম্।” ( গৃহ্যসূত্র গোভিল )


## মুসীর লোকান

“বিবাহের পরদিনে কিঞ্চিৎ তৎপরদিনে প্রভাত হইতেই আপনার সমাক ভোজনযোগ্য পাক প্রস্তুত করিবে। পাক প্রস্তুত কালে অগ্নি, প্রজাপতি বিশে-দেবা ও অনুমতি দেবতা যথাক্রমে আরাধা হইবেন। পাক প্রস্তুত হইলে নিজেদের পূরণের উপযুক্ত অঙ্গাদি পাত্রাঙ্গের ঢালিয়া ‘অঙ্গপাশেন মণিনা’ মন্ত্র পাঠ করত পরিবেশন পূর্বক ভোজন করিবে। পরে তুষ্ণাবশিষ্ট অঙ্গ বধুকে প্রদান করিয়া স্বয়ং যথেচ্ছ বিচরণাদি করিবে।”

আজকাল আর বৈদিক কালের মত বর স্বহস্তে অঙ্গ পাক করেন না, কিন্তু এখনও বধুত্বক্তের দিনে বর বধু-পোষণের প্রথম চিহ্ন স্বরূপ পাচক বা কারুকপক্ষ অঙ্গ ও বস্ত্র দিতে বাধ্য হন।

প্রকৃত কথা এই যে একালে আমাদের দেশে পুরুষেরা পাকবিষয়ে সম্পূর্ণ অনভিজ্ঞ। সেকালে ঋষিরা যজ্ঞকার্য্য এবং স্থালীপাক প্রভৃতি নানাবিধ পাককার্য্য বিশেষ সুনিপুণ ছিলেন; তাই তাঁহারা পত্নীকে বিবাহের পর নিজের স্বহস্তের সুপক অঙ্গ খাওয়াইতে গৌরব বোধ করিতেন।





গরু

## প্রাচীন ভারতের উপমাস্তুল গরু

—\*—

ঝৰিবা কি চক্ষেই না জানি গরুকে দেখিয়াছিলেন !  
গরুর মত উপকারী জীব জগতে দ্বিতীয় নাই । মানবের  
ষাহা কিছু প্রয়োজনীয় তাহার অধিকাংশ গরুই  
যেন পূরণ করিতে সমর্থ । গরু যে ঝৰিদের এত  
সুদৃষ্টিতে পড়িয়াছে, উহার উপকারিতাই তাহার  
কারণ । মানবের আহার্য সামগ্ৰী যোগাইবার ভাৱ  
পৱনমেষের যেন প্ৰধানভাৱে গরুর উপরেই ন্যস্ত  
কৱিয়াছেন ; তাই গোদান ঝৰিদের চক্ষে শ্ৰেষ্ঠ দান  
এবং গো-সেবা পুণ্যকাৰ্য্যৰূপে গণা । ঝৰিৰ আশ্রমে  
গরু গৃহদেবতাৰ স্থায় পূজ্য । গরুই তাহাদেৱ পূজাৰ  
আশ্পদ, আবাৰ গরুই তাহাদিগেৱ স্থা । যাহা  
কিছু দেখিবেন শুনিবেন সৰ্বাগ্রে উপমা দিবেন

গরুর সঙ্গে। এইরূপে গরুর সর্বাঙ্গই উপমাস্তুল হইয়া দাঁড়াইয়াছে। খৰিলা যাহা কিছু নৃতন দেখিয়া-  
ছেন অমনি গরুর একটা না কোন অঙ্গপ্রত্যঙ্গের সহিত  
উপমা দিয়া সেই বস্তুর মাহাত্ম্য যেন দ্বিগুণিত  
করিয়া দিয়াছেন। কিন্তু প্রবাদ আছে, অধিক সথ্য-  
ভাব সম্মানের হানি করে (familiarity breeds  
contempt) ; গরুর সহিত মানব জাতির অতি সথ্য-  
ভাব বশতঃ গরুকে অনেক সময়ে সম্মানের উচ্চ  
আসন হইতে বিচুত হইতে হইয়াছে। আমাদের  
“গোমূর্থ”, “গো গর্দভ”, “হাবা গবা”, “গবাকাণ্ড” “গবা  
রাম”, “গোবেচারা”, “আস্ত গরু”, “আস্ত ষাঁড়”  
প্রভৃতি শব্দ এবং ইংরাজী ভীরুৎ অর্থবাচক coward  
প্রভৃতি শব্দ উহার নির্দর্শন। কিন্তু খৰিদিগের সময়,  
একুশ গরুর নিষ্ঠাবাচক শব্দ বিশেষ ঠাঁই পায় নাই।  
এসকল অপেক্ষাকৃত অনেক আধুনিককালে প্রবল হইয়া  
উঠিয়াছে। খৰিদিগের সময়ে পুঙ্গব (ষাঁড় বা মদা গরু)  
শ্রেষ্ঠ অর্থবাচক ছিল। তাই তাঁহারা শ্রেষ্ঠ মুনি খৰি  
দিগকে ‘মুনি পুঙ্গব’ ‘খৰিপুঙ্গব’ বলিতেন। যেমন একবিংশ

বলবান ইংরাজজাতি আপনাদিগকে বৃষের সহিত তুলনা করিয়া ‘জনবুল’ নামে পরিচয় দিতে গৌরব বোধ করেন, আবিরাও ‘পুঙ্গব’ বলিতে সেইরূপই গৌরব অনুভব করিতেন। আমরা নিম্নে অনেকগুলি দৃষ্টান্তের দ্বারা আমাদের কথার যাথার্থ্য সপ্রমাণ করিতেছি।

প্রথমেই “গবেষণা”র আলোচনায় প্রবৃত্ত হই। যে গবেষণার মাহাত্ম্য আজকাল এত, যে গবেষণার গৌরবে মহা মহা পশ্চিমেরা গৌরবান্বিত, পুরাতত্ত্ববিগণ যে গবেষণার বলে ভবিষ্যতের ইতিহাসে যুগান্তর উপস্থিত করিতে পারেন, সেই গবেষণার মূলে গুরু বিদ্যমান। গুরু অন্বেষণই ‘গবেষণা’র মূলে। সেকালে আবিদিগের একটী গাতী যদি চরিতে চরিতে আশ্রমের বহিদেশে অরণ্যে বা অন্ত কোথায় হারাইয়া যাইত, ত তাহার অন্বেষণে তাহাদিগকে অনেক মাথা খাটাইতে হইত। হয়ত গুরুর পদচিহ্ন ধরিয়া ধরিয়া বহুকষ্টে হারাণ গাতীটী বনের মধ্যে ধরা পড়িত। ‘গব’ অর্থে গুরু এবং ‘এষণ’ অর্থে অন্বেষণ। আমাদিগকে সেইরূপ এক্ষণে কোন নৃতন ঐতিহাসিক তথ্য আবিষ্কার করিতে

হইলে অতীতের পদচিহ্ন ধরিয়া ধরিয়া অতিকষ্টে সেই  
সকল হারানিধি লাভ করিতে হয়।

“গবেষণা”র বিষয় আমরা যেমন দেখাইয়া  
আসিলাম সেইরূপ আর একটী শব্দের প্রতি পাঠকগণ  
দৃষ্টিগোচর করুন। তাহা আর কিছু নয় “গোচর”  
শব্দ। যাহা কিছু জ্ঞানের অথবা জ্ঞানের যন্ত্র  
স্বরূপ পঞ্চেন্দ্রিয়ের বিষয়ীভূত তাহা “গোচরের”  
অগোচরে নাই—“গোচরের” জ্ঞাতসারে অবস্থিত।  
“দৃষ্টিগোচর” “শ্রতিগোচর” “প্রত্যক্ষগোচর” “ইন্দ্রিয়-  
গোচর” “জ্ঞানগোচর” প্রভৃতি শব্দগুলিই তাহার  
প্রমাণ। জ্ঞানই “গোচর” শব্দের প্রাণ। ‘গোচর’  
এর অর্থই জ্ঞাতসার। কিন্তু ‘গোচর’ শব্দের মর্মে এই  
জ্ঞান আসিল কিরূপে ? গোচর শব্দের অন্তরে জ্ঞানের  
এই মহান বিকাশ দেখিয়া কে মনে করিবে যে ইহার  
উৎপত্তি সামান্য গোচারণ ক্ষেত্রে ? “গোচর” শব্দ  
'গো' ও 'চর' এই দুইটি শব্দের যোগে উৎপন্ন। ইহার  
অর্থ স্পষ্টই ধরা যাইতেছে যে, পূর্বে গরু আশ্রমের  
ষেটুকু স্থানের মধ্যে চরিয়া বেড়াইত, সেই পরিস্থিত

ভূমিটুকু জ্ঞানের বা দৃষ্টির বিষয় ছিল, তাহার পরে  
আশ্রমের চতুর্দিকে ঘোরতর অরণ্য। এইরূপে পাঠক  
দেখুন গরুর বিচরণের স্থান হইতেই ‘গোচর’ অর্থে জ্ঞান  
আসিয়াছে। গরুর যাতায়াতের সামান্য পথটি পর্যন্তও  
ঔষধিগের উপমাদৃষ্টি অতিক্রম করে নাই। তাহারা  
একটী প্রধান বৈদিক গ্রন্থের, গোপথের নামে নামকরণ  
করিয়াছেন—যথা ‘গোপথ ব্রাহ্মণ।’

যখন সন্ধ্যায় গোবৃন্দ মাঠ হইতে গোষ্ঠে ফিরিয়া  
যায়, তখন তাহাদের পদোথিত ধূলি আকাশ সমাচ্ছুল  
করিয়া ফেলে, তাই সন্ধ্যার আরেক নাম ‘গোধূল।’

গরু যে ঔষধিগের ক্রিয় সমাদরের পাত্র ছিল  
তাহার পরিচয় আমরা ‘গোত্র’ ও ‘গোষ্ঠী’ শব্দের আলো-  
চনায়ও অনেকটা পাই। গোত্র অর্থে মহদ্বুল। যে  
কুল শাণ্ডিল্য, কশ্যপ প্রভৃতি কোন মহামুনি হইতে  
উন্নত তাহা গোত্র নামে অভিহিত হয়। ‘গোত্র’ শব্দের  
একেবারে মূল ধরিতে গেলে আমরা ছটী শব্দ পাই—  
‘গো’ অর্থে গরু, ‘ত্র’ অর্থে ত্রাতা, বা রক্ষক। মৌলিক  
অর্থ ধরিতে গেলে যেখানে বা যে বংশে গোবৃন্দ পালিত

## মুদ্দার দোকান

হয়, তাহার নাম গোত্র। গরুর পালন কেন?—হঞ্চাদির  
দ্বারা অতিথি সেবা প্রভৃতি সংসারের ধর্ম কর্ষের জন্য।  
সেকালে হয়ত গোত্রপ্রবর্তক মহামুনিদিগের আশ্রমে  
এমন সহস্র সহস্র গোধন রক্ষিত হইত।

আবার দেখুন ‘গোষ্ঠী’ শব্দ; ইহাও ‘গোত্র’ শব্দের  
প্রায় সমান অর্থবাচক। ‘গোষ্ঠ’ শব্দের অর্থ গরুরা  
যেখানে থাকে অর্থাৎ গোশালা। প্রকৃতপক্ষে পুরাকালে  
গোরক্ষণের জন্য যাঁহাদিগের গোষ্ঠ বা গোশালা থাকিত,  
তাঁহাদের বংশই মহগোষ্ঠী বলিয়া পরিচিত হইত;  
কারণ সেকালে গোধনই খৰিদিগের জীবন ছিল—  
গোধনেই তাঁহারা আপনাদিগকে সম্পত্তিশালী মনে  
করিতেন।

এইবারে আমরা দেখাইব যে গরুর অপাদমস্তক  
প্রত্যেক অঙ্গপ্রত্যঙ্গই কোন না কোনরূপে উপমিত না  
হইয়া যায় নাই। প্রথমে মুখ হইতে আরম্ভ করিয়া  
পুচ্ছ পদ পর্যন্ত দেখাইব যে গরুর একটী অঙ্গও উপমা-  
স্তুল না হইয়া ছাড়ান পায় নাই। এক গোমুখই কর-  
তুলনাস্তুল হইয়াছে। হিমালয়ের এক প্রধান

তৌর্থ গোমুখের সদৃশ দেখিতে বলিয়া ‘গোমুখী তৌর্থ’ নাম প্রাপ্তি হইয়াছে। গোমুখাকৃতি বাঞ্ছযন্ত্রের নাম “গোমুখ”। শঙ্খ বিশেষেরও নাম “গোমুখীশঙ্খ”। জপমালার থলিটিও গোমুখের সহিত উপমিত হইয়াছে। ‘গোশৃঙ্খ’ পর্বত বিশেষের নাম—উহার কারণ ঐ পর্বত দেখিতে অনেকটা গোশৃঙ্খাকৃতি। গোশৃঙ্খাকৃতি বলিয়া সামরিক যন্ত্রবিশেষেরও নাম ‘গোশৃঙ্খ’। এইবারে ‘গবাক্ষে’ বা গরুর চক্ষে দৃষ্টিপাত করন। গৃহের জানালার নাম গরুর চক্ষের সঙ্গে তুলনা দিয়া আবিরা ‘গবাক্ষ’ রাখিয়াছেন। আবার বৃষ বা পুঁজবের চক্ষের সঙ্গে ইঁচুরের সাদৃশ্য দেখিয়া ইঁচুরের এক নাম রাখা হইয়াছে ‘বৃষলোচন’। গরুর কর্ণের সঙ্গে তুলনা দিয়াছেন বিতস্তি বা বিঘতের সঙ্গে। বস্তুতঃ ‘গোকর্ণ’ এক বিতস্তি পরিমাণ লম্বা। আবার জল পান কালে যে গুড়ুষ করা হয়, সে সময় করতলের আকৃতি অনেকটা গোকর্ণের মত হয়, তাই ‘গোকর্ণ’ গুড়ুষকেও বুঝায়। আবার তৌর্থবিশেষেরও নাম ‘গোকর্ণ’। রঘুবংশে এই গোকর্ণতৌর্থের উল্লেখ করিয়া কালিদাস লিখিয়াছেন :—

## শুদ্ধীর দোকান

অথ রোধসি দক্ষিণেদধেঃ  
গ্রিতগোকর্ণনিকেতমীশ্বরম্ ।  
উপবীণয়িতুং যফৌ রবে-  
রুদয়াবৃত্তিপথেন নারদঃ ॥

“তৎকালে দেবৰ্ষি নারদ, দক্ষিণসমুদ্রের উপকুলস্থিত  
“গোকর্ণতৌর্থে” প্রতিষ্ঠিত মহাদেবকে বীণাবাদন পূর্বক  
আরাধনা করিবার নিমিত্ত, দক্ষিণায়ন কালে সূর্যদেব  
যেন্নপ উত্তর দিক হইতে দক্ষিণ দিকে গমন করিয়া  
থাকেন, সেইন্নপ উত্তর দিক হইতে দক্ষিণ দিকে গমন  
করিতেছিলেন।” চোখ কাণ হইল, এইবাবে নাসিকা  
বাকী। গোনাসার তুলনাটীতে বেশ নৃতন্ত্র আছে;  
বৃহদাকার অজগর সর্পের মুখের সঙ্গে অনেকটা  
গোনাসিকার সাদৃশ্য আছে বলিয়া, বৃহদাকার সর্পেরই  
নাম “গোনাস” হইয়াছে। এইবাবে জিহ্বার পালা।  
আয়ুর্বেদীয় উত্তিদ বিশেষের নাম ‘গোজিহ্বা’, উহা  
দেখিতে গোজিহ্বার গ্রাম বলিয়া।—

গোজিহ্বা কৃষ্ণ মেহোস্রক্তচুজ্জরহন্তী লঘুঃ ।  
জিহ্বা যদি হইল দস্ত বাদ যায় কেন? গোদস্ত

উপমিত হইয়াছে হরিতালের সঙ্গে । হরিতাল ভেদের নাম “গোদন্ত হরিতাল ।”

“গোস্তন” দ্রাক্ষা বা আঙুরের নাম—উহা দেখিতে গুরুর বাঁটের আয় বলিয়া ।

আযুর্বেদে আছে—

বৃষাস্ত্রাং গোস্তনী দ্রাক্ষা গুরীচ কফপিণ্ডনুৎ ।

“গোস্তনী বা দ্রাক্ষা বলকর গুরু ও কফপিণ্ড নাশক ।”

চারিনল হারের নামও গোস্তন । গোস্তনের আয় চারিটি একত্রে থাকে বলিয়া চারিনল হারের নাম ‘গোস্তন’ ।

গোস্তনের উপমা ত লোকের মুখে মুখে ; যথা, “গোস্তনীকত সাগরাম” ইত্যাদি । “গোকুর”—স্বনাম খ্যাত কুপ বিশেষ, ইহা ভারী পুষ্টিকর ; ইহার আকৃতি অনেকটা গুরুর কুরের মত, তাই ইহার নাম ‘গোকুর’ । সর্পবিশেষেরও নাম ‘গোকুর’ । সর্বশেষে পুচ্ছ । গো-পুচ্ছের সহিত হারবিশেষের তুলনা করিয়া উহার নাম ‘গোপুচ্ছ’ রাখা হইয়াছে । গো-লোমের সঙ্গে তুলনা দিয়া দেখা যায় ক্ষেত্ৰৰ্বারও নাম দেওয়া হইয়াছে “গোলোমী ।”

## মুদীর দোকান

গো-মেদ অর্থাৎ গরুর চর্বির পর্যন্ত বাদ যায় নাই।  
গরুর চর্বি, নবরত্নের অন্ততম রত্ন ‘গোমেদে’র সঙ্গে  
উপমিত হইয়াছে। গরুর চর্বির শ্যায় অনেকটা  
দেখিতে বলিয়া উহার নাম “গোমেদ”।

মুক্তাফলং হীরকং বৈদুর্যং পদ্মরাগকং  
পুষ্পরাগং গোমেদং নীলঙ্কারুভূতস্তথা ।  
প্রবালযুক্তান্তেতানি মহারত্নানি বৈ নব ॥

( বিষ্ণুধর্মোত্তর )

এই ত গেল গরুর অঙ্গপ্রত্যঙ্গের কথা। এক্ষণে  
দেখাইব, সমুদয় অঙ্গপ্রত্যঙ্গবিশিষ্ট মূর্তিমান আস্ত  
গরুটীও নানা ভাবে নানারূপে উপমিতঃহইয়াছে।

প্রথম উল্লেখযোগ্য উপমা—বৃষের সঙ্গে বেদের;  
কারণ বৃষও চতুষ্পদ এবং বেদও চতুর্বেদ।  
বেদো হি বৃষউচ্যতে।

আবার পৃথিবীর সঙ্গে গরুর উপমা। যথা, ‘গোরূপ-  
ধরা পৃথিবী’। চতুর্যুগও বৃষের সহিত তুলনীকৃত  
হইয়াছে। ‘ধর্মরূপী’ বৃষ’র কথা ত সকলেই জানেন।  
বৈদিক গ্রন্থ আরণ্যকে মেধাও গরুর সহিত উপমিত

হইয়াছে।—‘অপ্সরাশ্চ যা মেধা গন্ধর্বেষু চ যশ্ননঃ দৈবী  
মেধা মনুষ্যজ্ঞা সা মাঃ মেধা শুরতি যুষ্টাঃ।’

‘অপ্সরার ও গন্ধর্বের যে মেধা, দেবতার ও  
মনুষ্যের যে মেধা, শোভনগন্ধা গাভীর ন্যায় সেই  
মেধা আমার সেবা করুন।’



## দেবনামে অনাদর।

-০৪৬\*০৫৩-

আমরা খাটকে শুটকে উঠিকে বসিতে ভগবানের নাম দেবতার নাম করিতে উপদেশদানে পটু, কিন্তু দেবতার নামে ভগবানের নামে আমাদিগের বড় একটা আন্তরিক ভক্তিশূন্য দেখিতে পাই না। ইংরাজীতে প্রবাদ আছে “Familiarity breeds contempt” অর্থাৎ ‘অতি পরিচয় অবজ্ঞা উৎপাদন করে’, সেই কারণে আমাদিগেরও বোধ হয় দেবতার প্রতি আন্তরিক শূন্য ভক্তি অতি সামান্য পরিমাণে লক্ষ্যিত হয়। কথায় কথায় গীতা হইতে শ্লোক আবৃত্তি পূর্বক আমরা ধর্মপ্রাণের বাহ্যিক মুখোষ পরিয়া লোকমুন্দ করিতে পারি, কিন্তু অন্তরে অন্তরে পেটে পেটে আমরা যে দেবতাকে বেশ অবজ্ঞা বা অনাদর চক্ষে দেখি তাহার

যথেষ্ট প্ৰমাণ আছে। আমাদিগের মাতৃভাষা হইতে  
আমৰা তাহাৰ উদাহৱণ দেখাইতে প্ৰস্তুত। দেবতাৰ  
প্ৰতি, ভগবানেৰ প্ৰতি, যদি যথাৰ্থই শ্ৰদ্ধা ভক্তি  
থাকিবে ত ভগবানেৰ নাম লইয়া দেবতাৰ নাম লইয়া  
অশ্লীলতা, যথেচ্ছাচারিতা, এবং স্বণা অবজ্ঞা ও উপহাস-  
চ্ছলে দেবতাৰ নাম প্ৰয়োগ, আমাদিগেৰ মাতৃভাষা  
বঙ্গভাষায় এ সকল প্ৰচুৱ পৱিমাণে স্থান পায় কেন?  
অথবা এই নৈয়ায়িক ও তাৰ্কিকেৰ দেশে বুবি সকলি  
সন্তুবে। দেবতা ও ভগবানকেও আয়েৱ ফাঁকিৰ মধ্যে  
আনিয়া অভক্তি ও অশ্ৰদ্ধা প্ৰদৰ্শন কৰা কুটীল  
নৈয়ায়িক বা তাৰ্কিকগণেৰ অনেক সময়ে গোৱবেৰ  
বিষয় হইতে দেখা যায়।

প্ৰথমেই ‘দেব’ শব্দকে সম্মুখে কৱিয়া আমাদিগেৰ  
আলোচ্যপথে অগ্ৰসৰ হওয়া যাক। যে ‘দেব’ শব্দ  
বৈদিক ঝৰিদিগেৰ ধ্যানেৰ ও জ্ঞানেৰ এবং তপোলক্ষ  
সামগ্ৰী ছিল, যে ‘দেব’ শব্দেৰ মাহাত্ম্যে সেই  
ঝৰিযুগে সমগ্ৰ জগৎ দ্রুতিমান হইয়া উঠিয়াছিল, বঙ্গ-  
ভাষায় সেই ‘দেব’ শব্দেৰ দুর্দশা দেখিয়া কে না ধিকাৱ

## মুদীর দোকান

দিবে। এই মহিমাপ্রিয় গুরুগন্তৌর বৈদিক ‘দেব’ শব্দকে লইয়া যথেচ্ছৱপে পৃতিগন্ধময় স্থানে প্রয়োগ করিতে বাঙালী আমরা কিছুমাত্র কৃষ্টিত নহি। আমরা কখনো উপহাসচ্ছলে কখনো অবজ্ঞার ভাবে নানা বিকৃতরূপে ‘দেব’ শব্দের অপব্যবহার করিয়া তৃপ্তিলাভ করি। ‘অস্ত্র’ ‘দৈত্য’ ‘দানব’ প্রভৃতি ‘দেব’-বিরোধী শব্দগুলিকে বরঞ্চ কতকটা ভায়ের ভাবে সম্মান দিয়া থাকি, যেমন আমরা বলি ‘ও লোকটা ভীষণ অস্ত্র’ ‘উহার শরীরে আস্ত্রিক বল’, কিন্তু পবিত্র দেব নামকে নিঃসঙ্গেচে নির্ভয়ে ইচ্ছামত অনাদর ও অবজ্ঞার স্থলে ব্যবহৃত করিয়া বঙ্গভাষায় আমরা বিকারস্থুল উপভোগ করিতে কিছুমাত্র পশ্চাত্পদ নহি। যখন কোন ব্যক্তির উপরে ঘৃণা ও নিন্দা-বাণ বর্ষণ পূর্বক বলিয়া উঠি “যেমন দেবা তেমনি দেবী” তখন স্বর্গধামে দেবহন্দয়েও বুঝি উহা আঘাত না করিয়া যায় না। ‘‘দেব’ শব্দ যথার্থই যদি পূজার আস্পদ হয় তবে বঙ্গভাষায় সে শব্দের একপ অবমাননা কেন ?

আবার দেখুন “দিব্যগালায়” এই দেব শব্দের অঙ্গীভূত ‘দিব্য’ শব্দের কি কর্দ্য ব্যবহার ! কোথায় অবিদিগের ‘দিব্য’ শব্দের দীপ্তি মহিমা, আর কোথায় বঙ্গের ঘৃণিত “দিব্যগালা” ! বৈদিক ঋষি পঞ্চমস্তরে বলিয়াছিলেন “হে দিব্যধামবাসী অমৃতের পুত্রসকল ! তোমরা শ্রবণ কর ; আমি তিমিরাত্মীয় জ্যোতিষ্ময় মহান् পুরুষকে জানিয়াছি”—

“শৃংগন্ত্র বিশ্বে অমৃতস্তু পুত্রাঃ

আয়ে ধামানি দিব্যানি তস্তুঃ ।”

সে সুগন্তীর উচ্চকণ্ঠে ‘দিব্য’ শব্দের কি মহত্ত্ব, আর এই ঘৃণিত শপথকালে ‘দিব্য’ শব্দের প্রয়োগে কি নীচতা, তাহা পাঠক একবার অনুধাবন করিয়া দেখুন। বেদে বাক্যকে ‘দিব্য’ বিশেষণে বিশিষ্ট করা হইয়াছে, যথ—

‘দিব্য। বাক্’

ইহার মধ্যে কি দীপ্তি কি সৌন্দর্য, আর আমাদের ‘দিব্যগালা’য় কি কর্দ্য জগন্তা ! অবশ্য ‘দিব্য-জ্যোতি’, ‘দিব্যজ্ঞান’, ‘দেবতাব’, এইরূপ গুরুগন্তীর

ଶବ୍ଦେରେ ବଞ୍ଚିତାଷ୍ଟାଯ ଅଭାବ ନାହିଁ—କିନ୍ତୁ ଏ ସକଳ ଶବ୍ଦ ଉପନିଷଦାଦିର ଛାଯାଯ ଉତ୍ତମ । ଏ ସକଳ ଶୁଣିକିତ-ଦିଗେର ଲିଖିତ ଭାଷାଯ ସ୍ଥାନ ପାଇ, କିନ୍ତୁ କି ଇତର କି ଭଦ୍ର, ସକଳ ଶ୍ରେଣୀର ମଧ୍ୟେ ଏକଥିରେ ଅନ୍ତର ଆହେ, ସାହାରା ‘ଦିବ୍ୟଗାଲନେର’ ମଧୁର ସମ୍ମାନ ହିଁତେ ଏକେବାରେ ମୁକ୍ତ । ମାତା ପିତା ଓ ଗୁରୁ ଶାନ୍ତ୍ରେ ଦେବସମ୍ମାନେ ସମ୍ମାନିତ ।

ତୈତ୍ତିରୀଯ ଆରଣ୍ୟକେ—

ମାତୃଦେବୋ ଭବ ।

ପିତୃଦେବୋ ଭବ ।

ଆଚାର୍ୟଦେବୋ ଭବ ।

ଏହି ପବିତ୍ର ‘ମାତୃ’ ଶବ୍ଦ ହିଁତେ ବଞ୍ଚିତାଷ୍ଟାଯ କି କୁଣ୍ଡଳିଙ୍କ “ମାତୃ-ଦିବ୍ୟ” ଅର୍ଥାତ୍ ‘ମାଟିରି’ ‘ବଲ୍ ମାଟିରି’ କଥାର ସ୍ଥିତି ହିଁଯାଛେ । ଯେମନ ଆଜକାଳ ଦଶ ପାନେର ବେଂସରେର ବାଲକ ଏବଂ ଯୁବକଗଣେର ମୁଖେ ଚୁରଟ ଓ ସିଗାରେଟେର ଛଡ଼ାଛଡ଼ି, ସେଇରୂପ ଏହି କୁଣ୍ଡଳିଙ୍କ ‘ମାଟିରି’ ଦିବ୍ୟଗାଲନେ ବିଦ୍ୟାଲୟେର ବାଲକଗଣେର ମୁଖେ ମୁଖେ ବିରାଜମାନ । ବଙ୍ଗେର ଏହି ‘ଦିବ୍ୟ’ର ହଞ୍ଚ ହିଁତେ କେହିଟି ସହଜେ ନିଷ୍ଠତି ପାଇ ନାହିଁ । ଇତର-

শ্রেণীর লোকদিগের ত কথাই নাই, এমন কি অনেক  
ভদ্রগৃহস্থ পরিবারের মধ্যেও দিব্যগালন দেখিয়াছি  
সহজ কথার স্থায়প্রচলিত। মাতা, পিতা, আচার্য,  
পুস্তক, গঙ্গাজল প্রভৃতি যাহা কিছু মর্ত্যভূমিতে পবিত্র  
বস্ত্র আছে, বঙ্গের দিব্যগালনের কলুষহস্ত তাহাকেই  
স্পর্শ না করিয়া যায় নাই; এমন কি স্বয়ং ভগবানও  
বাদ যান নাই। ‘মায়ের গ। ছুঁয়ে দিবি’, ‘ছেলের  
মাথার দিবি’, ‘বই ছুঁয়ে দিবি’, ‘গঙ্গাজল ছুঁয়ে  
দিবি’, ‘আমাৰ দিবি’, ‘তোমাৰ দিবি’, ‘গুৱৰ দিবি’,  
ত আছেই; এতদ্ব্যতীত কোন কোন পরিবারে ‘ঈশ্বরের  
দিবি’ বলিতেও শুনিয়াছি।

এইবাবে আমরা দেখাইব বিশেষ বিশেষ দেবতার  
নাম লইয়া বঙ্গভাষায় কিরূপ অনাদর অভক্ষি ভাবের  
চড়াছড়ি হইয়াছে। কতস্তুলে বাঙ্গবিদ্রপচ্ছলে, কতস্তুলে  
যুণা উপেক্ষা ও উপহাসের সহিত, কতভাবে এবং  
কতরূপে যে বঙ্গভাষায় নানা দেবতার নাম কলুষিত  
হয়, তাহার ইয়ন্তা নাই। সর্বাঙ্গে ‘রাম’, নাম লইয়া  
আমাদিগের কথার যাথার্থ্য প্রতিপাদনে প্রবৃত্ত হই

শ্রীরাম চন্দ্ৰ হিন্দুৰ শ্ৰেষ্ঠ অবতাৱ।—সাক্ষাৎ ব্ৰহ্মাকৃপে  
হিন্দুৱা ঈহাকে দেখিয়া থাকেন। ভাৱতেৱ সৰ্বত্র  
ইনি দেবতাৱৰ্পে পূজ্য। অনেকে রামেৱ প্ৰতি  
অতিভিত্তি প্ৰদৰ্শনেৱ জগ্ন, এমন কি পুস্তকেৱ পৃষ্ঠা  
গণনাস্মৃতে অথবা যে কোন সূত্ৰে ইউক, এক  
উচ্চারণ কৱিবাৱ কালে এক না বলিয়া রাম নাম  
লয়েন—১, ২, ৩ না বলিয়া ‘রাম হই তিন’ বলিয়া  
থাকেন; অৰ্থাৎ ঈহাতে ‘রাম’ নাম, এক বা একমেবা-  
দ্বিতীয়ং এৱ স্থান অধিকাৱ কৱিতেছে ঈহাই সূচিত হয়।  
কিন্তু এই অতিভিত্তিৰ ফলে বঙ্গভাষায় রাম নামেৱ  
মাহাত্ম্য নষ্ট হইয়াছে বৈ বৰ্দ্ধিত হয় নাই। কোন ঘূণিত  
দ্রব্য ইন্দ্ৰিয়গোচৰ হইলেই হিন্দু স্বভাৱতই “রাম রাম”  
উচ্চারণ কৱেন। কিন্তু ক্ৰমাগত কলুষিত পদাৰ্থেৱ  
সংস্পর্শে এমন পৰিত্র শব্দ “রাম” নামও কলুষিত না  
হইয়া ষাইতে পাৱে না। প্ৰথমে যদিও ঘূণা জয়েৱ জন্ম  
দেবনাম স্মৰণ হইতে ঈহাৰ সূত্ৰপাত, তথাপি ঈহা আজ-  
কাল পূৰ্বভাৱ হইতে ভৰ্ষ তইয়া নিজেই যেন ঘূণাৰ্বাচক  
হইয়া দাঢ়াইছে।

‘রাম’ নাম যে স্থণা, অবজ্ঞা, উপেক্ষা ও উপহাস-ব্যঙ্গক শব্দসম্পর্কে অধিকস্থলে ব্যবহৃত হয়, নানা উদাহরণ দ্বারা আমরা তাহা প্রমাণ করিব। যাহা হিন্দুর বিরাগভাজন—অথাত্ব, অশ্রাব্য বা অদর্শনীয়, তাহাই বাস্তে ‘রাম’ শব্দবাচ্য হইয়া দাঁড়াইয়াছে।—তাই হিন্দুর অথাত্ব পক্ষী ‘রামপাখী’ নামে অভিহিত হয়। গরু হিন্দুর পূজা—অবধ্য, ছাগ হিন্দুর বধ্য—অশ্রদ্ধার পাত্র ; ছাগের প্রতি অবজ্ঞা বা স্থণা প্রদর্শনের জন্য আমরা বলি “রামছাগল”। অবশ্য আপনারা বলিবেন এস্থলে ‘রাম’ শব্দ বৃহদ্বাচক। কিন্তু দেখুন গরুও ত ছাগলের স্থায় হই জাতীয় আছে—এক রামছাগলের স্থায় বড় জাতের পাহাড়ী গরু, আর এক নিম্নভূমির ক্ষুদ্রকায় গরু ; কিন্তু পাহাড়ী গরুকে আমরা কৈ ত ‘রামগরু’ বলি না, কিন্তু অন্য নামে যেমন ‘নাগরা গরু’ ইত্যাদি নামে বলিয়া থাকি। ‘রামছাগলে’ “রাম” শব্দ কতকটা বৃহদ্ব্যঙ্গক হইলেও উহা যে অবজ্ঞা বা স্থণার ভাবে প্রযুক্ত হইয়াছে, সে বিষয়ে সন্দেহ নাই ; কেননা ছাগল হিন্দুর চক্ষে হৈয় জীব—অশ্রদ্ধার পাত্র। সচরাচর

## মুসলীর দোকান

বঙ্গবাসী হিন্দুদিগের বিশ্বাস, ‘ছাগল গৃহের অঙ্গল-প্রার্থী’—‘ছাগল চায় গৃহে মানুষ না থাকে, খট্টখটে ডাঙায় সে একলা বিচরণ করে’; আর গাতী লোক চায়, সেবা চায়—উহা লক্ষ্মীস্বরূপ। আরো অন্যান্য উদাহরণ আমাদের কথার স্বপক্ষে সাক্ষা দিবে।  
বর্দ্ধমান বীরভূম অঞ্চলে গ্রামবাসী হিন্দুরা টেড়স্ খায় না ;— উহা মুসলমানের খাদ্য, এই কারণে হেয় পদার্থে বলিয়া গণ্য। টেঁড়সকে হিন্দুরা হেয় চক্ষে দেখে বলিয়া, উহার নাম দিয়াছে “রাম ঝিঙা” অর্থাৎ ঝিঙা জাতীয় সবজীর মধ্যে উহা ঘূণ্য বা অখাত্ত। এই যে নৌরস চিমটি, ইহা যে কিঙুপ অপ্রিয় তাহা আর কাহাকেও বলিতে হইবে না। এমন যে অপ্রিয় চিমটি তাহাকে ‘রাম’ নামের সহিত সংশ্লিষ্ট করিয়া ব্যঙ্গচ্ছলে বলা হয়—‘রাম চিমটী’; যথা, ‘এসো এক রাম চিমটি দিই’ অর্থাৎ এক স্তূল চিমটি দিই। এস্তলে রাম শব্দ বৃহদ্বাঞ্চক হইলেও এইরূপ অবজ্ঞা ও উপহাস সহকারের হেয় পদার্থের প্রতি প্রবৃক্ষ হওয়ায় উহার নীচার্থ ব্যক্ত হইয়া পড়িয়াছে—‘রাম’ নাম কল্পুষিত হইয়াছে বলিতে হইবে।

কোন ভাল বিষয় বা ভাল বস্তু সূচিত করিবার জন্য  
বঙ্গভাষায় রাম নামের ব্যবহার সচরাচর প্রায় দেখা  
যায় না। যে কদলী প্রদর্শনে সকলকে অবজ্ঞা করা  
যায়, যে কদলী বনুবংশীয়দিগের প্রিয় খাত্তি বলিয়া  
সাধারণের এক উপহাস ও অবজ্ঞার চিহ্ন হইয়া  
পড়িয়াছে, সেই হেয় বস্তু রস্তার বৃহত্ত প্রদর্শন কালে  
অমনি “রাম” নাম যুক্ত করিয়া “রাম রস্তা” বলা হইয়া  
থাকে : আরেকটী উদাহরণ দেখাই—সংস্কৃতে রাম-  
ধনুকে ইন্দ্ৰধনু বা ইন্দ্ৰাযুধ বলে ; আমরা বাঙ্গলায়  
”রামধনু” বলি। কেন ? কেবল বৃহৎ ধনুকাকৃতি  
বলিয়াই যে আমরা বৃহত্ত জ্ঞাপনের জন্য রামধনু বলি  
তাহা নয়, উহাঃ অদর্শনীয় পদাৰ্থ বলিয়া, অবজ্ঞার ভাবে  
উহা বাঙ্গলায়ঃ ‘রামধনু’ নামে অভিহিত হয়।

মনুতে আছে—

ন দিবীন্দ্ৰাযুধং দৃষ্ট্ব। কন্তুচিদৰ্শয়েন্দ্ৰুধঃ  
”আকাশে ইন্দ্ৰধনু দেখিয়া পণ্ডিত ব্যক্তি কাহাকেও  
দেখাইবেন না।”

সুক্ষ্মতেও আছে—“ন চোক্ষাপাতেন্দ্ৰধনুংষি !”

## মুদৌর দোকান

“উক্তাপাত ও ইন্দ্রধনু দেখিয়া কাহাকেও বলিবেনা।”\* শাস্ত্রে ইহা অদর্শনীয় হেয় পদাৰ্থকৃপে, গণ্য হইয়াছে বলিয়া বাঙ্গলায় ইন্দ্রধনুৰ পরিবর্তে ‘রামধনু’ শব্দ প্ৰচলিত হইয়াছে। যেখানে হেয় ভাৰ, অবজ্ঞাৰ ভাৰ, সেইখানেই বঙ্গভাষা “রাম” শব্দ অগ্ৰে কৱিয়া চলিয়াছেন। যেমন অতি ক্ষুদ্ৰকায় ব্যক্তিকে উপহাসচ্ছলে অবজ্ঞা সহকাৰে বলা হয় “কুদে রাম”, “বেঁটে রাম”, “কুটকুটে রাম”, “পুঁচকে রাম”, “নেঁটী রাম”, “হাঁদা রাম”, “বোকা রাম”, “হাবা রাম”, “গবা রাম”, “ভোঁদা রাম”, “পক্ষীরাম” ( খুব রুগ্ন লোককে ঘৃণাসহকাৰে বলা হয় ), “আঁসা রাম” ( এস্তলে অবজ্ঞা বা উপহাসচ্ছলে বলা হয়, যথা, ‘আঁসাৰাম শুকাইয়া গেল’ ইত্যাদি )। আবাৰ কোন ব্যক্তিৰ অস্তুতকৃপ দেখিলে অনেকে উপহাসচ্ছলে বলেন “বাঁকাৰাম আৱকি” “পেৱৰাম আৱ কি”। হিন্দুস্থানে কিন্তু রাম নামেৰ সদাসৰ্বদা ব্যবহাৰ থাকিলেও উহাদিগেৰ মধ্যে “রাম” নামেৰ প্ৰতি শ্ৰদ্ধা আদৱ কিছুমাত্ৰ হুস হয় নাই

---

\*সুক্ষ্মত, চিকিৎসিত স্থান, ২৪শ অধ্যায়।

—উহার মাহাত্ম্য এখনও প্রিবল। বঙ্গতে বঙ্গতে সাক্ষাৎ হইলে উহারা মধুর সন্তানগে যথন “রাম রাম” বলে তখন তাহা বড়ই মিষ্টি লাগে। আবার পশ্চিমবাসী-দিগের “জয় সীতারাম” ইত্যাদি বাক্য রামের মহৱ প্রাণে জাগ্রত না করিয়া যায় না। রাম নাম ত দূরে থাক, রামানুচর হনুমান দেবের নামটীও এমন কি হিন্দু-স্থানীদিগের বড়ই প্রিয়। যে নামে সন্ধোধন করিলে বাঙ্গালী হয়ত গালাগালি বুঝিয়া চটিয়া লাল হইবেন, পশ্চিমবাসীরা সেই হনুমান নাম অতি আদরে নিজ পুত্রের নাম রাখিতে উদ্যত।

এইবারে আরেকটী দেবতার নাম বলিব, যাহার নাম-সৌন্দর্য কলুষিত হইয়। বাঙ্গলায় এক অতি জঘন্তুরূপে পরিণত হইয়াছে। এই নাম সাক্ষাৎ লক্ষ্মীদেবীর নাম ‘শ্রী’। অবশ্য এই “শ্রী” শব্দের শুশ্রী যে বঙ্গভাষায় একে-বারে লোপ পাইয়াছে তাহা বলিতেছি না। শ্রী বঙ্গভাষায় রূপবতী হইয়া আছেন সত্য, কিন্তু সংসর্গদোষে উহার রূপমাধুরী চলিয়া গিয়া কোন কোন স্থলে অতি জঘন্ত কুরূপে পরিণত হইয়াছে দেখা যায়। তাহার

উদাহরণ ‘ছিঃ’ শব্দ। এই ‘ছিঃ’ শব্দ যাহা ঘৃণাব্যঙ্গক তাহা “শ্রী” শব্দেরই বিকৃত রূপ। এই ‘শ্রী’ শব্দের হে এই ‘ছিঃ’ রূপ দৃঢ়শা তাত্ত্ব সহসা মনে আনিতেও ঘৃণা হয়। ‘শ্রী’তে ‘ছি’তে একেবারে বিপরীত ভাব। কোথায় সৌন্দর্যের আধার শ্রী, আর কোথায় মলিনতা ও বিকৃতির আধার ‘ছিঃ’। অতি ঘৃণিত দ্রব্য দেখিলে বা শুনিলে বা আত্মাণ করিলে আমরা ‘ছিঃ ছিঃ’ শব্দে কর্ণে অঙ্গুলী প্রদান করি, চক্ষু মুদ্রিত করি, না হয়ত নাসিকাগ্রে অঙ্গুলী দিয়া নিশ্বাস রোধ করি। এই ‘শ্রী’ শব্দকে আবার একটু সহজ করিয়া আমরা ‘ছিরি’ করিয়া লইয়াছি। এই ‘ছিরি’ও সচরাচর ঘৃণা ও ব্যঙ্গ মিশ্রিত উপহাসচ্ছলে ব্যবহৃত হইয়া থাকে। যথা, “কি ছিরি আর কি” “চমৎকার ছিরি” ইত্যাদি। ‘ছিরি’ শব্দটীও “শ্রী”র আরেক বিকৃত রূপ। এই ‘ছিঃ’ শব্দ হইতে ঘৃণাব্যঙ্গক ‘ছ্যাঃ’ ‘ছোঃ’ প্রভৃতি শব্দ গুলিও প্রস্তুত। “হতশ্রী” থেকে ‘হতচ্ছাড়া’ শব্দ আসিয়াছে।

সুন্দর শ্রী বা লক্ষ্মী দেবী কেন, হিন্দুর অধিকাংশ দেব-দেবীটি বঙ্গভাষায় শ্রীহারা হইবার উপক্রম হইয়াছে।

কোন কুবিষয় ইল্লিয়গোচর হটলে অনেকে বলিয়া উঠেন ‘হৰ্গাহৰ্গা’ ‘শিবশিব’ অথবা ‘হরেকৃষ্ণ’ ‘রাধাকৃষ্ণ’ ইত্যাদি। এই দেবনামগুলির যদিও এক্ষণে সম্পূর্ণ কদর্য অর্থ দাঢ়ায় নাই, তথাপি মনে হয় যে, আর অল্পকাল মধ্যে এই শব্দগুলি দেববাচক না হইয়া কদর্য অর্থ জ্ঞাপক হইবে—হয় ঘৃণা বা অবজ্ঞাসূচক, না হয় তৃচ্ছ বিষয়জ্ঞাপক হইবে। অবশ্য এই দেবনামগুলি ঘৃণা জয় করিবার জন্য, কৃত্তাব মন হইতে অপসারিত করিবার জন্যই উচ্চারিত হয় ; কিন্তু এত বাড়াবাড়িরূপে অতিমাত্রায় প্রচলিত হইতে চলিয়াছে, যে, ঈতার বিশুদ্ধ ভাব দেব-অর্থ আর বেশী দিন বুঝি টিঁকে নাই।

অনেকগুলি দেবনাম, দেখা যায়, দেবতাদিগের হেয় প্রকৃতির গুণে বঙ্গভাষায় অবজ্ঞা বা অনাদরের পাত্র হইয়া উঠিয়াছে ; যেমন যমদেব। কথায় বলে ‘যমতৃত’ ‘যেন যম’। দেবী চঙ্গীও এই উগ্রপ্রকৃতির কারণে অনাদরের পাত্র। কেহ কোন কার্যে বিষ্ণু ঘটাইলে আমরা তাহাকে তৎক্ষণাত “আস্ত ভঙ্গা মঙ্গল চঙ্গী” নামে অভিহিত করি। কিন্তু কোন কোপনস্বভাব।

## মনীর দোকান

স্তুর প্রতি 'চঙ্গী' উপাধি বর্ণনা করিয়া ছাড়ি না ; এতন্ত্রে 'উড়নচঙ্গী' 'বাঘাচঙ্গী' ত যেখানে সেখানে ব্যবহৃত হয়। এইরূপ অশুল্কাপূর্ণ ভাষা প্রয়োগে দেবী চঙ্গীর প্রতি হিন্দুহৃদয়ের বড় একটা শুল্ক আছে বলিয়া সহজে মনে না হওয়াই সন্তুষ। বিশুল্কিকারিতা প্রভৃতি নানা গুণের কারণে অগ্নিদেব যেমন হিন্দুর শুল্কার পাত্র, তেমনি উগ্র দাহকারিতার জন্য উহা অবজ্ঞারও পাত্র না হইয়া যায় নাই। তাই সচরাচর উগ্র ক্রোধী ব্যক্তির সঙ্গে অবজ্ঞার ভাবে অগ্নির তুলনা দেওয়া হয়—“যেন অগ্নিশম্ভা”। আবার কুরুপের গুণেও অনেক দেব দেবীর নাম অবজ্ঞাসহকারে অথবা বিকৃতরূপে উচ্চারিত হয় ; যেমন, ‘কালীভূত বা কেলেভূত’ বলা হয়। ‘কালীকুষ্ঠ’ না বলিয়া ‘কেলেকিষ্ট’ বলা হয়। অবশ্য আপনারা যদি বলেন, এস্তে ‘কালী’ প্রভৃতি শব্দগুলি রূপবাচক, দেববাচক নহে, তাহা হইলে ইহাও স্বীকার্য যে, যখন ঐ একই শব্দ দেববাচকও বটে তখন উহা ঐরূপভাবে অবজ্ঞাসহকারে উচ্চারণ না করাই শ্রেয়। যমতন্ত্রী দেবী যমুনার নামও কুষ্ঠ বর্ণের জন্য স্থূল ও অনাদরব্যঙ্গক

হইয়। উঠিয়াছে ; যথা, ‘কালিন্দী ভূত’। কালিন্দী যমুনার এক নাম।

বঙ্গভাষায় ‘শং’ শব্দের অতি জনপ্রিয় দশা। দেবতার কুরুপট তাহার কারণ। ‘শং শব্দো মঙ্গলার্থঃ’ সংস্কৃতে যে ‘শং’ শব্দের উচ্চ মহান মঙ্গল অর্থ উহার দিব্য মাহাত্ম্য প্রকাশ করে, বাঙ্গলায় তাহার ঘূণিত জনপ্রিয় অর্থে পরিণতি দেখিয়া অবাক হইতে হয়। এই ‘শং’ শব্দের অন্তরে দেবনাম সুক্ষ্মায়িত। মঙ্গলরূপ শিবের নাম ‘শঙ্কর’ হইতেই ‘শং’ শব্দের উৎপত্তি। এই ভগ্নালিপ্ত কদাকার ভূতপ্রেতবেষ্টিত মহাদেব শিবের নাম ‘শঙ্কর’ হইতে আমাদিগের ঘৃণা বীভৎস ও উপহাস-মিশ্রিত ‘শং’ কথা আসিয়া থাকিবে। গতবর্ষের সমাপ্তি বা লয় কালে চৈত্র সংক্রান্তির দিনে লয়মূর্তি শঙ্করের অপরূপ রূপের অনুকরণ হয়। শৈবসম্প্রদায়ের সন্ধ্যাসৌ সাধুরাই এইদিনে উৎসব করেন। ‘শং’ তামাসা এই উৎসবের অঙ্গীভূত। বস্তুতঃ শঙ্করের ‘শং’ হইতেই এই ‘শং’ শব্দের উৎপত্তি এবং উহার সঙ্গে সন্ধ্যাসৌর ‘সং’ ও সংক্রান্তির ‘সং’ গুণীভূত হইয়াছে মাত্র। বঙ্গভাষায়

## মুদৌর দোকান

‘শং’ শব্দে অতি জঘন্ত বা কদাকার রূপের প্রতিটি  
সচরাচর যুণার সহিত প্রযুক্ত হয়। প্রচলনপ্রধারীর  
প্রতিও অবজ্ঞার ভাবে ‘শং’ শব্দ প্রযুক্ত হয়। ইংরাজী  
*sham* শব্দের সহিত আমাদের এই ‘শং’ শব্দের কোন-  
রূপ সম্বন্ধ থাকিতে পারে। মঙ্গলকারী শঙ্করের এই  
মঙ্গলবাচক ‘শং’ শব্দের বঙ্গভাষায় এই যুণিত অর্থ কোথা  
হইতে আসিল?—স্বয়ং মহাদেব শঙ্করের জঘন্তরূপই  
ইহার কারণ। মহাদেব শিবের অস্ত্রের মতান মঙ্গলভাব  
প্রচলন, কিন্তু তাহার বহিমূল্তি অতি জঘন্ত। একটী  
হিন্দুস্থানী গানে শিবকে তাঁট লক্ষ্য করিয়া বলা  
হইয়াছে—

“মহাযোগযোগী অত জঘন্ত রূপ”

জঘন্তরূপ শিবের কথা ঢাঢ়িয়া দিলেও এমন যে  
লোকপ্রিয় দেবতা কৃষ্ণ তাহারও নাম হাস্ত্য উপহাসচলে  
বড় অল্প ব্যবহৃত হয় না। কোন ব্যক্তির ভাবভঙ্গী বা  
চলন যদি কাহারও মনোমত না হয়—অপ্রিয় বোধ হয়,  
তাহা হইলে সে কেমন রঞ্জসহকারে বলিয়া উঠে “ধিনি  
কৃষ্ণ তিনি তা” বা “যেন ত্রিভঙ্গ নটরে এলেন”

“গোবর্ধন আর কি”। এই সকল বাক্যপ্রয়োগ বড় একটা হিন্দুর দেবতাকের পরিচায়ক নহে। এই সকল অনাদরবাচক শব্দগুলি বাঙালীর মুখে মুখে। বাঙালী হিন্দু অহিন্দু সকলেই প্রায় নিঃসক্ষেচে এইরূপ বাক্যসমূহ বাবহার করিয়া যান—তখন তাহারা এটুকু ভাবেন না যে ইহাতে দেবনামেও আঘাত পড়ে। সুরাপের জগ্নি হিন্দুর দেবতা কার্ত্তিক বিখ্যাত। কিন্তু কার্ত্তিকের যে গুণবিশিষ্ট হিন্দুস্থানী চাঁদে মস্তকে বিঁড়া দিয়া মূর্তি গড়া হয়, তাহা আজকালের বাঙালী নব্য হিন্দুর চক্ষু তপ্ত করিতে পারে না—তাই কাহারও রূপ বা মূর্তি বা চেহারা উপহাস করিবার কালে তাহাদের মুখে শুনিতে পাইবেন “যেন কার্ত্তিক আর কি”। “গণেশ” “নন্দগোপাল” প্রভৃতি দেবনামগুলিও বাঙালীর কাছে ঐরূপ অবজ্ঞা বা উপহাসবাচক হইতে আরম্ভ হইয়াছে। আমরা এপর্যন্ত যাহা দেখাইলাম তাহাতে পাঠক বুঝিলেন বঙ্গভাষায় দেবনামে শৰ্কা অপেক্ষা অবহেলা অশৰ্কা অনাদর ও অবজ্ঞার ভাবটি বিশেষ ভাবে উৎকি মারিতেছে।

## মুদোর দোকান

এই যে দ্র্যলোকস্ত সূর্য চন্দ্ৰ ইহাৰাও হিন্দুৰ দেবতা ;  
প্ৰকৃতিৰ এই দুই দেবতাও বঙ্গভাষায় বিশেষ শ্ৰদ্ধা বা  
সমাদৰ লাভ কৱেন নাই। দেখ বেদে অৰিমুখে সূৰ্য  
চন্দ্ৰেৰ কি মহিমা কৌৰ্�তিত ! আৱ বঙ্গেৰ ছড়ায় তাহাদেৱ  
কি অধোগতি কি দুৰ্দশা ! সূৰ্য চন্দ্ৰ প্ৰকৃতিৰ এমন  
দুই সুন্দৰ বস্তুকেও বঙ্গেৰ ছড়াকবিগণ মাতুল সামৰণ্যে  
সামৰণ্যে কৱিয়া সব মাটী কৱিয়া দিয়াছেন। সূৰ্য  
চন্দ্ৰকে মামা বলিলে উহাতে প্ৰকৃতিৰ মহান সৌন্দৰ্যেৰ  
ভাব দেবতাব কিছু ধাকে না—কবিত হৃদয় তইতে  
পলায়ন কৱিবাৰ চেষ্টা কৱে। বাঙলাৰ মাতুল  
সামৰণ্যে সূৰ্য চন্দ্ৰেৰ স্বৰ্গীয় সৌন্দৰ্য নষ্ট কৱিয়া  
দেয়। “সূৰ্য মামাৰ বিয়েটা আয় রঞ্জ হাটে” “ঁাদা  
মামা টী দিয়ে যা” এই সকল ছড়া বঙ্গসুন্দয়েৰ নিতান্ত  
লঘুতাৰ পৱিত্ৰিক। বঙ্গগৃহে মাতুল সম্পর্কটী পিতাৰ  
আঘায় গুৰুগন্তীৰ নহে, মাতুলেৰ সঙ্গে আমাদেৱ  
সম্পর্ক অনেকটা লঘুতাৰে। মাতুলেৰ সঙ্গে ভগী-  
পুত্ৰেৰ অভিমানটা গোৱাকৱাট। চলে, তাই ছড়াকবি  
গাহিয়াছেন—

তাই তাই তাই  
মামাৰ বাড়ী যাই  
মামাৰা ভাত দিলে না গোষা ক'রে যাই ।

বঙ্গদেশে সূর্যদেব বস্তুতই যে অবজ্ঞার চক্ষে হৈয়  
চক্ষে দৃষ্ট হয়েন, হিন্দুৰ যজ্ঞপূৰ্বীতকালীন আচাৰ প্ৰথা  
হইতেও তাহাৰ পৱিত্ৰ পাওয়া যায়। বঙ্গে প্ৰসিদ্ধি  
আছে—যজ্ঞপূৰ্বীত কৰ্ম্মে শূন্তৰ সূর্যেৰ মুখ দেখিতে  
নাই ; সূর্য শূন্তৰ গণনীয়। সূর্য চন্দ্ৰেৰ আয় অন্তান্ত  
গ্ৰহদেবতাৰাও বাঙালীৰ হৃদয়ে কম বিৱাগ-ভাজন নহে।  
ঝৰিৱা যে মঙ্গল গ্ৰহেৰ এমন গুৰুত্ব ‘মঙ্গল’ নাম দিলেন  
আমৰা তাহাকে অমঙ্গলেৰ আধাৰ বলিয়া গণ্য কৰি এবং  
'হাতে পাঁজী মঙ্গলবাৰ' ইত্যাদি বাক্যে তাহাৰ কুৎসা  
রটনায় ব্যস্ত। আৱ শনিগ্ৰহেৰ ত কথাই নাই।  
দেবনামেৰ সংস্পৰ্শ যাহাতে আছে, তাহাই দেখিতেছি  
কোন না কোনৰূপে বাঙালীৰ কাছে অসমানিত  
হইয়াছে। কামচাৰী নারদ ঝৰিৱ নামেৰ সঙ্গে ‘দেবৰ্ষি’  
উপাধি যুক্ত, তাই সেই নামও বুঝি কলহেৰ কাৰণ রূপে  
বঙ্গীয় সমাজে গণ্য হয়। এই সঙ্গীতাচার্য উদাৰপ্ৰকৃতি

## মনোর দোকান

---

বীণাধারী খৰির নাম লইয়া যখন কলহক্ষেত্রে শোকে ‘নারদ নারদ’ বলিয়া উপহাসের চৈৎকার করে, তখন আমাদের লযুচিত্ততার কথা সহজেই বন্ধমূল না হইয়া যায় না।

বঙ্গভাষায় যে, দেবনামগুলি এমন অনাদরভাবে অবজ্ঞার ভাবে প্রযুক্ত হইয়াছে তাহার কারণ কি? তাহার একটী কারণ নহে। দেবনামে অনাদর শুন্দি একটী পথ দিয়া নহে, নানাপথ দিয়া, নানা ভাবের মধ্য দিয়া বঙ্গভাষায় আসিয়া প্রবেশ করিয়াছে। প্রথম কারণ বাঙ্গালীর মুখে দেবনামের ছড়াছড়ি। বাঙ্গালী আলস্তসহকারে হাই তুলিবেন, তখনও ‘হরিবোল’ বলিবেন। বাঙ্গালী শুইতে যাইবেন তখনও তন্ত্রবশে ‘দুর্গানাম’ লইবেন। এইরূপে বৃথা দেবনাম লইতে লইতে দেবনামের প্রতি অশ্রদ্ধা ও অভক্তি উদয় ছাড়া আর কি ফল হইতে পারে! কোথায় দেবনামের জন্ম কঠোর তপস্থি সাধনা, আর কেথায় দেবনাম আলস্তের অঙ্গরূপে পরিণত! বাইবেল যথার্থই বলিয়াছেন “Thou shalt not take the name of the Lord

thy God in vain” অর্থাৎ “তোমরা বৃথা দেবনাম লঙ্ঘণ না।” ইহা খণ্ডীয় দশ ধর্ম-শাসনের (Ten commandments) অন্তর্ম শাসন। সমাজে ব্রাহ্মণের একাধিপত্য এবং তজ্জ্ঞ উহাদিগের আত্মাভিমানও উহার দ্বিতীয় কারণ। ব্রাহ্মণেরা বঙ্গের ভূদেবতাকুপে পূজ্য হইয়া উঠিয়াছিলেন—ক্রমে তাহারা দর্পভরে সেই দেবতপদ অধিকারে রাখিতে নিজেরাই সচেষ্ট হইলেন ; তাহারই ফলে হিন্দু ব্রাহ্মণদিগের মধ্যে আপনাদিগকে ‘দেবশর্মা’ নামে অভিহিত করিবার এক প্রথা প্রচলিত হইল। পত্রের বা লিপির নিম্নে নিজ নাম স্বাক্ষর করিবার কালে ব্রাহ্মণেরা ‘অমূক চন্দ্ৰ দেবশর্মা’ এইরূপ লিখিয়া থাকেন। এই রীতি নিতান্ত গবৰ্বসূচক ও হিন্দুব্রাহ্মণদিগের হীনতার পরিচায়ক। যে দেবতা তোমার ঈশ্বর বা পূজ্যার সামগ্ৰী সেই ‘দেব’ নাম তোমার নামের সঙ্গে যুক্ত করিয়া দিয়া আত্মাভিমান চরিতার্থ কর কেন ? ঋষিদিগের বংশসন্তুত বলিয়া বৱঝ আপনাদিগকে ‘ঋষিশর্মা’ বল ‘মুনিশর্মা’ বল তাহাতে দোষ নাই, কিন্তু ‘ভর্গো দেবস্তু ধৌমহি’ বলিয়া

## শুলীর দোকান

নিতা গায়ত্রী পাঠকালে যে দেব শক্তি প্রাণের দেবতা  
ভগবানকে পূজা কর, সেই নাম নিজনামের সহিত যুক্ত  
করিয়া ‘দেবশর্মা’ নামে নিজেকে কল্পিত করা সামান্য  
পাপ নহে। অবৈতবাদকে দেবনামে অশ্রদ্ধার তত্ত্ব  
কারণ বলিয়া মনে হয়। ঈশ্বরের সমকক্ষ হইতে গিয়া  
অবৈতবাদী ক্ষুদ্র মানব, কেবল আপনাকে পূর্ণ ব্রহ্ম  
বলিয়া পরিচয় দেন না, তিনি অশ্ব গর্দভ সম্মুখে যাহাকে  
দেখিতে পান তাহাকেই ঈশ্বরের আসনে বসাইতে কৃষ্টিত  
হন না। অল্পদিন হইল একজন ঘোর অবৈতবাদী  
স্পষ্টই দেখাইয়া বলিয়াছিলেন - “এই যে ঘোড়া গাধা  
দেখিতেছেন ইহারাও ঈশ্বর।” এই ভীষণ মত যখন  
দেশের লোকে সহজে আলিঙ্গন করিতে প্রস্তুত, তখন  
সেখান হইতে যে দেবতাকি পলায়ন করিবে তাহার  
আর আশচর্য কি? দেবতার প্রতি অশ্রদ্ধার আরও  
একটী কারণ হিন্দুর বহু দেবতা—অসংখ্য দেবতা।  
সকল হৃদয়ে সকল দেবতা কিছু সমান সমাদর লাভ  
করিতে পারে না। যিনি, যে দেবতাকে শ্রদ্ধা ভক্তি  
করেন তত্ত্ব অন্ত দেবতার সম্বন্ধে তাহার সে শ্রদ্ধাভক্তি

হওয়া অসম্ভব, কাজেই ক্রমে অশ্রদ্ধা ও অনাদরে  
পরিণত হওয়া সহজ। এককালে তত্ত্ব মূসার প্রতি  
তাই পরমেশ্বরের দৈববাণী হইয়াছিল “I am the  
Lord thy God. Thou shalt not have strange  
gods before me.” “আমিই তোমাদের এক ঈশ্বর।  
আমার সম্মুখে তোমরা নানা কল্পিত দেবতার উপাসনা  
করিও না।”

সকল দেবতার উপর যিনি তিনি এক পরমেশ্বর।  
“য একোহবর্ণে” ‘তিনি কোন জাতি বর্ণের অন্তর্ভুত  
নহেন।’ আমরা তাহারি শরণাপন্ন হই। হৃদয়ের  
তৃচ্ছভাব— দেবনামে অনাদর পরিহারের জন্য আইস  
আমরা সেই সকল দেবতার দেবতা এক ভুবনেশ্বরকে  
জ্ঞাত হই এবং উচ্চেংশ্বরে উপনিষদের খবিবাকা ঘোষণা  
করিয়া বলি—

তমীশ্বরাণং পরমং মহেশ্বরং তং দেবতানাং পরমঞ্চ দৈবতম।  
পতিং পতীনাং পরমং পরম্পাং বিদাম দেবং

ভুবনেশ্বরীডং ॥ \*

\* এই প্রবন্ধ সন ১৩১২ সালের আঘাত সংখ্যা পুঁথি প্রকাশিত  
গ্রন্থ।

## କମଳାନେବୁ ।

-୦୪୯\*୫୫୦-

ଶାତକାଲେ ସକଳେଟି କମଳାନେବୁ ଖାଇଯା ଥାକେନ ।  
କମଳାନେବୁ ହଇତେ ଆମାଦେର ଦେଶେ ମୋରବା, ଚାଟ୍ଟନି  
ପ୍ରଭୃତି ନାନାବିଧ ଖାତ୍ସାମଗ୍ରୀ ପ୍ରସ୍ତୁତ ହୁଏ, ଏତଙ୍କୁ ଅରେଞ୍ଜସିରପ, ମାର୍ମାଲେଡ, ଅରେଞ୍ଜେଡ ପ୍ରଭୃତି ନାନାବିଧ  
ବିଦେଶୀ ଦ୍ରବ୍ୟଙ୍କ କମଳାନେବୁ ହଇତେ ପ୍ରସ୍ତୁତ ହାଇଯା ଏକଣେ  
ଆମାଦିଗେର ମନୋରଞ୍ଜନ କରିତେଛେ । ଏହି ଶୁନ୍ଦର ସ୍ଵର୍ଣ୍ଣଫଳ  
କମଳାନେବୁର ନାମେର ବିଷୟ ଜାନିତେ ଅନେକେଇ ଉତ୍ସୁକ  
ହଇବେନ । କମଳା ଓ ଅରେଞ୍ଜ ପ୍ରଭୃତି ଦେଶୀୟ ଓ ବିଦେଶୀୟ  
ନାମଗୁଲି କୋଥା ହଇତେ ଆସିଲ, କେନାଇ ବା ଆସିଲ,  
କୋଥାଯ ବା ତାହାଦେର ଜନ୍ମସ୍ଥାନ, ଏ ସକଳ ବିଷୟ ଜାନିତେ

---

\* ଏହି ପ୍ରବନ୍ଧ ଶୁନ୍ଦମମିତିର ଅଧିବେଶନେ ପଢ଼ିବ ଓ ୧୯୦୫ ମାର୍ଚ୍ଚିନେ  
ପୌଷ ମୁଦ୍ରଣ ପ୍ରକାଶିତ ହୁଏ ।

ପାରିଲେ ବାସ୍ତବିକିଇ କମଳାନେବୁର ରସାସ୍ଵାଦେର ସଙ୍ଗେ ସଙ୍ଗେ  
ଜ୍ଞାନେରେ ଆନନ୍ଦ ଉପଭୋଗ କରା ଯାଯ ।

ବୋଧ ହୟ ଅନେକେଇ ଜାନେନ ଯେ ଯୁରୋପୀୟ ପଣ୍ଡିତରା  
ମଚରାଚର ଭାରତେର ଉତ୍ତରେ ମଧ୍ୟ ଆସିଯାକେ ଆଦି ଆର୍ୟ-  
ଗୋଟୀର ପ୍ରଥମ ନିବାସଭୂମି ବଲିଯା ନିର୍ଦ୍ଦେଶ କରେନ ।  
ତାହାଦେର ମତେ ଆଦି ଆର୍ୟଗୋଟୀ ସେଇ ମୂଳ କେନ୍ଦ୍ରିୟାନ୍ତର  
ହିଁତେ ଶାଖା ପ୍ରଶାଖାଯ ବିଭକ୍ତ ହଇଯା କ୍ରମେ କ୍ରମେ  
ପୃଥିବୀର ନାନାକ୍ଷାନେ ପରିବାନ୍ତ ହଇଯା ପଡ଼ିଯାଛେ ।  
ଯୁରୋପୀୟ ଭାଷାମୂଳେ ଯେ ସଂସ୍କୃତ ଶବ୍ଦେର ଶୁଣୁଶ ଅନେକ  
ଶବ୍ଦ ଦେଖିତେ ପାଓଯା ଯାଯ, ତାହାର କାରଣ ତାହାରା ବଲେନ  
ମଧ୍ୟ ଆସିଯାର ଆଦି ଆର୍ୟଭାଷା ; ତାହାଦେର ମତେ ଏହି  
ମୂଳ ଆର୍ୟଭାଷା ହିଁତେ ସଂସ୍କୃତ, ପାରସ୍ମୀ, ଗ୍ରୀକ, ଲାଟିନ,  
ଜୀର୍ଣ୍ଣନ ପ୍ରଭୃତି ଭାଷାମୂଳ ଜମ୍ବୁ ଲାଭ କରିଯାଛେ ।

କିନ୍ତୁ ଏହି ଆର୍ୟ ଭାଷା, ଆମାଦିଗେର ବୋଧ ହୟ  
ଭାରତେରଇ ଶିରୋଭାଷା—ଇହାଇ ବୈଦିକୀ ଭାଷା ; ଇହା  
ପରିମାଞ୍ଜିତ ହିଁଯାଟି ସଂସ୍କୃତ ଭାଷାଯ ପରିଣତ । ଏହି  
ଦେବଭାଷାର ଆଶ୍ରୟେ ପୃଥିବୀର ନାନାଭାଷା ଯେ ଶୁଣୁଶ  
ଆର୍ୟଭାଷାଯ ପରିଣତ ହିଁଯାଛେ, ଇହାର ନିକଟେ ଅନେକ

## মুদৌর দোকান

---

ভাষাই যে বিশেষরূপে ঝণী তাহার প্রচুর প্রমাণ প্রাপ্ত হওয়া যায়। যেমন বহুপূর্বাবধি ভারত দেশবিদেশের বাণিজ্য ব্যবসায়ের কেন্দ্রস্থান ছিল সেইরূপ ভারতের ভাষাও সকল ভাষার মধ্যবিন্দুস্থরূপ ছিল। সংস্কৃত ভাষা, যে, সকল আর্যভাষার শিরস্থানীয় তাহা ফলমূল সম্পর্কীয় আলোচনা দ্বারাও অনেকটা প্রতিপন্ন হইবে।

ভারতের অরণ্যবাসী ঝৰিবা যখন একটী দুইটী করিয়া ফলমূল আবিষ্কার করিয়া তাহাদিগের উপযোগী নামগুলি একে একে উন্নাবন করতঃ ভাষার ভাণ্ডার পূর্ণ করিতে লাগিলেন, তখন ভারতের অরণ্য হইতে আসিয়া ও যুরোপখণ্ডের নানা দেশে যে কিরূপে তাহা প্রচারিত হইল, তাহা ভাবিলে বিশ্বয়াপন্ন হইতে হয়। বুকা যায় যে বনবাসী ঝৰিদিগের সাধনার ফল শুন্দি যে তাঁহাদের স্বদেশবাসীগণ ভোগ করিতেছেন তাহা নয়, কিন্তু দূরাগত পথিকের স্থায় বহুদূরস্থ বিদেশীয়গণও তাহার ফললাভে বঞ্চিত নহে।

জগদ্বিখ্যাত কমলানেবু কিছু মধ্য আসিয়া বা হিমালয়জাত ফল নহে যে যুরোপীয় পণ্ডিতেরা

স্থির করিয়া বসিবেন যে, কমলানেবুর নাম মধ্য আসিয়াবাসীদিগের আদি আর্যভাষ্যায় প্রথম জন্মগ্রহণ করিয়া উহা জগতের নানাস্থানে প্রচারিত হইয়া পড়িয়াছে। যতদূর জানা যায় তাহাতে মনে হয় কমলানেবুর জন্মস্থান প্রকৃতপক্ষে ভারতের মধ্যপ্রদেশ। মধ্যভারত কমলানেবুর জন্ম বহু প্রাচীনকাল হইতেই বিশেষ প্রসিদ্ধ। যখন উত্তর প্রদেশবাসী আব্যেরা হিমাচল হইতে অবতরণ করিয়া ভারতের নিম্নভূমিতে আসিয়া বসবাস করিতে আরম্ভ করিয়াছেন, তখন ভারতের মধ্যপ্রদেশ তাহাদিগের সমক্ষে যে সকল নৃতন নৃতন দ্রব্যসমূহ উপহার স্বরূপে আনিয়াছিল, তাহাদের মধ্যে কমলানেবু সর্বোৎকৃষ্ট না হউক একটি উৎকৃষ্ট সামগ্ৰী যে বটে তাহার আৱ সন্দেহ নাই।

সেই প্রাচীনকালে মধ্য-ভারত নাগলোক নামে খ্যাত ছিল। এখনও আমরা তাহারই চিহ্নস্বরূপ নাগপুর, ছোটনাগপুর প্রভৃতি নামগুলি দেখিতে পাই। মধ্য-ভারতকে নাগলোক নামে অভিহিত করিবার অনেকগুলি কারণ আছে। সংস্কৃত ‘নাগ’ অর্থে পৰ্বত,

## ହୁଣୀର ଦୋକାନ

ହୃଦୀ, ସର୍ପ ଓ ଜାତି ବିଶେଷେର ନାମ ବୁଝାଯ় । “ଅଗି ସଂକଳନେ” ଅଗ ଧାତୁର ଅର୍ଥ ସଂକଳନ, ‘ନ’ ଓ ‘ଅଗ’ ହଇଟି ଶବ୍ଦେର ଯୋଗେ ‘ନାଗ’ ଶବ୍ଦେର ଉତ୍ପତ୍ତି । ଅଥବା ‘ନ’+‘ଗ’ (ଗମ) ଶବ୍ଦେର ଯୋଗେ ‘ନାଗ’ ହଇଯାଛେ । ଯାହା ସଂକଳନ କରେ ନା ମୂଳ ଶବ୍ଦାର୍ଥ ହିଁଲାବେ ତାହାଟି ପ୍ରଥମ ନାଗ ନାମେର ଘୋଗା ; ପର୍ବତ ସଂକଳନ କରେ ନା, ତାହା ପର୍ବତେର ଆରେକ ନାମ ନାଗ । ହୃଦୀ ଓ ସର୍ପ ପ୍ରଭୃତି ପାର୍ବତ୍ୟ ପ୍ରଦେଶେ ପ୍ରଧାନତଃ ବିଚରଣ କରେ ବଲିଯା ଉତ୍ତାରାଓ କ୍ରମେ ପର୍ବତେର ନାମେ ‘ନାଗ’ ନାମ ପ୍ରାପ୍ତ ହଇଯାଛେ । ମନୁଷ୍ୟେର ମଧ୍ୟେ ସେ ଜାତି ମଧ୍ୟ-ଭାରତେର ଅରଣ୍ୟ-ସଙ୍କୁଳ ପାର୍ବତ୍ୟ ପ୍ରଦେଶେ ହୃଦୀ ଓ ସର୍ପେର ଶ୍ରାୟ ବିଚରଣ କରିତ ତାହାରାଓ ‘ନାଗ’ ନାମେ ଖାତ ନା ହଇଯା ଯାଇ ନାହିଁ । ମଧ୍ୟ-ଭାରତ ପ୍ରଧାନତ ପାର୍ବତ୍ୟପ୍ରଦେଶ ବଲିଯା ନାଗଲୋକ, ମଧ୍ୟ-ଭାରତ ସର୍ପ ଓ ହୃଦୀର ଆବାସଭୂମି ଛିଲ ବଲିଯା ନାଗଲୋକ, ଆବାର ମଧ୍ୟ-ଭାରତ ପାର୍ବତ୍ୟ ନାଗ ଜାତିର ଆବାସଭୂମି ଛିଲ ବଲିଯା ପ୍ରାଚୀନ ଔଷିଦିଗେର ନିକଟ ନାଗଲୋକ ଆଖା ପ୍ରାପ୍ତ ହଇଯାଛିଲ ।

ଏହି ନାଗଲୋକେ ପ୍ରଚୁର ପରିମାଣେ କମଳାନେବୁ ଜନ୍ମିତ

বলিয়া খবিৱা কমলানেৰুৰ নাম ‘নাগরঙ্গ’ দিয়াছেন। নাগলোক বা নাগ প্ৰদেশ রঞ্জিত কৰিয়া থাকে বলিয়াই ‘নাগরঙ্গ’ নাম হইয়াছে। এক্ষণেও সেই পূৱাকালেৰ আয় নাগপুৰ প্ৰতি প্ৰদেশ নাগরঙ্গেৰ স্মৰণৰ্গে শোভাবিত হইতে দেখা যাব। এই ‘নাগরঙ্গ’ নাম বহু প্ৰাচীনকাল হইতে প্ৰচলিত। সংস্কৃত প্ৰাচীনতম বৈষ্ণকগ্রন্থ চৱকে নাগরঙ্গেৰ গুণগুণ পৰ্যন্ত লিখিত আছে—

মধুৱং কিঞ্চিদঘূঁঘুং দৃষ্টং ভৃত্যপ্ৰোচনং ।  
ছৰ্জৰং বাতশমনং নাগরঙ্গ ফলং শুরু ॥

( চৱক )

“নাগরঙ্গ” ফল মধুৱ, কিঞ্চিদঘূঁঘু, অল্পে ঝুচি আনয়ন-কাৰী, ছৰ্জৰ ( সহজে জীৰ্ণ হয় না ), বাতনাশক ও গুৰুপাক।”

আৱো একটি বিশ্বায়কৰ বিষয় এই যে ভাৱতেৱ মধ্য প্ৰদেশেৰ আৱৰ ভাৱতেৱ পূৰ্বাঞ্চল আসাম প্ৰদেশেও কেবল যে কমলানেৰুৰ জন্ম সুপ্ৰসিদ্ধ তাৰা বয়, আসাম-ভূমি নাগপুৰ প্ৰদেশেৰ আৱৰ পাৰ্বত্যপ্ৰদেশ বলিয়া এবং

## মুদীর দোকান

হস্তী, সর্প ও নাগজাতির নিবাসস্থান বলিয়াও সুপ্রসিদ্ধ। প্রাচীন পৌরাণিক নাগজাতির অবশেষ আমাদিগের বিশ্বাস এখনো ভারতে ‘নাগা’জাতিরূপে বিদ্যমান। খুব সন্তুষ্ট জনমেজয়ের নাগঘণ্টের পর অবশিষ্ট নাগকূল আর্য্যাবর্তের নিকটবর্তী স্থান হইতে পলায়ন করিয়া দূরবর্তী আসামের অরণ্যসঙ্কুল গিরি-গুহায় আশ্রয় লাভ করিয়াছিল। আশ্চর্য এই যে ভারতের যে যে অংশে নাগেরা প্রবেশলাভ করিয়াছে, সেই সেই অংশ “নাগরঙ্গের” রঞ্জকেতে ‘পরিণত হইয়াছে। যেমন আমাদের দেশে ইংরাজজাতির প্রবেশের সঙ্গে সঙ্গে ভারতের উত্তানে বিলাতী তরুলতাও রোপিত হইতে আরম্ভ হইয়াছে, সেইরূপ সন্তুষ্টঃ নাগেরা যেদেশে প্রবেশ করিয়াছিল, সে দেশে তাহাদের সঙ্গে তাহাদের জন্ম-ভূমির ‘নাগরঙ্গ’ রোপণ করিতে ভুলে নাই। গ্রিসীয় পৌরাণিক আখ্যানের দ্বারাও আমাদের এ কথা বিশেষ-রূপে সমর্থিত হইতেছে দেখা যায়। সুপণ্ডিত পামার সাহেব বলেন “The sanskrit naranga contracted from “naga-ranga” ( naga a serpent or snake-

and ranga a bright colour ), is suggestive of the Dragon guarded golden apples of the Hesperides, the kingdom of the nagas.” অর্থাৎ গ্রিসীয় পুরাণে সর্পরক্ষিত স্বর্ণফলের যে আখ্যান আছে, তাহা উঙ্গিতে নাগরক্ষিত স্বর্ণফল নাগরসের প্রতিটি সন্তুষ্টবতঃ অঙ্গলি নির্দেশ করিতেছে। বাঙ্গালায় নাগরসকে যে কমলানেবু বলিয়া থাকে তাহার কারণ সন্তুষ্টবতঃ আসামের কুমিল্লা প্রদেশ ; কুমিল্লা সিলেট প্রভৃতি স্থান হইতেই কলিকাতা অঞ্চলে কমলানেবু অধিক পরিমাণে আনীত হয়। ‘কুমিল্লা’ হইতে ‘কমলা’ নাম আসা কিছু আশ্চর্য নহে। অথবা দেখিতে অতি সুন্দর বলিয়া অরুণ-বরণ। লক্ষ্মীর নামে ‘কমলা’ নাম হইতে পারে।

যুরোপ ও আসিয়ার অধিকাংশ ভাষায় কমলানেবুর নাম সংস্কৃত ‘নাগরঙ্গ’ শব্দ হইতে গৃহীত হইয়াছে। যুরোপখণ্ডের সকল ভাষাতেই প্রায় কমলানেবুর নাম সংস্কৃত ‘নাগরঙ্গ’ হইতে উৎপন্ন দেখা যায়—স্প্যানিশ ভাষায় ‘নারাঞ্জা’ ( Naranza ), ভিনিশীয় ভাষায়

## মুদীর দোকান

‘নারাঞ্জা’ ( Naranza ), শ্রীক ভাষায় ‘নেরাঞ্জী’ ( Neranzi ) বলে। এই শব্দগুলি সংস্কৃত ‘নাগরঙ্গ’ শব্দেরই অপত্তি ছাড়া আর কিছুই নহে। আমাদের স্বদেশেও ‘নারাঞ্জা’ শব্দ বহু প্রচলিত আছে। এমন কি অপেক্ষাকৃত আধুনিক সংস্কৃত গ্রন্থেও ‘নাগরঙ্গ’ শব্দ সংক্ষিপ্তাকার প্রাণ্ত হইয়া ‘নারঙ্গ’ রূপ ধারণ করিয়াছে দেখা যায়। পারস্পর ভাষায় ‘নাগরঙ্গ’কে ‘নারাঞ্জ’ ( Naranj ) এবং আরবি ভাষায় ‘নেরাঞ্জ’ বলিয়া থাকে। এজনে পাঠক দেখুন এক সংস্কৃত ‘নাগরঙ্গ’ শব্দ ভিন্ন ভিন্ন ভাষায় কিঞ্চিৎ কিঞ্চিৎ রূপান্তরিত হইয়া কেমন ‘নারাঞ্জ’ ইত্যাদি আকার প্রাণ্ত হইয়াছে। “নাগরঙ্গ” যে সকলের মূলে তাহা বোধ করি আর কাহাকেও বলিয়া দিতে হইবে না।

ইংরাজী ‘অরেঞ্জ’ ( Orange ) শব্দটীও যে নাগরঙ্গকূলোন্তৃত তাহা এজনে দেখাইতেছি। ভাষাত্ত্বের নিয়মালোচনায় জানা যায় যে নকারাদি শব্দ অনেক সময় ভাষান্তরে প্রবেশকালে আচক্ষণ নকার পরিত্যাগ করিয়া যায়, কেবল স্বরবর্ণটী বজায় থাকে

ମାତ୍ର । ଏହି ନିୟମେ ଫରାସୀ ‘ନାପର’ ( Naperon ) ଶବ୍ଦ ଇଂରାଜୀତେ ‘ଆପ୍ରନ’ ( Apron ) ହିଁଯାଛେ, ନକାରେର ଲୋପ ହିଁଯାଛେ ।\* ଇଂରାଜୀ ‘ଆମପ୍ଯର’ ( Umpire ) ଶବ୍ଦ ଓ ପ୍ରାଚୀନ ଫରାସୀ ‘ନମପେଯର’ ( Nompair ) ଶବ୍ଦ ହିଁତେ ଉତ୍ତପ୍ତ ।\* ଏହି ଯେମନ ଦେଖାଇଲାମ ‘ନାପର’ ଓ ‘ନମପେଯର’ ଶବ୍ଦଦ୍ୱୟ ହିଁତେ ‘ଆପ୍ରନ’ ଓ ‘ଆମପାଯର’ ଶବ୍ଦଦ୍ୱୟେର ଉତ୍ତବ, ଏହି ଏକହି ନିୟମେ ‘ନାଗରଙ୍ଗ’ ହିଁତେଓ ‘ନାରଙ୍ଗ’ ଓ ‘ନାରାଞ୍ଜ’ ଏବଂ ପରେ ନ ଲୋପ ହିଁବା ଇଂରାଜୀ ‘ଓରଙ୍ଜ’ ( Orange ) ଶବ୍ଦର ଉତ୍ତପ୍ତି ହିଁଯାଛେ । ଫରାସୀ ଭାଷାଯ କମଳାନେବୁକେ ଇଂରାଜୀର ଅଳ୍ପକ୍ଷର ଅଳ୍ପକ୍ଷର ‘ଓରଙ୍ଜ’ ( Orange ) ଓ ଲାଟିନେ ‘ଓରାଞ୍ଜିଯା’ ବଲେ ।

**ଜର୍ମଣ ଭାଷାଯ କମଳାନେବୁର ନାମ ‘ପମାରାଞ୍ଜ’**

---

\* Umpire, old English Owmpere an incorrect form of a Nowmpere or nompeyre, from old French Nompair. Folk Etymology.

\* ‘Napron is the form found in old English from old French ‘Napeion’, a large cloth. Folk Etymology.

## মুদীর দোকান

( pomerantz )। ‘পমারাঞ্জ’ শব্দ একটী শব্দ নয়, হইটী বিভিন্ন শব্দের যোগে ‘পমারাঞ্জ’ শব্দের সৃষ্টি : ‘পমা’ অর্থে ফল ও ‘অরাঞ্জ’ অর্থে কমলানেবু। ইংরাজী ‘পমগ্রানেট’ ( দাঢ়িম ) শব্দেও ফলার্থ বাচক ‘পমা’ শব্দের অস্তিত্ব দেখা যায়। ভারতীয় ভাষায় যে ‘মেওয়া’ বা ‘মোয়া’ শব্দে পক মধুর ফল বুঝায়, যুরোপীয় ‘পমা’ শব্দটীকে তাহারি জাতিশব্দ বলিয়াই মনে হয়। ‘মেওয়া’ বা ‘মোয়া’ শব্দ ফলের সাধারণ নাম, এই কারণে বাদাম, পেস্তা, কিশিস্ প্রভৃতি সুগন্ধিফল ‘মেওয়া’ নামে সচরাচর অভিহিত হয়। আমাদের বাঙালি ভাষায় ‘সবুরে মোওয়া ফলে’ বলিয়া যে একটী প্রবাদ প্রচলিত আছে, সেখানেও ‘মোওয়া’ অর্থে মিষ্টি পকফল। ‘মোয়া’ শব্দটী সংস্কৃত ‘মোদক’ শব্দ হইতে উত্তৃত।<sup>1</sup> রামায়ণ প্রভৃতি প্রাচীন সংস্কৃত গ্রন্থাদিৎপুরুষে ‘মোদক’ শব্দের অভাব দেখা যায় না—

<sup>1</sup> বদন শব্দ হইতে যে নিয়মে “বয়ান” হইয়াছে ‘পদ’ বা “পাদ” শব্দ হইতে যে নিয়মে “পায়া” হইয়াছে, সেই নিয়মে ‘মোদক’ শব্দেরও ‘দ’ ‘য়’তে পরিণত হইয়া ‘মোয়া’ রূপ প্রাপ্ত হইয়াছে।

“নারাজকে জনপদে মাল্যমোদকদক্ষিণাঃ ।

দেবতাভার্চনার্থায় কল্প্যন্তে নিয়তৈজনৈঃ ॥” \*

“অরাজক দেশে লোকেরা দেবতারাধনার্থ মাল্য  
মোদক ও দক্ষিণ। কল্পনা করেন না”

এই সংস্কৃত মোদক শব্দ হইতে বাঙালি ভাষায়  
'মেওয়া' 'মোয়া' প্রভৃতি অনেকগুলি শব্দের সৃষ্টি  
হইয়াছে। ইতিপূর্বে “মুদী” প্রবন্ধে বলিয়া আসিয়াছি।  
যাহা মোদন করে তাহাই মোদক, এই অর্থে মিষ্ট  
ফলও মোদক, সুমিষ্ট নাড়ুও মোদক, এমন কি  
সুমিষ্ট ঔষধের নামও সংস্কৃত ভাষায় মোদক হইয়াছে।  
এই মোদক শব্দেরই অনুবর্তী হইয়া প্রাকৃত 'মেওয়া'  
বা 'মোয়া' শব্দেও বাদাম পেস্তা প্রভৃতি ফলকে  
বুঝায়, আবার সুমিষ্ট নাড়ু ও ডেলাক্ষীর প্রভৃতিকেও  
বুঝায়। পুরাকাল হইতেই বাণিজ্য প্রভৃতি নানা-  
সূত্রে শুল্ক সংস্কৃত শব্দ কেন, সংস্কৃত-প্রসূত আমাদের  
দেশের অনেক প্রাকৃত শব্দও যুরোপের উপকূলে

---

\* রামায়ণ অযোধ্যাকাণ্ড ৬৭ সর্গ।

## ମୁନ୍ଦାର ଶୋକାନ

ଉପନୀତ ହଇଯାଛେ ଦେଖା ଯାଯା । ନାରାଙ୍ଗା ଶକ୍ତେର ନ୍ୟାୟ ମୋଦକୋଣ୍ଠର ପ୍ରାକୃତ ‘ମୋଯା’ ଶକ୍ତୀରୁ ଏହିରୂପେ ଭାରତ ହଇତେ ସୁରୋପେ ଗିଯା କିଷିଂହ ବେଶ ପରିରକ୍ତି କରିଯା ‘ପମା’ ରୂପ ଧାରଣ କରା କିଛୁ ଅସ୍ତ୍ରବ ନହେ । ପ, କ, ବ, ତ, ମ ଭାଷାବିଜ୍ଞାନେ ଏହି ଅକ୍ଷରଗୁଲି ପରମ୍ପରାର ପରମ୍ପରାରେ ସହିତ ମଧ୍ୟ ଆଲିଙ୍ଗନେ ବନ୍ଦ । ଇହାରା ପରମ୍ପରା ପରିବର୍ତ୍ତସହ, ଯେମନ ଆମରା ‘ଆମ’ ଏର “ମକେ” “ବ” କରିଯା ଅନେକ ସମୟେ ‘ଆବ’ ଉଚ୍ଚାରଣ କରି, ଯେମନ ସଂସ୍କୃତ ‘ଆତ୍ମନ’ ଶକ୍ତେର ‘ମ’ ସ୍ଥାନେ ‘ପ ବା ‘ବ’ ଆସିଯା ବାଙ୍ଗଲାଯା ‘ଆପନି’ଓ ହିନ୍ଦିତେ ‘ଆବ’ ବା ‘ଆପ’ ଗଠିତ ହଇଯାଛେ । ଏହି କାରଣେ “ମୟା” ଯେ “ପମା” ହଇତେ ପାରେ ଇହା ସହଜେଇ ଅଭ୍ୟମିତ ହୟ । ମୋଯା = ମବା = ପଁବା = ପମା ।

ଆମରା ଏତକ୍ଷଣ ଦେଖାଇଲାମ ଯେ କମଳାନେବୁ ସମ୍ପକ୍ଷୀୟ ନାମଗୁଲି ଆମାଦେରଇ ଦେଶ ହଇତେ ଗିଯା ନାନା ଦେଶେ ଉପନିବେଶ କରିଯାଛେ । ଏକଣେ କମଳାନେବୁ ସମ୍ବନ୍ଧେ ଆରେକଟୀ ବିଷୟ ଆଲୋଚନା କରିଯା ଏହି ପ୍ରବନ୍ଧର ଉପସଂହାର କରିବ । କମଳାନେବୁ ପ୍ରଭୃତି ଅନେକଗୁଲି ନେବୁଇ ସୁରୋପୀୟ ଉତ୍ତିଦଶାସ୍ତ୍ର ମତେ ସାଇଟ୍ରୁସ ( citrus ) ଜାତିରୁ

অন্তর্ভূত। বিজ্ঞানে এই “সাইট্রিস” শব্দের অনেক ব্যবহার আছে; ইহা হইতেই বৈজ্ঞানিকেরা সাইট্রিক ( citric ) প্রভৃতি নানা শব্দ সংগঠন করিয়াছেন। এই সাইট্রিস শব্দটী কোথা হইতে আসিল? ইহার মূল কোথায় দেখা যাউক। সংস্কৃত ভাষায় নেবু প্রভৃতি অঘ্নদ্রব্যের নাম ‘দন্তশঠ’। অঘ্নদ্রব্যের নাম ‘দন্তশঠ’ এইজন্য যে অঘ্নদ্রব্য দন্তের প্রতি শঠতা আচরণ করে। দাত টকিয়া যায় বলিয়া ‘দন্তশঠ’ নাম ; এই কারণে নেবু কপিথ, তেঁতুল প্রভৃতি প্রায় সকল অঘ্নদ্রব্যই “দন্তশঠ” নামে খ্যাত।

“দন্তশঠঃ জগৌরঃ কপিথশ্চ  
দন্তশঠা অঘ্নিকা চাঙ্গেরীচ ।”

‘দন্তশঠ’ আবার সংক্ষিপ্ত হইয়া ‘শঠ’রূপে পরিণত হইয়াছে। অঘ্নরসে দাত টকিয়া যায় বলিয়া অঘ্নরসেরও নাম এমন কি সংস্কৃত ‘শঠ’। এই সংস্কৃত ‘শঠ’ শব্দটীকি ‘সাইট্রিস’ প্রভৃতি শব্দের মূল নহে? \*

\* সাইট্রিক প্রভৃতি শব্দের অনুবাদ আংগার মনে ইয় শঠ’ শব্দ হইতে করাই গুজত।

## মুদীর দোকান


টক্ককে যে ‘খট্টা’ বলে তাহারও মূল এই ‘শঠ’ শব্দই। হিন্দিতে ‘শ’ বা ‘ষ’ ‘খ’র অ্যায় উচ্চারণ হয়, তাই সংস্কৃত ‘শঠ’ হিন্দিতে ‘খট্টা’রূপে পরিণত হওয়াছে। অন্ন খাইবার পর জিহ্বার দ্বারা আমরা যে ‘টক’শব্দ করি’ তাহাই বাঙালায় অন্নের “টক” নাম হইবার কারণ। নাগরস্ক শব্দের অ্যায় ‘শঠ’ শব্দও অপভ্রাকারে ভারতের নানা ভাষায় কমলার জাতীয় নেবুকে বুকায়;— যেমন দাক্ষিণাত্যে ‘নারাঙ্গী শন্তু’ বলে, পশ্চিমে ‘শন্তুর’ আসামী ভাষায় ‘শন্তিরা’ বলিয়া থাকে। উহারা সকলেই এক শঠ শব্দ হইতে উৎপন্ন। ইংরাজীতে বড় এক জাতীয় নেবুর নাম সাইট্রন ( citron ), জর্মন ভাষায় ( citron ) বলিতে নেবু মাত্রকই বুকায়। মুরোপীয় “সাইট্রন” প্রভৃতি শব্দের সহিত ভারতীয় ‘শন্তুর’ প্রভৃতি শব্দের যে বিশেষ সাদৃশ্য, তাহা স্পষ্টই দেখা যাইতেছে—উহাদের আকৃতিতেই বুকা যায় যে উহারা একই গোষ্ঠীর। উহাদের সকলের মূলে যে এক সংস্কৃত ‘শঠ’ শব্দ বিরাজ করিতেছে তাহাতেই উহাদের মধ্যে একটা ঐকা। ‘শন্তুর’ প্রভৃতি শব্দ

যে ‘শঠ’ শব্দেরই অপভ্রংশ ইহা আমরা নিশ্চিতরূপে  
বুঝিতে পারি যখন দেখি যে ‘ধূর্ত’ অর্থ-বোধক শঠ শব্দ,  
তিন্দুস্থানীতে ‘শঠ’ এইরূপ আকার প্রাপ্ত হইয়াছে।  
শঠ হইতে যদি ‘শণ্ঠ’ হইতে পারিল ত ‘শন্ত’ ইবা না  
হইবে কেন ?

ভারতের উৎপন্ন দ্রবাসমূহ যুরোপ প্রভৃতি দেশে  
চালিত হইয়া তাহাটি আবার পরিবর্ত্তিত আকারে  
যেমন আমাদের নিকট চতুর্ণংশ মূলো বিক্রীত হয়,  
ভাষা সম্বন্ধেও কি তাহাটি হয় নাই ? ভারতের ভাগুর  
হইতে শব্দ সংগ্রহ করিয়া এক সময়ে বিদেশীয় ভাষা-  
গুলি বিশেষ পরিপূষ্টি লাভ করিয়াছিল ; কিন্তু এক্ষণে  
সেই শব্দগুলির বিদেশীয় সংস্করণ আমরা চতুর্ণংশ মূল্যে  
ফিরিয়া পাইতেছি। আমাদের সংস্কৃত নাগরঙ্গ, শঠ  
প্রভৃতি শব্দের অস্তিত্বই হয়ত আমরা জানি না, কিন্তু  
অরেঞ্জেড, citric প্রভৃতি শব্দগুলি বহুমূল্য ভাবিয়া  
আমরা কতই না যত্নে কণ্ঠস্থ করিয়াছি।




# গণেশ-বাহন ঈদুর, লক্ষ্মীর বাহন পেঁচা ও ষষ্ঠীর বাহন বিড়াল।



হিন্দুর যতগুলি দেবতা, বোধ হয় ততগুলি বাহনও<sup>ও</sup>  
আছে। তেত্রিশ কোটী দেবতার বাহনের গুরুত্বার  
কার্য হইতে আলিপুরের আগীবাটিকার অন্ন জানোয়ারট  
রেহাই পাইয়াছে। কতকগুলি বাহনের নাম করিলেই  
পাঠক বুঝিতে পারিবেন যে ইহার মধ্যে কেমন বেশ  
বৈচিত্র্য আছে। যেমন দূর্গার বাহন সিংহ, গণেশের  
বাহন ঈদুর, অশ্বির বাহন ছাগল, কার্তিকের বাহন  
ময়ুর, শীতলার বাহন গরুড়, ব্রহ্মার বাহন হংস, বিষ্ণুর  
বাহন গরুড়, ঈশ্বরের বাহন ঐরাবত, গঙ্গার বাহন  
মকর, শিবের বাহন বৃষ, যমের বাহন মহিষ, ষষ্ঠীর





ମୁଖିକ ନାତନ ଗ୍ରଂଥ

বাহন বিড়াল, লক্ষ্মীর বাহন পেঁচা, মঙ্গলের বাহন ডেক,  
শমিয় বাহন শকুনি, কেতুর বাহন মুসী, ইত্যাদি।  
অস্ত্রদিন হইল কোন কবি 'রসগোলা'কে নাবি হেবীজপে  
কল্পনা করিয়া শালপত্রকে ঊহার বাহন নির্দেশ করিয়া-  
ছেন। বাম্বুপুরাণে যে দেবগণের বাহনের সংক্ষিপ্ত  
বিবরণ দেওয়া হইয়াছে পাঠকগণের ক্ষেত্ৰহস্ত নিৰ্বারণার্থে  
তাহার আভাস না দিয়া থাকিতে পারিলাম না। বন্দিৎ  
এবলে অতি অস্ত্রসংখ্যক দেবগণেরই বাহনের বিবর  
বলা হইয়াছে—“পুলস্ত্য দেবধিনারদকে বলিলেন,  
দেবরাজের বাহন মহাশজ ঐরাবত; এ ঐরাবত  
মহাকীর্ণ্য ও মহাসুসম্পন্ন এবং শ্রেতবর্ণসম্পন্ন। ধৰ্ম-  
রাজের বাহন পৌত্রুক নামক মহিষ এ মহিষ অতীব  
ত্বক্ষয় ও কৃষ্ণবর্ণ। বরণের বাহন দিব্যগতি শামৰ্বণ  
শিশুমার। কুবেরের বাহন অধিকার পাদসন্তুত  
নরোত্তম; উহার আকৃতি শৈলের শ্যার এবং উহার  
লোচন শকটচক্রের শ্যার, উহার আকৃতি ও অতীব ভয়ঙ্কর,  
একাঙ্গ কলের বাহন শুরভির অংশে জাত উগ্রবেগ-  
সম্পন্ন শ্রেতবর্ণ বৃষ সকল। চতুর্মার বাহন হংস। অগ-

## মুদীর দোকান

উষ্টু ও রথ আদিত্যগণের বাহন। বসুগণের বাহন হস্তী। যক্ষেরা নরবাহন। কিম্বরগণের বাহন সর্প। অশ্বিনীকুমারের বাহন ঘোটক। মরুদগণের বাহন সারঙ্গ এবং কবিগণের বাহন শুক।” \*

সময়ে সময়ে সুযোগ পাইলে এই বাহনগুলা  
লোকের উপর বড় কম উৎপাত উপদ্রব করেন। প্রবল  
প্রতাপ জমীদারের নায়েবের উপদ্রবে যেমন নিরীহ  
প্রজারা সর্বদা সশক্তি, দেবতার কোন কোন বাহনের  
উপদ্রবে তেমনি সকলে অস্তির।

যে সকল বাহন লোকের উপদ্রবকারী, গণেশবাহন  
মূর্খিক তাহাদের মধ্যে সর্বপ্রধান। অতিবৃষ্টি, অনাবৃষ্টি  
যেমন একটা ঘোরতর দৈব বিপদ, সেইরূপ মূর্খিকও  
একটা ঘোরতর দৈব বিপদ বলিয়া পরিগণিত হইয়াছে।

অতিবৃষ্টিরনাবৃষ্টিঃ শলভাঃ মূর্খিকাঃ খণাঃ।

প্রত্যাসন্নাশ্চ রাজানঃ ষড়ৈতে ঈতয়ঃস্মৃতাঃ॥

“অতিবৃষ্টি, অনাবৃষ্টি, শলভ (পঙ্গপাল জাতীয়  
পতঙ্গ), ইচুর, ধাত্যনষ্টকারী পাখী ও রাজার সমাগম

---

\* বাগনপুরাণ ৯ম অংশায়।

এই ছয়টা বিষয় লোকের পক্ষে ঈতি বা উৎপাদ বলিয়া  
গণ্য হয়”

ইঁছরের সংস্কৃত নামগুলি ইঁছরের স্বত্ত্বাবের পরিচায়ক।  
ইঁছর যে উপজবকারী, মূষিক নামেই তাহার পরিচয়  
পাওয়া যায়। মূষ ধাতুর অর্থ ডাকাতি করা বা চুরি  
করা। বাঙালার ‘দেড়ে মূঘে’ কথার মধ্যে এই ‘মূঘে’  
শব্দটি সংস্কৃত ‘মূষ’ ধাতু হইতে উৎপন্ন হইয়াছে।  
সংস্কৃত গ্রন্থে “দস্ত্র্যভিমূঘিতস্ত্র” অর্থাৎ ‘ডাকাত কর্তৃক  
অপহৃত’ ইত্যাদি প্রয়োগের অভাব নাই। \* মূষ ধাতুর  
অর্থ ‘আঘাত করা’ও হয়—যাহা হইতে ‘মূষল’ অর্থাৎ  
মুণ্ডর কথাটি আসিয়াছে। বাঙালার “ছমূঘ” শব্দটিও  
মূষ ধাতু হইতে উৎপন্ন। ইঁছরের ‘উন্দুর’ সংস্কৃত  
নামটি ও বড় শুখাতির পরিচায়ক নহে। উন্দি ক্লেদনে।  
‘উন্দ’ ধাতুর অর্থ ক্লেদন অর্থাৎ “নোঙ্গরা করা।” ইঁছর  
যে কিরূপ ঘর নোঙ্গরা করে তাহা সকলেই অবগত  
আছেন। কিন্তু এই নোঙ্গরামি অপেক্ষা সেকেলে

---

\* মুষ্টি ও মূষা (মোণা গালাইবাব পাত্র খুচী) শব্দদ্বয়ও এই  
অপহৃত্যার্থক মূষ ধাতু হইতেই আসিয়াছে।

## মুদীর দোকান

গৃহের ধার্যাদি নষ্ট বা অপচরণ করা বিশেষ অনিষ্টজনক বিবেচিত হইত বলিয়াই প্রাচীনকালে ঈরূপের এই ‘মূর্খিক’ নামটি সংস্কৃত ভাষা হইতে পৃথিবীর অন্তর্গত ভাষায় গৃহীত হইয়াছে। যেমন ইংরাজীতে Mouse বলে ইত্যাদি—ইহা সংস্কৃত মূর্খিক বা মূর্খ শব্দের অপভ্রংশ মাত্র। অপরিচ্ছন্নতার সহিত যে ঈরূপের কিন্তু মাথামাথি ভাব তাহার চিত্র রাখায়ণ হইতে দেখুন—

“রঞ্জসাভ্যবকীর্ণানি পরিত্যক্তানি দৈবতৈঃ ।

মূৰক্কেঃ পরিধাৰ্বতি ক্লিন্ডেৱাহুতানি চ ॥”

“যে সকল গৃহ অমাজিত, রঞ্জপরিব্যাপ্ত, দেবগণ পরিত্যক্ত, গর্ত হইতে উঠিত ঈতন্তু ধারমান মূর্খিক-সমূহে সমাবৃত্ত, কৈকেয়ী সেই সমস্ত গৃহ প্রাপ্ত হউন।” \*

কিন্তু এই প্লেগের প্রকোপের সময়ে মূর্খ অপেক্ষা উন্দুর নামটি দেখিতেছি অধিক ভয়ের কারণ। কেন

\* রাখায়ণ অযোধ্যাকাণ্ড ৩৩ সর্গ।

না নোঙ্গরামি প্লেগের দ্রুত প্রচারে সহায়। পরিচ্ছন্নতা  
প্লেগের প্রতিষেধক। এখন যেনন প্লেগের জন্য ঈদুর-  
কুল ধ্বংস করিবার কথা হইলেও সেইরূপ পুরাকালেও  
ঈদুরবংশ-ধ্বংসের জন্য নানা চেষ্টা হইয়াছিল। সেকেলে  
এই মহামারীর ভয়ে যে লোকে ঈদুরের উপর বিরক্ত  
হইয়াছিল তাহা ঠিক বলা যায় না। তবে ঈদুর যে  
নানারূপে লোকের উৎপাত করিত তাহাতে সন্দেহ  
নাই। ঈদুরের উপদ্রব লোকের অসহ হইয়। উমিয়া-  
ডিল। ঈদুর গণেশবাহন হইলেও প্রাচীন কালে এই  
ঈদুরকুল নিশ্চূল করিবার চেষ্টা না হইয়। যায় নাই।  
একে জীবহত্যা হিন্দুর পাপ, তায় ঈদুর আবার দেবতা  
গণেশের বাহন; তাই এমনিটি উপায় করা চাই যে  
ঈদুরকুলও ধ্বংস হয় অথচ ঈদুর হত্যা পাপ স্পর্শ না  
করে। ঈদুরের শক্র কে? ঈদুরের ভক্তক কাহারা?  
হিন্দু খুঁজিয়া খুঁজিয়া সেই সকল প্রাণীকে সন্মাদৱ  
পূর্বক গৃহে ডাকিয়া আনিয়া দেবতার বাহন করিয়া  
দিলেন। পেঁচা ও বিড়াল ঈদুরের পরম শক্র—তাহারা  
ঈদুর ভক্ত, তাই হিন্দু একটিকে (পেঁচাটিকে)

## মুদীর দোকান

লঙ্ঘীর বাহন ও আরেকটিকে (বেড়ালটিকে) যতার  
বাহন করিয়া দিলেন। এইরূপে এক দেবতার বাহনকে  
অপর দেবতার বাহন দ্বারা সম্মুখে বিনাশ করিবার  
উপায় আবিক্ষা করিয়া নিশ্চিন্ত হইলেন: একটি  
ইছরের বিপক্ষে দুই দুইটি শক্র পেঁচা ও বেড়ালকে  
নিযুক্ত করিয়া নিরাপদ হইলেন।

পেঁচা ও বিড়াল যে পুরাকালে বড় শুভসূচক বলিয়া  
গণ্য হইত তাহা মনে তয় না। রামায়ণ আছে—  
দশরথের মৃত্যুর পরে রামের বনবাস সংঘটিত হইলে  
যখন ভরত শৃঙ্খলাপুরী অযোধ্যায় প্রবেশ করিলেন, তখন  
সেই তিগিরাজ্ঞ পুরৌতে অলঙ্ঘনসূচক বিড়াল ও পেচ-  
কেরা বিচরণ করিতেছে এবং গৃহকবাট সকল রূদ্ধ  
রহিয়াছে দেখিতে পাইলেন—

“স্মিক্ষ গন্তীরযোগেন স্ফন্দনেনোপযান্ত ওভুঃ।

অযোধ্যাঃ ভরতঃ ক্ষিপ্রঃ প্রবিলেশ গত্যাযশাঃ॥

বিড়ালোলুকচরিতা মালীননরবারণাম।

তিগিরাভাতাঃ কালীমপ্রকাশাঃ নিশাগিল।”\*

\* রামায়ণ, অযোধ্যাকাণ্ড, ১১৪ সর্গ।





ପ୍ରାଚକ-ନାଥନ ଲେଖଣୀ

কিন্তু অলঙ্কণসূচক হইলেও কার্যা উদ্ধারের জন্য  
কালক্রমে উহার। গৃহে গৃহে দেবতার বাহনরূপে আদর  
পাইয়াছে। অনেকের বিশ্বাস লক্ষ্মীপেঁচা ঘরে আসিলে  
লক্ষ্মী প্রসন্ন। হ'ন অর্থাৎ খুব টাকাকড়ি হয়। এ  
বিশ্বাসের মূল কি? লক্ষ্মীপেঁচা আসিলে তাহার সঙ্গে  
কি ধনসম্পত্তি লইয়। আসে তাহা নয়। প্রকৃত কথা  
এই যে লক্ষ্মীপেঁচা ঘরে আসিলে তাহার খাত্ত ঝঁজুরের  
অনুসন্ধানে আসে। ঝঁজুর মরিলে গৃহের বা ক্ষেত্রের  
ধান্তাদি নষ্ট করিতে পারে না। লক্ষ্মীপেঁচা সচরাচর  
ধান্তাক্ষেত্রেই থাকে। ধান্তাদিই গৃহের লক্ষ্মীস্বরূপ।  
এই কারণেই লক্ষ্মীপেঁচা লক্ষ্মীর বাহনরূপে পরিগণিত।  
কিছুকালপূর্বে সম্বাদপত্রে পড়া গিয়াছিল যে প্লেগের  
ভয়ে ঝঁজুরকুল ঝংস করিবার জন্য আমেরিকার যুক্ত  
রাজ্য পেচা পুরিবার প্রস্তাব হটিতেছে। আমরাও  
এই মহামারী ও দুর্ভিক্ষের সময়ে লক্ষ্মীর বাহনকে গৃহে  
গৃহে আবাহন করিলে মঙ্গল।

বেড়াল যে বড় শান্ত শিষ্ট প্রাণীটি তাহা নহে। এই  
বিড়াল তপস্বীর সুযোগ পাইলে গৃহস্বামীকে তিতিবিরক্ত

## মুদীর দোকান

করিয়া তুলে, সম্মার্জনী প্রত্যারে তবে সে পাপের প্রায়-  
শিক্ষিত হয়। কিন্তু তথাপি বেড়ালকেও যে তিন্দু ঘষ্টী-  
ঠাকুরাণীর বাহন করিয়া গৃহে আদর পূর্বক আহ্বান  
করিয়াচেন, তাহার কারণ বেড়াল উচ্চরের পরম শক্তি।  
তিন্দুর বিশ্বাস না ঘষ্টীর কৃপায়, বর্ধায় দুর্বাদলের তায়  
কচিমুখ শিশুগুলি গজাইয়া উঠে এন্ট গৃহটীকে শ্যামল  
করিয়া তুলে। তাই পুত্রাদির মুখে কথন ঘৃঙ্খলা কি  
কোনরূপ অশুভজনক বাক্য শুনিলেই ডনবী হাঢ়াতাড়ি  
ঘষ্টীকে সুপ্রসন্ন করিবার জন্য বলিয়া উচ্ছেন--“বালাই,  
ষাঠ ষাঠ ঘেঁঠের বাঢ়া ঘষ্টীর দাস।” ‘বালাই’ শব্দটী  
বিপদ-সূচক। বালাই শব্দটীর উৎপত্তি সংস্কৃত “বালাশ”  
হইতে। এই “বালাই” হইতে রক্ষা পাইবার জন্য  
ঘষ্টীর কাছে কৃপা ভিক্ষা। দুইবার ষাঠ ষাঠ শব্দে ঘষ্টীর  
নামোচ্চারণ, তৎপরে ঘষ্টীর বৎস ও ঘষ্টীর দাস বলিয়া  
তবে নিরস্ত। পুত্র জন্মাইবার পরে ছয় দিনের দিন  
যে গৃহিণীরা ঘেঁঠেরা করিয়া থাকেন তাহাও ঘষ্টীপূজা।

এখন দেখা যাক এই ঘষ্টীর মূল কোথায় সম্বন্ধ।  
পূর্বে রাজাৱা প্ৰজাৱ নিকট হইতে যে, উৎপন্ন শস্যের





বিড়াল-বাহন খণ্টা

ষষ্ঠিভাগ করস্বরূপে গ্রহণ করিতেন সেই ষষ্ঠাংশের সঙ্গে  
ষষ্ঠীর বিশেষ সম্বন্ধ আছে। \* সেই ষষ্ঠাংশেরই একরূপ  
অধিষ্ঠাত্রী দেবী ষষ্ঠী। কার্ত্তিক মাসে যখন ধাত্রাদি ওষধি  
সমূহ পরিপন্থতা লাভ করে তখনই রাজাৰ করস্বরূপে  
শস্ত্রের ষষ্ঠাংশ প্ৰদানেৰ প্ৰকৃত কাল। এই সময়ে প্ৰজাৰূপ  
—আনালবুদ্ধবনিতা সকলৈ, আনন্দগদগদচিত্তে  
রাজাকে ষষ্ঠিভাগ প্ৰদানার্থ এবং অবশিষ্টভাগ গৃহে  
আনয়নেৰ জন্য ক্ষেত্ৰে ধাত্রাদি কৰ্ত্তন কৰিতে যায়।  
তাই এই ধাত্রাদি কৰ্ত্তনেৰ অধিষ্ঠাতৃদেব কাৰ্ত্তিক যড়ানন  
এবং ষষ্ঠাংশেৰ অধিষ্ঠাত্রীদেবী কাৰ্ত্তিকেৰ সহচৰী ষষ্ঠী  
নামে খ্যাত। পুৱাণে ষষ্ঠীদেবী প্ৰকৃতিৰ ষষ্ঠাংশরূপা  
বলিয়াই কৌতুক হইয়াছেন—

“ষষ্ঠাংশরূপা প্ৰকৃতেন্তেন ষষ্ঠী প্ৰকৃতিতা ।  
পুত্ৰপোত্র প্ৰদাত্ৰী চ ধাৰী ত্ৰিজগতাং সতী ॥” †

পুনশ্চ—

\* ষষ্ঠা শব্দেৰপি ধন্ত এবঃ। ( কালিদাস )

+ ব্ৰহ্মৈবৰ্ত্ত পুনাণ, প্ৰকৃতি খণ্ড, ১ অধ্যায়।

## ঘুদীর দোকান

মাতৃরূপা দয়ারূপা শশ্রক্ষণরূপিণী ।

সেকালে রাজারা ষষ্ঠাংশ কর গ্রহণ করিতেন প্রজা-  
রক্ষা প্রজাপালনের জন্য । ষষ্ঠাংশ গ্রহণ করিয়া প্রজা-  
পালন না করা তাহাদের নিকট মহাপাপ বলিয়া  
বিবেচিত হইত । নিম্নোক্ত ভরতবিলাপ হইতেই  
তাহা স্পষ্ট প্রতিপন্থ হইবে ।—

“বলিষড়ভাগমৃদ্ধত্য নৃপস্তারক্ষিতৃঃ প্রজাঃ ।

অধৈর্মো যোগস্থ সোঁস্যাস্ত যস্তার্ণেয়াঃ নুমতে গতঃ ॥” \*

“আর্যা রাম যাঁতার মতানুসারে বানে গিয়াছেন,  
ষষ্ঠাংশ কর লইয়া প্রজাদিগকে রক্ষা না করিলে রাজার  
যে পাপ তয় সেই বাক্তির সেই পাপ হউক ।”

ইহার দ্বারা বুঝা যাইতেছে ষষ্ঠাংশ কর গ্রহণ ও  
প্রজারক্ষণ এই দুইটি যেন একযোগে বন্ধ । তাই শাস্ত্রে  
ষষ্ঠাংশের দেবী ষষ্ঠীকে রক্ষণরূপিণী বলা হইয়াছে ।  
কার্তিক মাস যে ধোন্ত কর্তনের কাল, কার্তিকের নক্ষত্রের  
নাম কৃত্তিকাও তাহা নির্দেশ করিতেছে । এই “কৃত্তিকা”  
নক্ষত্রের নামও কর্তন বা ছেদনার্থ কৃৎধাতু হইতে

---

\* রামায়ণ অনোধ্যাকাণ্ড ৭৫ সর্গ :

উৎপন্ন। নক্ষত্রের নামগুলি সময়ের উপযোগী করিয়া  
রাখা হইয়াছে। যেমন বৈশাখ মাসের নাম “বিশাখা”  
নক্ষত্র হইতে। “বিশাখা”র অর্থ বিগত শাখা;  
বৈশাখের বাড়ে বৃক্ষসমূহ ভগ্নশাখ হয় বলিয়াই  
এই নাম।

পুরাণকার বটবৃক্ষের মূলে ষষ্ঠীদেবীর মূর্তি চিত্রিত  
করিয়া পূজা করিবার উপদেশ দিয়াছেন। \* কিন্তু  
এই পূজার জন্য এড় একটা কষ্টকঠিত মূর্তির আবশ্যক  
করে না। নটমূলস্থিতা ষষ্ঠীদেবীর প্রত্যক্ষ চিত্র আমরা  
নিত্যই দেখিতে পাই। শরতের কার্ত্তিকে যখন পুত্ৰ-  
পৌত্রাদি পরিবেষ্টিত হইয়া শস্ত্রশামল ক্ষেত্রের মধ্যস্থলে  
বটমূলে সুন্দরী কুলবধুকে আনন্দগদগদচিত্তে শস্ত্ৰ-  
সংগ্রহে ব্যস্ত দেখা যায়, তখনই ষষ্ঠী দেবীর চিত্র চিত্তে  
আপনা হইতেই প্রতিভাত না হইয়া যায় না।

এই কার্ত্তিক মাসে যেমন শস্যের প্রাচুর্যবশতঃ একদিকে  
জনসাধারণের আনন্দ, সেইরূপ অন্যদিকে নানারূপ  
অস্বাস্থ্যকর জরাদির প্রাচুর্ভাবের কারণে সকলের বিশেষ

\* দেবী ভাগবত নবম স্ফুর।

চিন্তার বিষয়। এই ধাত্র কর্তনের কালে খতুপরিবর্তন  
ও ক্ষেত্রজ দুষ্যিত বায়ুর কারণে সকালে বিশেষতঃ  
বালকেরা জ্বরাদি রোগে আক্রান্ত হইয়া মৃত্যুগ্রাসে  
পতিত হয়, তাই কার্তিক ও তাহার অনুচরবর্গ কুমারগ্রহ  
ও বালগ্রহ নামেও পরিচিত। কুমারগ্রহ কার্তিক ও  
তাহার সহচরী ঘণ্টীর অপ্রসন্নতার ভয়ে ভীত হইয়া হিন্দু  
শিক্ষার্থীদের জন্য ঈশ্বাদের পূজা করিয়া আসিতেছেন।

বেড়াল ঘণ্টীর বাহনকাপে কলিত হইয়াছে কেন?  
ঘণ্টীর ধ্যানে ঘণ্টীকে ‘গার্জার সংস্থিতা’ বলিয়া উক্ত  
হইয়াছে।

ঘণ্টীঃ বিস্তাধরেীষ্ঠিঃ শুরুচিৱসনাঃ কৃষ্ণার্জারসংস্থাঃ ।  
কর্ণান্তক্রান্তেত্রাঃ রুচিৱভুজযুগাঃ ক্রোড়বিন্যস্তপুত্রাঃ ।  
তাৰুণ্যাদ্বিমপীনস্তনঘটযুগলাঃ চিন্তয়েদিন্দ্বক্রাঃ ॥

(ঘণ্টী ধ্যানঃ)

বেড়াল ঘণ্টীর বাহন কেন না বেড়াল ঈছুর ধ্বংস-  
কারী। ঈছুর ধাত্রাদি শস্যের অনিষ্টকারী বলিয়াই  
ঈছুর ধ্বংসের জন্য এই আয়োজন। এতদ্বিম বালকের  
জ্বর বিনাশ করিবার ক্ষমতাও বিড়ালের আছে।—

বিড়ালের বিষ্টাৰ ধূপ শিক্ষুৰ জ্বৰ ও কুমাৰগ্ৰহ বিনাশে  
অশেষ কাৰ্য্যকৰ ।

আয়ুৰ্বেদ মতে—

“ণিড়াল বিড়ালোম মেষশৃঙ্গবচামধু ।  
ধূপশিশোজ্জ' রঞ্জে তয়মশেষগ্রহনাশনঃ ॥”

“বিড়ালের বিষ্টা, ঢাগলোম, মেষশৃঙ্গ, বচ ও মধু  
এই সকল দ্রব্যেৰ ধূপ বালকগণেৰ জ্বৰনাশক ও অশেষ  
গ্রহনাশক ।”

পুনৰ্ভূ—

‘পয়সা বৃশদংশস্য শক্তিদ্বা তদত্তঃ পিবেৎ’

বিষমজ্বৰে বিড়ালেৰ বিষ্টা ছান্কেৱ সতি ও পান কৰিবে ।

( চৱক জ্বৰ চিকিৎসা )

এক ইঁচুৰ ধৰ্মসকাৰী, দ্বিতীয় শিক্ষুৰ জ্বৰনাশক  
এই উভয় গুণসম্পন্ন বলিয়। বিড়াল ঘষ্টীদেবীৰ এত  
প্ৰিয়পাত্ৰ হইয়। উঠিয়াছে ।

যাইহোক ঘষ্টীৰ বাহন বেড়াল হওয়াতে মা ঘষ্টী  
শিক্ষুদিগেৰ বড়ট প্ৰিয়পাত্ৰ হইয়। উঠিয়াছেন, কাৰণ  
ঘষ্টীৰ বাহন পুঁঁষি বেড়ালকে শিক্ষুৱ। নড়ই ভালবাসে ।

## ବୁଦ୍ଧୀର ଦୋକାନ

ଆମର। ଦେଖାଇଲାମ ସେ ହିନ୍ଦୁର ଦେବତାର ବାହନକଳନା ନିରଥକ ନାହେ --- ଉତ୍ତାର ମଧ୍ୟେ କୋନ ନା କୋନ ଗୁଡ଼ ଉଦ୍‌ଦେଶ୍ୟ ପ୍ରଚଛନ୍ନ ଥାକେ । କିନ୍ତୁ ଏହାଲେ ପାଠକେର ଚିତ୍ରେ ଏକଟି ପ୍ରଣ୍ଣ ଉଥିତ ହଇତେ ପାରେ ଏହି ସେ କାର୍ତ୍ତିକ ପ୍ରଭୃତି ହିନ୍ଦୁର ଦେବତାରୀ କେବଳ କି ବାହ୍ୟପ୍ରକୃତିର ଝାପକ କଳନା କିମ୍ବା ଉତ୍ତାରୀ ଐତିହାସିକ ବ୍ୟକ୍ତିବିଶେଷ ଡିଲେନ । ଏକଟୁ ପ୍ରଜ୍ଞାଚକ୍ରସତ୍କାରେ ଦେଖିଲେଟେ ସକଳ କଥାର ମୀମାଂସା ହଇତେ ପାରେ । ହିନ୍ଦୁର ଦେବଗଣେର ସହିତ ବହିଃପ୍ରକୃତିର ଏକ ମହାମିଳନ ସମସ୍ତ ଚଲିଯାଇଛେ । ଇହାତେ ଦେବତାର ଐତିହାସିକ ଅନ୍ତିମ ଅନେକ ସମୟେ ତାରାଇୟା ଫେଲିଯା ବହିଃପ୍ରକୃତିତେ ବିଲୀନ ହିୟା ଯାଇତେ ହୁଏ । କୁନ୍ତ ସେ ଏକଜନ ଅଲୋକିକ ଦେବପୁରୁଷ ଭାବରେ ଜମ୍ବୁଗ୍ରହଣ କରିଯା ଡିଲେନ, ତାହାତେ ସନ୍ଦେହ ନାହିଁ । କିନ୍ତୁ ଏହି କୁନ୍ତର ସଙ୍ଗେ କାର୍ତ୍ତିକ ମାସେର ଏମନ ଏକଟି ଅଚ୍ଛେଷ ମିଳନ ସଂଘଟିତ ହିୟାଇଛେ ସେ, ଉପର ଉପର ଦେଖିଲେ କୁନ୍ତର ଐତିହାସିକତା ସମସ୍ତକେ ସନ୍ଦେହ ଉପର୍ଦ୍ଵିତୀୟ ହୁଏ । ତବେ ଗତୀରତାଯ ପ୍ରବେଶ ପୂର୍ବକ ଦେଖିଲେ ପ୍ରାକ୍ତିକ କାର୍ତ୍ତିକ ମାସ ଓ ପୁରୁଷପ୍ରବେଶ କାର୍ତ୍ତିକକେ ବିଶ୍ଲିଷ୍ଟ କରିବେ ପାରା ଯାଏ । ଆରେକଟି

উদাহরণ দিই। অগস্ত্য ঋষি প্রকৃতই এক মহাশক্তি-সম্পন্ন ঋষি ভারতে জন্মগ্রহণ করিয়াছিলেন। এখনও ভারতে অগস্ত্য গোত্র প্রচলিত আছে। কিন্তু ভারতীয় কবিগণ কর্তৃক অগস্ত্য মাস বা ভাজ মাসের সঙ্গে অগস্ত্য ঋষির এমন ভাবে সমন্ব জাল রচিত হইয়াছে যে, অগস্ত্য ঋষিকে উপর উপর দেখিলে রূপক কল্পন। ব্যতীত আর কিছুই নানে হয় না। যষ্ঠী সম্বন্ধেও সেই একট কথা। স্ফন্দ-পত্নীর অন্তর্ভুক্ত নাম যষ্ঠী।

এবং স্ফন্দস্যা মহিষীঃ দেবসেনাঃ বিহুর্জনাঃ।

যষ্ঠীঃ যাঃ ব্রাহ্মণাঃ প্রাহৃৎ লক্ষ্মীমাশাঃ সুখপ্রদাম্॥\*

স্ফন্দের মহিষীকে ব্রাহ্মণেরা যষ্ঠী, লক্ষ্মী, আশা, সুখপ্রদা ইত্যাদি নামে কৌর্তন করিয়াছেন। আবার প্রকৃতির ষষ্ঠাংশকে দেবীরূপে কল্পনা করিয়া উহার সহিত স্ফন্দপত্নীর এমন একটী রূপক সমন্ব স্থাপিত হইয়াছে যে সহজেই বিষম ধৰ্ম ধৰ্ম লাগিয়া যায়।

আমরা এ প্রবন্ধে ঐতিহাসিক আলোচনা বিশেষ-ভাবে করিব না। কারণ এ প্রবন্ধে বাহনগুলোর প্রতিট


---

\* মহাভারত।

## মুদৌর দোকান

আমাদের বিশেষ লক্ষ্য। কিন্তু বাহনের প্রসঙ্গে দেব-  
দেবীও না আসিয়া যাইতে পারেন না। যাই হউক  
এই দুঃসময়ে সমাগতা লক্ষ্মী ও ষষ্ঠিদেবী বাহনারূপে  
ইয়া গৃহে গৃহে বিরাজ করুন তাহা হইলে দুর্ভিক্ষ  
মারীভয় প্রভৃতি দূরীভূত হইবে এবং সুখ সমৃদ্ধি ও  
কল্যাণ বর্ণিত হইবে। \*

+ এই প্রবন্ধ ১৩০৭ সালে, আধিন সংখ্যার “পুণ্য” প্রকাশিত  
হয়।



## থাবারের নামতত্ত্ব । \*

জলপান ।

~~~~~

কি ধর্মে কি জ্ঞানে কি শিল্পে কি সাহিত্যে, সকল  
বিষয়েই আদান প্রদানের দ্বারা পরম্পরের প্রতি সহানু-  
ভূতি প্রদর্শনই মানব জাতির সাধারণ ধর্ম । ইহাতেই  
মানব জাতির কুটুম্বিতা রক্ষিত হয় । যেমন এক পরিবার  
অন্তর্গত পরিবারের সহিত কুটুম্বিতাসূত্রে বন্ধ, সেইরূপ  
ভিন্ন ভিন্ন মানব জাতিও এক কুটুম্বিতাসূত্রে আবন্ধ । এই  
আন্তর্গত থাকাতেই সহস্র যুদ্ধ বিরোধ সত্ত্বেও সভ্য  
জাতিরা পরম্পরের সত্ত্বিত শিল্প ও বিদ্যা প্রচুরিংর আদান  
প্রদান করিতে কুণ্ঠিত নহে । কোনও সুস্বাচ্ছ খাদ্য-  
সামগ্ৰী হস্তগত হইলে আন্তর্গতের সহিত বণ্টন না

\* এই প্রবন্ধ ১৩০৩ সালে ভাদ্রের 'ৰাত্রিঃত্যে' একাণশিঃ হয় ।

## মুদীর দোকান

করিয়া খাইলে যেমন তৃপ্তি হয় না, সেইরূপ কোন সত্য জাতিই তাহার জ্ঞানলক্ষ ধন, তাহার শিল্প, তাহার উপভোগ্য বস্তুসমূহে অন্তর্গত জাতিদিগকে অংশীদার না করিয়া একাকী উন্নত হইতে ইচ্ছা করে না। এই কারণেই আমরা দেখিতে পাই, জাতিবিশেষের ভাষা হইতে শব্দসমূহ গ্রহণ করিয়া অন্তর্গত জাতির ভাষা পরিপূর্ণ, জাতিবিশেষের শিল্প ও সাহিত্যের দ্বারা অন্যান্য জাতিরা উন্নত, এবং জাতিবিশেষের আবিষ্কৃত সত্যের দ্বারা অন্যান্য জাতি আলোকিত হয়।

আহার বিষয়েও দেখা যায়, মানব জাতির মধ্যে আদান প্ৰদানের ভাব বৰ্তমান। খাচ্ছাচ্ছা লইয়া যদিও অনেক সময়ে জাতিতে জাতিতে কলহ বিবাদ ঘটিতে দেখা যায়, তথাপি ইহাও দেখা যায় যে, খাচ্ছা সম্বন্ধে শক্র মিত্র সংকল জাতির মধ্যে একটা অনুঃসলিল বিনিময়ের স্রোত বহুমান। খাচ্ছাচ্ছা লইয়া যদিও হিন্দু মুসলমানে বিরোধ আছে, তথাপি হিন্দু ও মুসলমান উভয়েই খাচ্ছা সম্বন্ধে পৰস্পরের অনুকৰণ করিতেও ছাড়ে নাই। আজকাল আমাদিগের ভাত প্ৰভৃতি

দেশীয় খাত্তাদি যুরোপীয়দিগের মধ্যে যেকোন প্রচলিত হইতেছে, সেইরূপ আবার কাটলেট চপ প্রভৃতি যুরোপ-প্রচলিত খাত্তগুলিও আমাদের মধ্যে “ঘরোয়া” হইতে আরম্ভ হইয়াছে।

কেবল বর্তমান যুগে নয়, বহু প্রাচীন কাল হইতে মানবজাতির মধ্যে এইরূপ খাত্তের বিনিময় চলিয়াছে। কিন্তু খাত্ত বিষয়ক এমন কোন ইতিহাস নাই যে, আমরাই জিকে জানিতে পারি, কোন খাত্তটির জন্য কোন জাতি গোরব করিতে পারে। এক একটি খাত্তসামগ্ৰী কত প্রাচীন কালের স্মৃতিচিহ্ন বহন করিতেছে; কত যুগ-যুগান্তের পূর্বে হয় ত এক একটী খাত্তসামগ্ৰী প্রস্তুত করিবার জন্য কত যত্ন কত পরিশ্ৰম গিয়াছে। আমরা যে সকল খাত্তসামগ্ৰী নিত্য আহার করি, তাহাদিগের মধ্যে অনেকগুলির নাম কোনও প্রাচীন ভাষারূপ গিরিশিখর হইতে প্রবাহিত হইয়া, যুগযুগান্তের পরে বঙ্গভাষার শ্বায় কোনও উপভাষায় আসিয়া পড়িয়াছে। এমন অনেক খাত্তজ্ঞব্যের নাম পাওয়া যায়, যাহা একটি প্রাচীন ভাষা হইতে উৎপন্ন হইয়া এক্ষণে শত শত

## মুদীর দোকান

---

দেশের ভাষায় স্থান পাইয়াছে। অনেক খাবারের নামের ভিতরে অনেক ঐতিহাসিক তথ্য প্রচল্ল আছে দেখা যায়। কি ফল মূল, ডালনা কালিয়া প্রভৃতি রাঁধা সামগ্রী, কি মিষ্টান্ন কি রাঁধিবার পাত্রাদি উপকরণ, কিছুরই নাম একটা নির্থক শব্দ নহে; প্রত্যেকের নামের মূলে কোন না কোন অর্থ প্রচল্ল আছে। আমরা এই প্রচল্ল অর্থের আলোচনায় প্রবৃত্ত হইতেছি। সর্বাঙ্গে জলপানের নামগুলি আলোচনার্থ গৃহীত হইল।

প্রথমে দেখা যাক, মিষ্টান্ন প্রভৃতি খাবারের নাম “জলপান” হইল কেন। জল এবং পান, এই দুটি শব্দকে পৃথক করিয়া অর্থ করিতে গেলে, জল পান করা অর্থাৎ জল খাওয়া বুরায়; কিন্তু এক্ষণে ইহারা এক ঘোগে যুক্ত: হইয়া ভিন্ন অর্থ ব্যক্ত করিতেছে; জলপান এই ঘোগরূপ শব্দের সহিত পানীয়ের এক্ষণে বড় একটা সম্বন্ধ নাই; বিনা জলে এক ব্যক্তি মিষ্টান্ন প্রভৃতির দ্বারা বেশ জলপান করিতে পারে। পানীয় জল না থাইলে যে কাহারও জলপান করা অথবা জলপান খাওয়া হইল না তাহা নয়।

কিন্তু জলই যে জলপান শব্দের মূলে, ইহা নিশ্চিত। গ্রীষ্মপ্রধান দেশে পানীয় দ্রব্যই সর্বপ্রকার সৎকার বিষয়ে মুখ্য বলিয়া সচরাচর গণ্য হয়; কিন্তু কোন ব্যক্তিকে কেবল পানীয়ের দ্বারা সৎকার করিলে সৎকারের কেমন একটু অভাব থাকিয়া যায়; তাই সমাজে পানীয় জল দিবার সঙ্গে একটু কিছু খাবার দিবার রীতও প্রচলিত হইয়াছে। প্রথমে জলই প্রধান ছিল, খাবারটা পানীয়েরই আনুষঙ্গিক মাত্র ছিল; কিন্তু ক্রমশঃ খাদ্যই পানীয়ের উপর জয়লাভ করিয়াছে—এক্ষণে খাবারের নামই ‘জলপান’ দাঢ়াইয়াছে।

ভাতই আমাদিগের বাঙ্গলা দেশে প্রধান খাদ্য বলিয়া পরিগণিত; মিষ্টান্ন প্রভৃতির দ্বারা যে সামান্য আহার সম্পন্ন হয়, তাহাই ‘জলপান’ বা ‘জলখাবার’ নামে প্রসিদ্ধ। আজকাল “চা-পানে”র সময়ে ‘চা’র সঙ্গে বিস্কুট প্রভৃতি নানাবিধি আহার্য দ্রব্যও থাকে। কিছু কাল পরে হয় ত বা জলপানের স্থায় বিস্কুট প্রভৃতি আহারের নামই চা-পান হইয়া দাঢ়াইবে; চা-পানে হয় ত বা ‘চা’ থাকিবে না।

## মুদীর দোকান

‘জলপান’ও যাহার নাম, বস্তুতঃ ‘জলখাবার’ও তাহারই নাম ; উভয় শব্দই প্রায় একই অর্থবাচক। জলপান শব্দের আয় ‘জলযোগ’ শব্দও একই কারণে উৎপন্ন।

‘জলপানের’ খাবারের নামগুলি এক সময়ে এক জনের প্রদত্ত নহে ; কতকগুলি নাম অতি প্রাচীন কাল, এমন কি বৈদিক কাল হইতে চলিয়া আসিতেছে ; কতকগুলি বা অপেক্ষাকৃত আধুনিক কালের। আবার কোন একটীমাত্র বিশেষ কারণই যে, সকল খাবারের নামগুলির উৎপত্তিকারণ, তাহা নহে। কতকগুলি নাম উপকরণ এবং প্রস্তুতপ্রণালী হইতে উৎপন্ন ; কতকগুলি নাম আকার ও গঠন হইতে উৎপন্ন ; কতকগুলি নাম দেব দেবী ও খ্যাতনামা ব্যক্তির নামানুসারে হইয়াছে ; কতকগুলি নাম আস্তাদ বা গুণ হইতে উৎপন্ন হইয়াছে, ইত্যাদি। উদাহরণ দ্বারা আমার কথা ক্রমে সূচ্পষ্ঠ করা যাইতেছে।

‘পান্তয়া’ নাম হইল কেন ? পানতয়া নাম শুনিলেই সহসা মনে হয়, বুঝি জলপানের মিষ্টান্ন বলিয়া ‘পান’ এবং জলার্থ ‘তোয়’ শব্দ হইতেই ‘পানতোয়া’ নাম আসিয়া।

থাকিবে। কিন্তু তাহা নহে। পানতয়ার যে রস, তাহাকে হিন্দীতে “পানিচাসনি” বা “পানিরস” বলে। ‘পানি রস’ অর্থে যে রস ভাল করিয়া জ্বাল হয় নাই, যাহা অনেকটা জলীয় আছে। এই “পানিরসে” ‘পানতয়া’র কোয়াগুলি ফেলা থাকে বলিয়াই ‘পানতয়া’ নাম হইয়াছে। জলে ভাত ভিজান থাকিলে তাহাকে যেমন ‘পান্তা’ বা ‘পান্ত’ ভাত বলা যায়, পানিরস হইতে সেই কারণে পানতয়া নামও হইয়াছে। পান্তা, পান্ত, পানতয়া ইহারা প্রায় একই কথা। পশ্চিম-ভারতবাসীরা ‘ওয়া’ বা ‘উয়া’ অন্ত করিয়া কথা ব্যবহার করিতে বড় ভালবাসে ;—যেমন ময়ুরকে “মোরোয়া” বলিবে, ক্ষেতকে “ক্ষেতোয়া” বলিবে, বঁধুকে “বঁধুয়া” বলিবে ইত্যাদি ; ‘পান্তয়া’ও এই কারণে ‘ওয়া’ অন্ত শব্দ হইয়া থাকিবে। অথবা ‘পানতয়া’ শব্দ ‘পানি-টোপ’ হইতেও আসিতে পারে—‘পানিরসে’ টোপ টোপ ফেলা হয় বলিয়া “পানি-টোপ” শব্দ ক্রমে ‘পানতয়া’র পরিণত হইয়া থাকিবে। যেমন ‘কৃপ’ শব্দ ‘কুয়া’র পরিণত, তেমনি ‘পানিটোপ’ এরও ‘টোপ’ শব্দ ‘টোয়া’র

পরিণত হওয়া সন্তুষ্টি। ‘পানিটোপ’ হইতে ‘পানিটোয়া’  
ও ক্রমে ‘পানতোয়া’র উৎপত্তি হইয়া থাকিবে।  
যাই হোক ‘পানিচাসনি’ বা ‘পানিরস’ যে ইহার মূলে  
সে বিষয় কোন সন্দেহ নাই। ইহা যে হিন্দী হইতে  
বঙ্গভাষায় প্রবেশলাভ বরিয়াছে, ‘পানিচাসনি’র পানি  
শব্দটি তাহার প্রমাণ।

সংস্কৃত বৈদ্যক গ্রন্থ ভাবপ্রকাশে “ছন্দকুপিকা” নামে  
যে একটি মিষ্টান্নের উল্লেখ দেখা যায়, তাহা ‘পানতোয়া’  
তিনি আর কিছু নহে। পানতোয়ার এবং ছন্দকুপিকার  
প্রস্তুত-প্রণালীর মধ্যে খুব সামান্য ইতরবিশেষই লক্ষিত  
হয়। ‘ভাবপ্রকাশে’ ছন্দকুপিকা প্রস্তুত করিবার কাল  
ছানার সহিত তঙ্গুলচূর্ণ বা সফেদা মিশ্রিত করিতে বলা  
হইয়াছে; কিন্তু ছানার সহিত সফেদা দিলে মুচমুচে  
শক্ত হয় বলিয়াই আজকাল সফেদার পরিবর্তে ‘পান-  
তয়া’তে ময়দাই সচরাচর ব্যবহৃত হয়। ছন্দকুপিকা-  
গুলিকে ভাবপ্রকাশ ক্ষীরের পূর দিয়া “পূর্ণগর্ভা” করিতে  
বলিয়াছেন; এক্ষণে কিন্তু পানতোয়ার ভিতরে ক্ষীরের  
পূরের পরিবর্তে ছই একটি এলাচদানা দিয়াই অনেক

সময়ে কাজ সারিয়া ফেলা হয়। দুঃসংজ্ঞাত ছানা ও  
ক্ষীরের পূর্বই ‘দুঃকুপিকা’ নামের কারণ; ‘কুপিকা’  
অর্থে কোয়া; এমন কি, ‘কোয়া’ শব্দই ‘কুপিকা’ শব্দের  
অপত্রংশ। \*

‘জিলিপি’ বা ‘জিলিবি’ নামের উৎপত্তি রসের  
পাক হইতে। যেমন ‘পানতোয়া’ নামের কারণ ‘পানি-  
চাসনি’ পূর্বে বলিয়া আসিয়াছি, সেইরূপ রসের গাঢ়-  
তা ইত্যাচারতম্যেই ‘জিলিবি’ নামেরও উৎপত্তি হইয়াছে।  
‘জিলিবি’ “জ্বালাও” শব্দ হইতে উৎপন্ন। ‘পানিচাসনি’  
অপেক্ষাকৃত বেশী পরিমাণে ‘জ্বাল’ পাইলে, তবে তাহাকে  
“জ্বালাও চাসনি” বা “জ্বালাও রস” বলে। জিলিবির  
রস পানতোয়ার রস অপেক্ষা “কড়া” বলিয়াই আঙুলে  
লাগাইলে সূতার আয় উঠিতে থাকে; পানতোয়ার  
পানিরসে কিন্তু তাহা হয় না। ‘জ্বালাও’ শব্দ হইতে  
হিন্দীতে ‘জ্বালাবি’ এবং ক্রমশঃ বাঙালায় ‘জিলিবি’ ও  
‘জিলিপি’ দাঢ়াইয়াছে। ‘জ্বালাও’ শব্দের মূলানুসন্ধানের

---

\* ইংরাজীতে চায়ের পেগোল কে যে Cup বলে তাহাও যে  
সংস্কৃত ‘কুপ’ শব্দ সংজ্ঞাত তাহাতে সন্দেহ নাই।


## মুদীর মোকান

জন্ত আৱ অধিক প্ৰয়াস পাইতে হয় না ; ইহা সহজেই  
খৰা যায় যে সংস্কৃত জল ধাতুই “জাল”, “জালাও”  
প্ৰভৃতি শব্দেৰ মূল। অনেকে ‘জিলিবি’ৰ সংস্কৃত  
‘জলবল্মী’ কৱিয়া লইয়াছেন। কিন্তু উহার প্ৰকৃত মূল  
‘জলবল্মী’ নহে।

সংস্কৃত ভাষায় জিলিবিকে ‘কুণ্ডলিনী’ বলে।

“এষা কুণ্ডলিনী নাম্না পুষ্টিকাণ্ডিবলপ্ৰদ।” ‘কুণ্ডলিনী’  
নাম আকৃতিবাচক। কুণ্ডলিনী বলে এই জন্ত যে, ইহা  
কুণ্ডলাকৃতি কৱিয়া প্ৰস্তুত কৱা হয়। আমাদেৱ বঙ্গ-  
ভাষাতেও “জিলিপিৰ পাক” বা “জিলিবিৰ পাক”  
বলিয়া কথা প্ৰসিদ্ধ আছে।

“হালোয়া” বা “হালুয়া” এখনও বাঙালীৰ খাত্ত-  
সামগ্ৰীৰ মধ্যে বিশিষ্ট স্থান পায় নাই। বাঙালীৰ  
হালোয়াৰ মধ্যে একমাত্ৰ মোহনভোগই প্ৰচলিত।  
পশ্চিমে কিন্তু এই “হালোয়া” নামে নানাৰ্বিধ উত্তম  
খাত্তসামগ্ৰী সকল প্ৰস্তুত হয়। হালোয়ামাৰ্ত্তৈ খুব  
পুষ্টিকৰ, ও গুৰুপাক; পশ্চিমবাসীদিগেৱই উপযুক্ত  
খাত্ত। পশ্চিমে যে ‘হালোয়া’ একটি প্ৰধান মিষ্টান্ন



জিলাবি



বলিয়া গণ্য হয়, তাহার প্রমাণ মিষ্টান্ন প্রস্তুতকারীদিগকে  
পশ্চিমে “হালোয়াই” বলে। শুনা যায়, গুরুনানক  
এবং তম্ভতাবলস্বী শিখেরা হালোয়ার অনেক উন্নতি-  
সাধন করিয়া গিয়াছেন। শিখেরা হালোয়াকে অতি  
পবিত্রজ্ঞানে দেবপ্রসাদ বলিয়া থাইয়া থাকে। এই  
জন্মই উহারা হালোয়াকে ‘কঢ়াপ্রসাদ’ নামে অভিহিত  
করে। কঢ়াপ্রসাদ এর অর্থ, যে সামগ্ৰী দেব-উদ্দেশে  
কটাছে পাক হয় এবং অবশেষে প্রসাদ রূপে বিতরিত  
হয়। “হালোয়া” নিরামিষাশী সত্ত্ব গুণাবলস্বী আঙ্গণো-  
পযোগী খাত্ত—তাই হিন্দি ভাষায় এক প্রবাদ আছে—

“হালুয়া মণ্ডা থায়।

ক্ষত্রী বিগড় যায় ॥”

সচরাচর রংজোগুণাবলস্বী ক্ষত্রিয়েরা মাংসাশী হইয়া  
থাকে; তাই বলা হইয়াছে হালুয়া ক্ষত্রিয়োপযোগী খাত্ত  
নয়, ক্ষত্রিয়েরা ইহা থাইলে বিগড়িয়া যায়।

‘হালোয়া’ নাম হইয়াছে ‘হালোয়া’ প্রস্তুত করিবার  
প্রণালী হইতে। হালোয়া প্রস্তুত করিবার কালে হাতা  
হেলাইয়া হেলাইয়া অবিরত নাড়াই হইতেছে প্রধান  
কার্য্য; ঘণ্টাখানেক ধরিয়া অবিরাম নাড়িতে হয়; এই  
হাতার দ্বারা নাড়াকে হিন্দৌতে “হিলানা” বা “হেলানা”

## মুদীর দোকান

বলে। হিলানা বা হেলানা শব্দ হইতেই “হিলোয়া” “হেলোয়া” এবং ক্রমশঃ ‘হালোয়া’ দাঢ়াইয়াছে। ‘হিলানা’ এবং ‘হালোয়া’ প্রভৃতি শব্দের মূলে সংস্কৃত ‘হিল’ ধাতু বিরাজ করিতেছে। ‘হিলোল’ ‘হেলন’ প্রভৃতি সংস্কৃত শব্দগুলি তুলনা কর।

‘বরফির’ উৎপত্তি হইয়াছে ‘বরফ’ শব্দ হইতে; ‘বরফ’ শব্দ পারস্পর ভাষা হইতে হিন্দি ভাষায় প্রবেশলাভ করিয়াছে। ‘বরফি’ প্রস্তুত করিবার কালে রস জগিয়া শক্ত বরফের গ্রায় হইয়া যায় বলিয়া ‘বরফি’ বলে।

এক্ষণে দেখা যাইক, ‘বরফ’ শব্দের মূল কি হইতে পারে। সংস্কৃত ‘বৃষ’ ধাতু হইতে ‘বরফ’ শব্দ আসা সম্ভব; তৃষ্ণার বর্ধিত হয় বলিয়াই তৃষ্ণারকে বরফ বলা সম্ভব; ‘বরফ’ শব্দের ‘ষ’ থুব সম্ভব ‘ফ’তে পরিণত হইয়াছে। অনেক স্থলে দেখা যায়, সংস্কৃত শব্দের শ, ষ ও স, পারস্পর প্রভৃতি ভাষায় ফতে পরিণত হয়; যথা সংস্কৃত ‘গ্রাস’ শব্দ ইংরাজীতে Grasp, পারস্পর ভাষায় গ্রেফ্ট এবং জর্মণ ভাষায় গ্রিফ্ (Griff) হইয়াছে।

কিন্তু ‘বরফ’ শব্দের মূল ‘বৃষ’ ধাতুর সহিত যুক্ত-

থাকিলেও ক্রমে উহা অনেকটা সংহতিবাচক শব্দ হইয়া দাঢ়াইয়াছে। শৈত্য প্রযুক্ত সংহত হওয়া অর্থাৎ জমাট বাঁধাই তুষারের স্বাভাবিক ধর্ম। তুষারের এই সজ্ঞাত ধর্মই বরফ শব্দের সংহতিবাচক হওয়ার কারণ। এক্ষণে দেখা যায়, জমাট-বাঁধা সংহত দ্রব্য মাত্রেরই যেন ‘বরফ’ নামে অনেকটা অধিকার দাঢ়াইয়াছে। এই জন্ম লোকে কুলির বরফ, নালাই বরফ ইত্যাদি বলিয়া থাকে, এবং এই কারণেই এক শ্রেণীর মিষ্টান্নবিশেষের নামও ‘বরফি’ হইয়াছে।

‘বরফ’ শব্দ পারসি শব্দ হইলেও, দূর যুরোপীয় ভাষাসমূহে উহার অনুরূপ শব্দ দুর্লভ তহে। ইংরাজী ব্রীফ ( Brief ), ফরাসী ব্রেফ ( Bref ), লাটিন ব্রেভিস ( Brevis ) ইত্যাদি শব্দগুলি বরফ শব্দের সহিত সম্পূর্ণ একজাতীয় বলিয়া মনে হয়। ব্রীফ প্রভৃতি যুরোপীয় শব্দগুলির অর্থ, সংহত বা সংক্ষিপ্ত ; এবং আমরা পূর্বেই বলিয়া আসিয়াছি, ‘বরফ’ শব্দও সংহতিবাচক। শব্দ এবং অর্থ দুই হিসাবেই ‘বরফ’ এবং ‘ব্রীফ’ প্রভৃতি

## বুন্দীর দোকান

শব্দগুলিতে এতটা সৌসাদৃশ্য বিদ্রমান যে, উহাদিগকে  
মূলে একজাতীয় বলিয়া স্পষ্টই চিনিতে পারা যায়।

অধিকাংশ জলপানের খাবারের নামের অনুরূপ  
'বোদে' নামটীও আসলে হিন্দী নাম। প্রকৃত হিন্দী শব্দ  
'বুন্দি'; 'বুন্দি' আসিয়াছে সংস্কৃত 'বিন্দু' শব্দ হইতে।  
খাতসামগ্ৰীর আকার বারিবিন্দুর আয় বিন্দু বিন্দু  
বলিয়া ইহাকে 'বুন্দি' বলে 'বুন্দির' অর্থই বারিবিন্দু।

'মতিচূর' বলে এই জন্ত যে ইহার বোদেগুলি ক্ষুদ্র  
ক্ষুদ্র মুক্তাৰ আয় দেখিতে; 'মোতি' হিন্দী শব্দের অর্থ  
মুক্তা এবং চূর অর্থে চূর্ণ, অর্থাৎ গুঁড়া বা গুঁড়াৰ ন্যায়  
কোন কিছু। মতিচূর লাড়ুকে বাঙ্গলায় 'মেঠাই' বলা  
যায়। 'মেঠাই' শব্দ 'মিষ্ট' শব্দপ্রসূত।

মালপোয়ায় 'পুপ' বিশেষ। সংস্কৃত 'পুপ' শব্দ  
বাঙ্গলায় 'পূয়া' হইয়া দাঁড়াইয়াছে।

মধুমস্তকসংযাবাঃ পূপা হেতে বিশেষতঃ ।

গুরবো বৃংণাশ্চেব মোদকাস্ত্র সুচুর্জরাঃ ॥

( স্বৰ্ণত সুত্রস্থান ৪৬ অধ্যায় )

'মধুমস্তক, সংযাব পূপ ও মোদক এই সকল খাত  
গুরুপাক ও বৃংণ।'

পেঁড়া ‘পিণ্ড’ শব্দের অপত্রংশ। চরকে পিণ্ডাকৃতি মিষ্টান্নের নাম ‘পিণ্ডিকা’র উল্লেখ দেখা যায়। \*

‘চন্দ্রপুলি’ বলে, ইহা দেখিতে অঙ্গচন্দ্রের ঘায় বলিয়া। সংস্কৃত ‘পূপুলিকা’ ‘পুলিকা’ মিষ্টান্ন বিশেষের নাম। ‘পুলি’ ‘পুলিকা’রই সংক্ষেপ। †

‘পেরাকি’ বা ‘পেড়াকি’ নাম হইয়াছে, ‘পেটক’ শব্দের অপত্রংশ হইয়া। সংস্কৃত পেটক শব্দের অর্থ পেঁটরা; পেঁটরার মধ্যে ঘেরপ নানাবিধ দ্রব্যাদি পুরিয়া রাখা যায়, পেরাকির মধ্যেও সেইরূপ নারিকেলের ঝাঁই প্রভৃতি নানাবিধ পূর পুরিয়া দেওয়া হয় বলিয়াই, ইহাকে ‘পেরাকি’ অর্থাৎ ‘পেটক’ বলে। পেরাকির গড়নও অনেকটা পেঁটরার মত।

‘খাজা’ নামের মূল সংস্কৃত ‘খর্জ’ শব্দ। দেখিতে খাজ খাজ এবড়ো খেবড়ো বলিয়া ‘খাজা’ নাম।

উপরোক্ত খাত্সামগ্রীগুলি হয় প্রস্তুত প্রণালী বা উপকরণ হইতে অথবা আকৃতি বা গঠন হইতে নাম

\* চরক স্মৃতিশান ২৭ অধ্যায়।

+ পুণাঃ পূপলিকাদ্যশ্চ গুৱঃ পৈষ্টিকাঃ পরঃ। ( চরক )

## মুদীর দোকান

প্রাপ্ত হইয়াছে। বাংলার অন্যতম প্রধান মিষ্টান্ন ‘রস-গোল্লা’র নাম আকৃতিবাচক—গোলাকৃতি বলিয়া গোল্লা নাম। এতদ্বিন্দি ‘সৌতাভোগ’ ‘রাঘবসাহি’ প্রভৃতি বাংলা মিষ্টান্নের নামগুলি দেবদেবীর নামে প্রসিদ্ধ।

যে মিষ্টান্নটী কোন ইংরাজ শাসকের নাম বাঙলার লোকের মুখে মুখে চির-প্রচলিত করিয়াছে—তাহা “লেডিক্যানি”, “লেডিক্যানি” যে কিরণ মিষ্টান্ন কোন বাঙালীকে তাহার পরিচয় দিতে হইবে না। ভারতের বড়লাটপত্নী Lady Canning এর স্বৰ্মধুর স্মৃতি বাঙালীর প্রাণে চিরজগনক রাখিবার জন্য এই মিষ্টান্ন তাহার নামে উৎসর্গ করা হইয়া থাকিবে। ইহা বাঙলার গৌরবের কথা যে জনেক বাঙালী মোদককার (ময়রা) হইার উন্নাবয়িত।

বাঙলার মিষ্টান্নের সঙ্গে সঙ্গে কতকগুলি লবণাক্ত সামগ্রীও ‘জলপানের’ ভিতরে প্রবেশ লাভ করিয়াছে। যেমন ‘নিমকি’ ‘কচুরী’ ‘শিঙাড়া’ ইত্যাদি। “নিমকি” নামের উৎপত্তি সহজেই ধরা পড়ে; হিন্দী লবণার্থ বাচক ‘নিমক’ শব্দ হইতে ‘নিম্কি’ নামের উৎপত্তি।

“কচুরী” প্রকৃত ‘পুরী’ শ্রেণীর অন্তর্ভুত; ‘কচুরী’ খাইবাৰ কালে মুখেৰ মধ্যে ‘কচুর’ ‘কচুৱা’ শব্দ হয়—তাহাৰ অনুকৰণে ‘কচুরী’ নাম।

শিঙাড়া শব্দ সংস্কৃত ‘শৃঙ্গাটক’ শব্দেৰ অপভ্রংশ। সংস্কৃত শৃঙ্গাটক শব্দেৰ অর্থ পানিফল। পানিফলেৰ তিনদিকে শৃঙ্গেৰ ঘায় কাঁটা আছে বলিয়াই শৃঙ্গাটক নাম। হিন্দোতে পানিফলকে ‘শিঙাড়া’ বলে; শিঙাড়া এই পানিফলেৰ আকারে কৱা হয় বলিয়াই, ইহারও নাম পানিফলেৰ নামে রাখা হইয়াছে। সংস্কৃতও এই জলপানেৰ সামগ্ৰীকে ‘শৃঙ্গাটক’ বলে।

“মাংসশৃঙ্গাটকং রুচ্যং বৃংহণং বলকুন্দগুরু ।”

অর্থাৎ “মাংসেৰ শিঙাড়া রুচিকৰ, পোষ্টাই, বলকাৰী ও গুৰুপাক”।

## সন্দেশ । \*

— ० : \* : ० —

বঙ্গদেশে ‘জলপানে’র মিষ্টান্নের কোন অভাব নাই ;  
কিন্তু তন্মধ্যে উপরোক্ত ‘জিলিবি’ প্রত্তি কতকগুলি  
সামগ্ৰী বাঙালীর নিজস্ব বলিয়া বলা যায় না । কিন্তু  
একথা স্বীকার কৱিতে হইবে যে, মিষ্টান্ন প্রস্তুতকরণে  
বঙ্গমাতা বড় অল্প কৃতিত্বের পরিচয় দেন নাই । এক-  
দিকে যেমন পশ্চিমভাৱত অন্তিমিকে তেমনি বঙ্গদেশ  
ভাৱতেৱ এই দুই বিভাগই ভাবতীয় মিষ্টান্নের বিচিত্ৰতা  
ও উৎকৰ্ষ সাধনে যথেষ্ট সহায়তা কৱিয়াছে ।

পশ্চিমবাসী হিন্দুস্থানীৱা আহাৱে বলবীৰ্য্য ‘তাগদ’  
যাহাতে হয়, সেজন্ত কত যত্ন কৱে ; কিন্তু বাঙালীৱা

---

\* ১৩০৪ সাল ‘ভাৰত ও আঞ্চলিক নামেৱ’ পুণ্য মাসিক পত্ৰে এই  
প্ৰবন্ধ প্ৰকাশিত হয় ।

রসোপভোগ চায়, অতটা বলবীর্যের প্রতি লক্ষ্য রাখেনা। বাঙ্গলার মত এত রসালো মিষ্টান্ন আর কোথাও আছে বলিয়া মনে হয় না। ঘৃত, দুষ্প্রাপ্ত, হালুয়া ও ক্ষীর-জাত মিষ্টান্ন প্রভৃতি বীর্যকর ও পুষ্টিকর দ্রব্য হিন্দু-স্থানীয় সচরাচর থাইয়া থাকে, কিন্তু বাঙ্গালীরা ঘৃত দুষ্প্রাপ্ত ক্ষীর অপেক্ষা বিকৃত দুষ্প্রাপ্ত ছানা ভালবাসে এবং ছানাকে রসমণ্ডিত করিয়া নানাবিধি সুস্বাদু মিষ্টান্নে পরিণত করে; সেই কারণে ছানা প্রস্তুত ‘সন্দেশ’ই বাঙ্গালীর মিষ্টান্নে সর্বপ্রধান আসন পাইয়াছে।

ব্যঙ্গনাদি রন্ধনকালেও হিন্দুস্থানীদিগকে হিংজীরা প্রভৃতি হজমী ও উপকারী মসলা অধিক পরিমাণে ব্যবহার করিতে দেখা যায়। বাঙ্গালীরা ভোজনকালে ক্ষীর মৎস্য প্রভৃতি শাস্ত্রনিষিদ্ধ ও অপকারী বিকৃন্ত দ্রব্য একত্র ভোজন করিতেও কুষ্ঠিত হয় না। পশ্চিমবাসীরা এ সকলের বিশেষ বিরোধী। আপাততঃ ক্ষীর, মৎস্য প্রভৃতি বিকৃন্ত দ্রব্য একত্র আহারে হয়ত বা কিছু নাও হইতে পারে, কিন্তু ইহার কুফল অনেক সময়ে কলেরা, টাইফয়েড, দুরারোগ্য অন্ন প্রভৃতি রোগে পর্যবসিত

## মুদ্দীর দোকান

হয়। \* আহার বিষয়ে অসর্কর্তাই যে বাঙালীর অনেক রোগের অন্তর্ম কারণ সে বিষয়ে সন্দেহ নাই। পূর্বদেশবাসীর রোগের কথা পশ্চিমে একটা প্রবচনের মধ্যে দাঢ়াইয়াছে। ‘পূর্বী রোগী’ প্রবাদটী পশ্চিমী সাধু সন্ন্যাসীদিগের মধ্যে বক্তৃমূল।

পশ্চিম-ভারতের মিষ্টান্ন যেমন ক্ষীর-প্রধান, বঙ্গ-দেশের মিষ্টান্ন তেমনি ছানা-প্রধান। যে ছানা হিন্দুস্থান-বাসীরা মুর্দা অর্থাৎ মৃত পদার্থ বলিয়া গণ্য করে; দশ সেব ও বিশ সেব দুঃখও যদি ছানা হইয়া যায় তবু ফেলিয়া দিতে কুণ্ঠিত হয় না, সেই ছানা বাঙালীর খাবারের প্রতিপদে প্রাধান্ত লাভ করিয়াছে। হিন্দুস্থানীদের মতে, যেমন মৃত জীব পরিত্যজ্য সেইরূপ মৃত দুঃখ ছানাও বিশেষ অপকারী বলিয়া পরিত্যজ্য। কিন্তু

\* এইরূপ বিরুদ্ধ ভোজন করিল রক্ত দূষিত হয় “বিরুদ্ধ বৌদ্ধ্যস্থান্নিত প্রদূষণায়”। মৎস্য মাংস প্রভৃতি দুঃখের সহিত একত্র ভোজন যে নান্ত রোগের আকর তাহা আয়ুর্বেদে বিশেষরূপে উক্ত হইয়াছে। অধুনা পাঞ্চাত্য চিকিৎসকেরাও এইরূপ দুঃখ ও মাংস প্রভৃতির একত্র ভোজনের অপকারিতা স্বীকার করেন।

এই ছানা বাঙালীর কালিয়ায়, পোলাওয়ে, অঙ্গলেঁ এবং  
মিষ্টান্ন প্রভৃতি অধিকাংশ আহার্য দ্রব্যে প্রচুর পরি-  
মাণে ব্যবহৃত হয়, এমন কি ষে মিষ্টান্নটার নাম ‘ক্ষীর-  
মোহন’ তাহা ছানারই প্রস্তুত, ক্ষীরের সহিত সম্পর্ক  
অত্যন্ত। পশ্চিমে ছানার আদর নাই, তাহার কারণ  
থুব সন্তুষ্টবতঃ ছন্দের প্রতি অতিমাত্রায় শ্রদ্ধা এবং ছানার  
ধারক গুণ ; আয়ুর্বেদে ইহার গুণ লিখিত আছে,—

‘বাতঘৰী গ্রাহিণী রুক্ষা হৃজ্জরা দধিকুচিকা।’

ছানা বাত নাশক, সহজে জীর্ণ হয় না, রুক্ষ এবং  
ধারক। গ্রাহী অর্থাৎ কোষ্ঠবদ্ধকারক বলিয়াই পশ্চি-  
মের টান দেশে ছানা এত ঘৃণিত হইয়া থাকিবে।  
ছানার যে কোন উপকারিতা নাই তাহা নহে। বঙ্গের  
জল হওয়া ততটা টান বা কষা নহে যে ছানার গ্রাহিণী  
শক্তি বিশেষ অপকার করিবে। যে কোন কারণেই  
হউক না কেন বাঙালা মিষ্টান্নে ছানা প্রধান উপকরণ  
হইয়া পড়িয়াছে, এই কারণে ছানা ও ছানাসর্বস্ব  
সন্দেশের বিষয়ে এ প্রবন্ধে আলোচনা করিব।

‘ছানা’ নামটা কোথা হইতে আমরা পাইলাম দেখা

## ମୁଦ୍ରିତ ଦୋକାନ

ଯାଉକ । ‘ଛାନା’ ନାମଟିର ମୂଳ କୋଥାଯ ? ‘ଛାନା’ ଶବ୍ଦ ସଂସ୍କୃତ ହିଁତେ ଉପରେ । ସଂସ୍କୃତ ‘ଚିନ୍ନ’ ଶବ୍ଦଟି ‘ଛାନା’ ଶବ୍ଦର ମୂଳ । ଯେମନ ‘ଚିନ୍ନ’ ଶବ୍ଦ ହିଁତେ ‘ଚେନା’ ଶବ୍ଦର ଉପରେ ହିଁଯାଇଛେ ଦେଖା ଯାଏ, ମେଇନ୍ଦ୍ରପ ‘ଚିନ୍ନ’ ହିଁତେ ‘ଚେନା’ ବା ‘ଛାନା’ ଦାଢାଇଯାଇଛେ । ତୁଥ ଛିଙ୍ଗିଯା ଯାଏ ବଲିଯା ‘ଛାନା’ ନାମ । କିନ୍ତୁ ସଂସ୍କୃତେ ‘ଛାନା’ ଅର୍ଥବାଚକ ‘ଚିନ୍ନ’ ବଲିଯା କୋନ ଶବ୍ଦ ନାହିଁ । ସଂସ୍କୃତ ‘ଚିନ୍ନ’ ଶବ୍ଦର ଅର୍ଥ ‘ଛେଡା’ ଏବଂ ତୁଥ ଛିଙ୍ଗିଯା ଗିଯା ଛାନା ହୟ ବଲିଯାଇ ଆମରା ସଂସ୍କୃତ ‘ଚିନ୍ନ’ ଶବ୍ଦକେ ଏହି ଅର୍ଥେ ବ୍ୟବହାର କରିଯା ଆସିଯାଇ ।

ବାଙ୍ଗାଲାଯ ‘ଛାନା’ ଶବ୍ଦେ ଯେ ‘ଶାବକ’ ବୁଝାଯ ତାହାର ମୂଳେ ଏହି ସଂସ୍କୃତ ‘ଚିନ୍ନ’ ଶବ୍ଦ । ନାଡ଼ୀ ଚିନ୍ନ କରିଯାଇ ଶାବକେରା ବାହିର ହୟ ବଲିଯା ଏହିଲେଣ୍ଡ ‘ଚେନା’ ବା ‘ଛାନା’ ବଲେ ।

ସଂସ୍କୃତେ କ୍ଷୀରବିକାର ବା ଛାନାର ଅନ୍ତତମ ନାମ ‘କୁର୍ଚ୍ଚା’ ବା ‘କୁର୍ଚ୍ଚୀ’ । ଏହି ‘କୁର୍ଚ୍ଚା’ ବା ‘କୁର୍ଚ୍ଚୀ’ ଶବ୍ଦଟି ଇଂରାଜୀ Cheese ଶବ୍ଦର ମୂଳ । Cheese ଓ ଯାହା, କୁର୍ଚ୍ଚୀ ବା ଛାନା ତାହାଇ । ତାବେ Cheese ପ୍ରସ୍ତୁତ କାଲେ ତୁଥକେ ଛିଙ୍ଗି-

বার জন্য অনেক স্থলে দধি প্রভৃতির পরিবর্তে ‘রেনেট’ (জান্তব অঘূর্ণিশেষ) ব্যবহৃত হয়। যুরোপীয় পণ্ডিতগণের মতে ইংরাজী Cheese শব্দ স্টাঙ্গন Cyse (কইসে) ও জর্মন kase (কাসে) শব্দ হইতে আসিয়াছে। কিন্তু এই ‘কাসে’ বা ‘কইসে’ যে সংস্কৃত ‘কৃচী’ শব্দের অপভ্রংশ তাহা শ্রবণমাত্রই বুঝা যায়।

ছানার আরেকটী সংস্কৃত নাম “কিলাট”।

নষ্ট ছঞ্চস্তু পকস্তু পিণ্ডপ্রোক্তঃ কিলাটকঃ।

“পক নষ্ট ছঞ্চের পিণ্ডকে কিলাট বলে।” ছানা পিণ্ডাকৃতি হয় বলিয়াই উহার অন্ততম নাম ‘কিলাট’।

পকং দধ্বা সমং ক্ষীরং বিজ্ঞয়া দধিকৃচিকা।

তক্রেণ তক্রকৃচা স্তাত্ত্বয়োঃ পিণ্ড কিলাটকঃ॥

“দধির সহিত ছঞ্চ পক হইলে যে ক্ষীরবিকার প্রস্তুত হয় তাহার নাম ‘দধিকৃচিকা’ এবং তক্রের সহিত পক ছঞ্চ হইতে প্রস্তুত পদার্থের নাম ‘তক্রকৃচা’। তাহাদের উভয়ের পিণ্ডকেই ‘কিলাট’ বলে।” শোধিত ক্ষীরপিণ্ডকেও ‘কিলাট’ বলে। অতএব দেখা যাইতেছে পিণ্ডীভূত দ্রব্যের সাধারণ নাম ‘কিলাট’। ইংরাজীতেও

## মুদীর দোকান

ইহার অনুরূপ শব্দ আমরা দেখিতে পাই। ইংরাজী ‘ক্লট’ ( clot ) শব্দে ঘনীভূত বা পিণ্ডীভূত হওয়া বুবায়। দুঃ পাক করিয়া পিণ্ডিতাব প্রাপ্ত হইলে তাহাকে ‘ক্লটেড ক্রীম’ ( clotted cream ) ইংরাজীতে বলে। পাক বিষয়ে সুপণ্ডিত কোন সাহেবও ‘ছানার’ ইংরাজী নাম ডিভনশায়র ক্লটেড ক্রীম ( devonshire clotted cream ) বলিয়াছেন। এই ‘ক্লট’ শব্দ ও ‘কিলাট’ শব্দ-সম্মতঃ সংস্কৃত কিলাট শব্দ হইতে ইংরাজী ‘ক্লট’ ( clot ) শব্দ উৎপন্ন হইয়া থাকিবে। কিন্তু কিলাট শব্দেরও মূলে আমরা আরেকটী শব্দ দেখিতে পাই, যেটী সর্বাপেক্ষা প্রাচীন বলিয়াই বোধ হয়। এই শব্দটী বেদমন্ত্রের ‘কীলাল’ শব্দ।

উজ্জংং বহস্তীরমৃতং ঘৃতং পযঃ

কীলালং স্বধাস্ত তর্পয়ত মে পিতৃন্।

“অমৃত, ঘৃত, দুঃ ও কীলাল ( অন্নের মণি ) ইহারা অনুরূপে পিতৃগণকে তৃপ্ত করুক” এই যজুর্বেদোক্ত প্রসিদ্ধ মন্ত্রটীর বিনিয়োগ পিণ্ডপিতৃযজ্ঞে পিণ্ডসেচনে—

অর্থাৎ এই মন্ত্রে পিতৃদিগের পিণ্ডসিক্ষন হয়। পিতৃ-পিণ্ডের জন্য অন্নমণ্ডকেই ‘কৌলাল’ বলে। এই বৈদিক ‘কৌলাল’ শব্দের পরিণতিটি ‘কিলাট’ বা ‘কৌলাট’। ‘ডলয়োরভেদঃ’ এই নিয়মানুসারে ‘কৌলাল’ হইতে ‘কৌলাড’ হইয়াছে এবং কৌলাড শব্দের ‘কৌলাট’ বা ‘কিলাট’য়ে পরিণত হওয়া স্বাভাবিক।

সন্দেশের উপকরণে এক ছানাটি সর্বস্ব। প্রায় দেখা যায় উপকরণের অথবা আহার প্রস্তুতপ্রণালীর অনুযায়ী নামে খাদ্য সামগ্ৰীৰ নাম হইয়া থাকে; কিন্তু সন্দেশের নাম সে কারণে হয় নাই।

বাঙালার সর্বপ্রধান মিষ্টান্ন ‘সন্দেশ’। এত দেশ থাকিতে এই মিষ্টান্নের ‘সন্দেশ’ নাম হইতে গেল কেন? ‘সন্দেশ’র প্রকৃত অর্থ খবর বা বার্তা; বঙ্গে প্রধানতঃ এই মিষ্টান্ন প্রেরণ করিয়াই জ্ঞাতি কুটুম্বের খবর বা সন্দেশ লওয়া হইত বলিয়া ইহার ‘সন্দেশ’ নাম হইয়াছে। জ্ঞাতি কুটুম্বের নিকট খাদ্যসামগ্ৰী পাঠাইলে তাহাকে ‘তত্ত্ব পাঠান’ বলে। জ্ঞাতি কুটুম্বের খবরাখবর লইতে গেলেই রিক্তহস্তে না করিয়া কিছু আহার সামগ্ৰী

## ମୁଦ୍ରାର ଦୋକାନ

ପ୍ରେରଣ କରାଇ ଏଦେଶେର ଆଚାର ସମ୍ମତ ; ତାଇ କୁଟୁମ୍ବେର ନିକଟ ଆହାରାଦି ପ୍ରେରଣେର ନାମଟି କ୍ରମେ ‘ତତ୍ତ୍ଵ ପାଠାନ’ ହଇୟା ଦାଡ଼ାଇୟାଛେ । ବଜେ ହିନ୍ଦୁଦିଗେର ମଧ୍ୟେ ‘ତତ୍ତ୍ଵ’ ପାଠାଇବାର କାଲେ ସନ୍ଦେଶ ପ୍ରେରଣ କରାଇ ପ୍ରଚଳିତ ପ୍ରଥା । ତତ୍ତ୍ଵ ବା ତତ୍ତ୍ଵାନୁକ୍ଳାନ ଅଥବା ସନ୍ଦେଶ ଅର୍ଥାତ୍ ଖବର ଲଇବାର କାଲେ ସେ ମିଷ୍ଟାନ୍ ପ୍ରେରଣ କରା ହ୍ୟ, ତାହାରଟି ନାମ ‘ସନ୍ଦେଶ ।’

ତତ୍ତ୍ଵ ପାଠାଇବାର କାଲେ ପ୍ରଧାନତଃ ସନ୍ଦେଶ ପ୍ରେରଣେର ବ୍ୟବସ୍ଥା ହଇଲ କେନ ? ତାହାର ଏକଟୀ କାରଣ ବାଜାଲୀରା ଛାନା-ପ୍ରିୟ ଏବଂ ଅପର କାରଣ ଇତର ଜାତିର ସ୍ପର୍ଶେ ସନ୍ଦେଶେ କୋନ ଦୋଷ ନାହିଁ ବଲିଯା । ମେଠାଇ ପ୍ରଭୃତି ଅନେକ ମିଷ୍ଟାନ୍ନେଇ ବେଶନ, ଚାଲେର ଗୁଡ଼ି ପ୍ରଭୃତି ଥାକାଯ ଉହା ଅନ୍ନେର ସାମିଲ ବଲିଯା ଧରେ । ଏହି କାରଣେ ପ୍ରକୃତ ଅନ୍ନ ସେମନ ବ୍ରାନ୍ତିକ ଭିନ୍ନ ଅନ୍ତ କୋନ ଜାତିର ସ୍ପର୍ଶ ହିନ୍ଦୁଦିଗେର ଅଭୋଜ୍ୟ ବଲିଯା ପରିଗଣିତ, ସେଇନ୍ଦ୍ରପ ବେଶନ, ଚାଲେର ଗୁଡ଼ି ପ୍ରଭୃତି ସେ ସକଳ ମିଷ୍ଟାନ୍ମେ ଥାକେ, ତାହାରା ଓ ସକଳେର ହାତେ ଖାଇବାର ଯୋଗ୍ୟ ନହେ ବଲିଯାଇ ବଞ୍ଚବାସୀ ହିନ୍ଦୁଦିଗେର ବିଶ୍ୱାସ । ତାଇ ସନ୍ଦେଶେର ନ୍ୟାୟ ମିଷ୍ଟାନ୍,

যাহাতে চালের গুঁড়ি প্রভৃতির কোন সম্পর্ক নাই, যাহা  
সকলের হাতেই থাওয়া যায়, এইরূপ মিষ্টান্নের প্রেরণ  
সকলের পক্ষে বড় সুবিধাকর। অবশ্য এ প্রথা কেবল  
বঙ্গেই প্রচলিত, অন্যান্য প্রদেশের হিন্দুদিগের মধ্যে  
প্রচলিত নাই।

‘সন্দেশ’ এক প্রকার নয়, নানা প্রকারের হইয়া  
থাকে; কিন্তু জিনিষ প্রায়ই একই, অধিকাংশ সময়ে  
পার্থক্য কেবল আকৃতিতে অথবা ছ একটু উপকরণের  
তারতম্যে। যেমন তালশঁসের আয় যে সন্দেশের  
গড়ন তাহার নাম ‘তালশঁস-সন্দেশ’, আমের আয়  
গড়ন যাহার তাহার নাম ‘আম-সন্দেশ’, যে সন্দেশ  
চিনির পরিবর্তে নূতন গুড়ের তৈয়ারী তাহার নাম  
'নূতন গুড়ের সন্দেশ' ইত্যাদি। ‘লেচি সন্দেশ’ নামেরও  
কারণ লেচি বা নেচির অনুরূপ গড়ন। রুটী প্রভৃতি  
প্রস্তুত কালে খেশা ময়দা হইতে যে খণ্ড খণ্ড কাটা হয়,  
তাহাকেই ‘নেচি’ বা ‘লেচি’ বলে। ‘লেচি’ শব্দ সংস্কৃত  
'লোপ্ত্রী' শব্দের অপভ্রংশ। ‘লোপ্ত্রী’ হইতে হিন্দু-  
স্থানী ভাষায় ‘লোথু’ ও ‘লোই’ এবং বাঙালায় ‘লেটি’

## মুদীর দোকান

ও ‘লেচি’ শব্দের উৎপত্তি হইয়াছে। সংস্কৃত পাকশাস্ত্রে “লোপ্ত্রী” অর্থাৎ ‘লেচী’ বেল্লন দ্বারা বেলিবার কথা অনেক স্থলেই পাওয়া যায়, যথা—

‘পুনস্তাঃ বেল্লয়েল্লোপ্ত্রীঃ যথা স্থাঃ মণ্ডলাকৃতি’।

## লুচিতরকারি । \*

---

লুচিতরকারীর নামে আপনারা অনেক হয়ত আকৃষ্ট হইয়া আসিয়াছেন যে আজ সাহিত্যপরিষদে বুঝিবা একটা ভোজ আছে—চর্ব্যচোষ্ণের বন্দেবস্ত আছে। এই ভরাভাদ্রের বৈকালে গরম গরম লুচিতরকারি যে

---

\* ১৩১৩ সালের ভাজ মাসে সাহিত্যপরিষদের অধিবেশনে ইহা প্রপঠিত।

ইতিপূর্বে ‘খাবারের নামতত্ত্ব’ প্রবন্ধে বাঙ্গলার জলপান (অর্থাৎ পানতোয়া জিলাবি প্রভৃতি খাবারের বাঙ্গলা নামগুলির উৎপত্তি নির্দেশ করিয়া আসিয়াছি। তাহাতে লুচিতরকারী সম্বন্ধে কিন্তু কোন কথাই বলা হয় নাই।

কি উপাদেয় পূর্ব হইতেই হয়ত আপনারা লেলিহমান কল্পনা-রসনায় তাহার আশ্বাদ লইতেছেন। কিন্তু ভাজ্জের শেষে অরঙ্গন—অগ্নিপক্ষ টাটকা জিনিষ খাইতে নাই, তাই আজ অতীত কথারূপ বাসী সামগ্ৰী লইয়া আপনাদের নিকট উপস্থিত। লুচিতরকারির পুরাতত্ত্ব-রূপ আহার্য লইয়া আজ আমি পরিষদের অধিবেশনে আপনাদিগকে পরিবেশন করিতে প্ৰণত্ত। আহারে আপনারা তৃপ্ত হইলে অৰ্থাৎ যদি ইহা হইতে কোন আলোচনাৰ বিষয় তত্ত্বিস্তুকারে আহৱণ কৱেন তবেই আমি কৃতার্থ হইব।

আমাদেৱ মধ্যে প্ৰধানতঃ ছইবাৰ আহার কৱা রীতি আছে। মুনিখন্ধিৰা ছবাৰ খাবাৰেৱই ব্যবস্থা কৱিয়াছেন—

“মুনিভিদ্বিৰশনম্প্রাক্তং।” ( কাত্যায়ন )

মহৰ্ষি মনু বলিয়াছেন—

“সাযংপ্রাতিৰ্দ্বিজাতীনামশনং দেবনির্মিতম্।”

“দ্বিজাতিগণেৱ সাযংকাল ও প্ৰাতঃকাল এই ছইবাৰ খাওয়াই প্ৰশস্ত।” আমাদেৱ সকালেৱ দিকে যেমন

## মুদীর দোকান

প্রধান খাবার ডালভাত তেমনি বৈকালের প্রধান খাবার লুচিতরকারী ।

লুচিটা প্রকৃতপক্ষে অপূর্প বা পিষ্টকজাতীয় । যাহা পেষিত দ্রব্য হইতে প্রস্তুত তাহাই ‘পিষ্টক’ শব্দ বাচ্য । গোধুম বা তগুলাদি চূর্ণ প্রভৃতি পেষিত দ্রব্য-প্রস্তুত খাদ্যমাত্রেই পিষ্টক-শ্রেণীর অন্তর্গত । ‘অপূর্প’ ও ‘পিষ্টক’ উহারা একার্থবাচক ।

পূর্ণোৎপূর্পঃ পিষ্টকঃ স্মাৎ । ( অমরকোষ )

“পিষ্টক” শব্দ ‘পিষ্ট’ শব্দ হইতে উৎপন্ন । ‘পিষ্ট’ শব্দের এক অর্থ নিরক্তকার লিখিয়াছেন—“অবয়বশে বিভক্তঃ” “কুড় কুড় অবয়বে যাহা বিভক্ত অর্থাৎ চূর্ণিত ।” লুচ, রুটী ( রোটিকা ), বড়া ( বটক ), লাড়ু, ( লড়ুক ), কচুরী, পুরী, পলুরাটা ইহারা পেষিত বা চূর্ণিত গোধুমাদি হইতে প্রস্তুত বলিয়া সকলেই পিষ্টক-জাতীয় ; কিন্তু ভক্ত বা ভাত পিষ্টক শ্রেণীর অন্তর্গত নহে, কারণ উহা পেষিত দ্রব্য প্রস্তুত নহে ।

এই পিষ্টকজাতীয় খাদ্যসামগ্ৰী বড় আজকালের উন্নতিত নহে । যুগযুগান্তর পূর্বে আদিম কাল হইতে

এই অপূর্প শ্রেণীর খাত্ত ভারতে প্রচলিত। বৈদিক যুগে  
যে সময়ে যজ্ঞের আবির্ভাব, সেই সময়ে এই পিষ্টক  
জাতীয় খাত্ত ভারতে প্রসার লাভ করে। খগ্নেদে এই  
পিষ্টকজাতীয় নানাবিধ খাত্তের উল্লেখ দেখা যায়।  
খগ্নেদে বিশ্বামিত্র ঋষি ইন্দ্রের উদ্দেশে হব্য দান করিবার  
কালে বলিতেছেন—

ধান্ববন্তঃ করণ্তিগমপূর্পবন্তঃ \*

উক্থিনং ইন্দ্র প্রাতজ্জ্যন্ত নঃ। †

“হে ইন্দ্র ! ভৃষবযুক্ত, দধিমিশ্রিতসক্তুযুক্ত, পিষ্টক-  
যুক্ত ও উক্থবিশিষ্ট হব্য আমাদের প্রাতঃসবনে গ্রহণ  
কর ।”

\* দধিমিশ্রিত সক্তুকে বৈদিকযুগে ‘করন্ত’ বলিত। এক্ষণে  
আমাদের দেশে করন্তের বড় একটা প্রচলন নাই। কিন্তু ত্রিবাঙ্গুর  
অঞ্চলে ‘করন্ত’ প্রধান খাত্ত বলিয়া পরিগণিত। তবে সে দেশে  
দধি ত্রুটি বলিয়া তদভাবে নারিকেল হঙ্গ এবং সক্তুর অভাবে  
তঙ্গুলচূর্ণ ব্যবহৃত হয়। ইংরাজীতে কটৌর গ্রঁড়ো বা কোন চূর্ণ  
খাত্তজ্বব্যকে যে, Cruml, বলে, তাহার মূল সন্তুত এই বৈদিক  
‘করন্ত’ বা ‘করন্ত’ শব্দ।

† খগ্নেদ তৃয় অষ্টক, তৃয় অধ্যায় ৫২ স্তুতি।

## মুদীর দোকান

এই ‘অপূপ’ এর আকার যে কিরূপ তাহা ও বৈদিক  
গ্রন্থে বর্ণিত হইয়াছে—

‘এক কপালান्।’ †

‘অপূপান্ ত্রৈয়স্কপ্রমাণাণ।’ (গোঃ গৃঃ সূত্র)

অপূপগুলি ভাজনা খোলা বা মালসার সমান—  
যেমন বড় বড় ঝটী বা পরোটার আকার সেইরূপ অথবা  
করতল-প্রমাণ অর্থাৎ হাতের চেটোর মত হইবে, যেমন  
লুচি প্রভৃতির আকার। লুচি প্রভৃতির ঘায় অপূপ-  
গুলিকে যে বৈদিক কালে সন্তুষ্টিলিত করা হইত  
তাহা ও পূর্বোক্ত গৃহসূত্রকার লিখিয়া গিয়াছেন—

শৃতানতিষায়েয়াদগুদ্বাস্ত প্রত্যতিষা঱্যে।

‘অপূপগুলি সুপক হইলে অভিষারিত করিয়া অগ্নির  
উত্তরভাগে নামাইয়া পুনরায় স্থানে সন্তুষ্টিলিত করিবে।’

এই বৈদিক পূপ বা অপূপ নাম এখনও আমাদিগের  
কোন কোন খাত্তজব্যে সুস্পষ্ট চিহ্ন রাখিয়া গিয়াছে  
দেখা যায়। যেমন ‘পূপ’ হইতে ‘পূয়া’ (মালপূয়া)

† কপালঃ মৃগ্ময়ঃ পাত্রঃ চক্রাঘটতমুচ্যতে।

আসিয়াছে। \* সংস্কৃত ‘পিষ্টক’ শব্দ বঙ্গীয় সাধুভাষায় অপ্রচলিত না থাকিলেও বঙ্গভাষায় ‘পিষ্টক’ও অনেকগুলি প্রাকৃত শব্দেরও সৃষ্টি করিয়াছে। ‘পেটালি’ (গুড়ের পেটালি), ‘পিটুলি’ (চালের পিটুলি) ‘পিঠে’ ইত্যাদি অনেক গুলি প্রাকৃত শব্দ বঙ্গভাষায় পিষ্টক শব্দের বংশজাত।

বৈদিক কালে ‘পূর্ণপাষ্টক’ নামে একটা পার্বণ বিশেষ ঋষিরা হেমস্ত বা শীতকালে পুষ্টিকর্ষের জন্য পালন করিতেন; সেই সময়ে নানাবিধ অপূর্প পিষ্টকাদির ঘটা পড়িয়া যাইত।

চতুরষ্টকো হেমস্তঃ। (গোঃ গৃঃ সূঃ)

বর্তমানকালে পৌষমাসের ‘পিঠেপার্বণে’ এখনো তাহার সামান্য পদচিহ্ন দেখিতে পাওয়া যায়। এমন কি ‘পিঠেপার্বণের’ কোন কোন পিষ্টকে ‘অষ্টকা’ নামটাও পর্যন্ত যুক্ত আছে—যেমন ‘আষ্টকে পিঠে’। ‘আষ্টকে’ শব্দটা ‘অষ্টকা’ শব্দ হইতে উদ্ভূত।

বস্তুত শীতকালে পিঠের ধুমটা শুধু ভারতে কেন

---

\* কৃপ হইতে ষেমন বাঙ্গলায় কুয়া (পাতকুয়া) আসিয়াছে।

## মুদার দোকান

পৃথিবীর সর্বত্র। যুরোপ অঞ্চলে এ সময়ে ‘কেক’, ‘পাই’, ‘পুড়িং’ ‘পাফ্’ প্যাটি প্রভৃতি নানাবিধ অপূপ বা পিষ্টক-সন্তারে দোকান পসার ভরিয়া উঠে। এ বিষয়ে যুরোপ যে বৈদিক ‘পূপাষ্টকা’ উৎসবের অনুসরণ করিয়াছে তাহা স্পষ্টই বুঝা যায়; বরঞ্চ পাশ্চাত্যেরা এই বৈদিক প্রথা আমাদের অপেক্ষা অধিকতর নিষ্ঠাসহকারে পালন করে বলিতে হয়। বৈদিক আচার্যের মতে—

তা: সর্বাঃ সমাংসাশ্চকৌর্ষেদিতি কৌঁসঃ। (গোঃ গৃঃ সূঃ)

“কৌঁস ঋষির মতে পূপাষ্টকা সমাংস হওয়া কর্তব্য।”


এক্ষণেও দেখা যায় পাশ্চাত্যেরা যে সকল অপূপ বা পিষ্টকাদি ( patty, pie প্রভৃতি ) প্রস্তুত করে তাহার অধিকাংশ ‘সমাংস’।

বৈদিক সূত্রে আছে—

অষ্টকা রাত্রি দেবতা।

অর্থাৎ “অষ্টকা ক্রিয়া রাত্রিকালে করিতে হয়।”  
তাই যুরোপীয়েরা উহাদের প্রধান উৎসব পৌষপার্বণ  
বা বড়দিন রাত্রিতেই পালন করিয়া থাকে। অবগু  
ন্তন খৃষ্টধর্মের প্রভাবে প্রাচীন আচার প্রথা নব





ଫୁଳ୍କୋ ଲୁଚି

পরিচ্ছদে অনেকটা ভূষিত হইয়াছে মাত্ৰ, কিন্তু প্রাচীন  
প্ৰথাৰ মূল ভাব বা ঠাট এখনও নষ্ট হয় নাই—অপৰি-  
বৰ্ণিতই আছে। কিন্তু যে দেশ এই অষ্টকাকৰ্ষেৱ  
আদি জন্মস্থান সে দেশে ইহার প্ৰকৃত আচৱণ একনূপ  
লুপ্তপ্ৰায়। আমাদেৱ ভাৱতে পৌৰপাৰ্বণে এক্ষণে আৱ-  
সমাংস পিষ্টকাদি বড় একটা প্ৰস্তুত হয় না।

এক্ষণে দেখা যাক আমাদেৱ দেশীয় পিষ্টক শ্ৰেণীৰ  
খাত্তেৱ মধ্যে প্ৰধান খাত্ত লুচিৰ উৎপত্তি হইল কিৱাপে ?  
কোন সংস্কৃত প্রাচীন গ্ৰন্থেই ‘লুচি’ ‘লুচিকা’ অথবা লুচিৰ  
অনুৰূপ শব্দ কোন খাত্তজব্যেৱ নামৰূপে পাওয়া যায়  
না। ‘লুচি’ বস্তুত সংস্কৃত শব্দপ্ৰস্তুত নহে। কি মহা-  
ভাৱতাদি পুৱাণ, কি বৈদিক গ্ৰন্থ, কি আযুৰ্বেদীয় গ্ৰন্থ  
কোথাও ‘লুচি’ শব্দেৱ উল্লেখ পাওয়া যায় না। ভাৱ-  
প্ৰকাশেৱ স্থায় গ্ৰন্থে যাহাতে ‘কুটী’ ‘পুৱী’ প্ৰভৃতি আধু-  
নিক প্ৰায় সকল প্ৰকাৱ খাৰারেৱ প্ৰস্তুত প্ৰণালী লিখিত  
আছে তাহাতে কিন্তু লুচিৰ কোন উল্লেখ নাই। লুচি  
দেশজ অৰ্থাৎ বাঙালাৰ প্ৰকৃত শব্দও নহে। লুচিৰ

## শুদ্ধীর দোকান

মূল হিন্দি ভাষায়। \* লুচি প্রকৃতপক্ষে হিন্দি শব্দ। অথচ আশ্চর্য যে এক্ষণে বঙ্গবাসীরা যেরূপ লুচির ভক্ত হিন্দুস্থানীরা তাহার একাংশও নহে। ডালরটী বা পুরৌই পশ্চিমবাসী হিন্দুস্থানীদিগের রসনা পূর্ণমাত্রায় অধিকার করিয়া বসিয়াছে। এমন কি হিন্দুস্থানীরা অনেকে লুচিকেও পূরী নামে অভিহিত করে। ‘পূরী’ নামটী পূরাপূরী সংস্কৃত নাম। যাজ্ঞবল্ক্য সংহিতায় আছে—

মূলকং পূরিকাপূপাঃ

“মূলক ( খাত্তবিশেষ ) পূরী ও অপূপ।” †

কিন্তু আমরা দেখিতে পাই ভক্ত তুলসীদাসের সময়ে ‘লুচি’ হিন্দুস্থানে সর্বজনপ্রিয় শ্রেষ্ঠ খাত্তরূপে পরিগণিত ছিল।—ইহা তাহার বচন হইতেই জানিতে পারা যায়। ভক্ত তুলসীদাস বলিতেছেন—

\* বিশ্বকোষে ‘লুচি’ দেশজ শব্দ অর্থাৎ বাঙ্গলার প্রাকৃত শব্দ বলিয়া উল্লিখিত হইয়াছে তাহা অমান্বক।

† যাজ্ঞবল্ক্য সংহিতা ১৮৮ শ্লোঃ ১ম অধ্যায়।

ମାନେହତେ ନ ମିଳେ  
ମେଡ୍ୟାଟିକ ଚଣ୍ଣ  
ତୁଳସୀ ରାମପ୍ରତାପମେ  
ଲୁଚି ହନୋ ଜୁନ୍ ।

“ପୂର୍ବେ ଭିକ୍ଷା କରିଲେ ମେଡ୍ୟାର ଆଟା ମିଲିତ ନା  
କିନ୍ତୁ ଏକଣେ ରାମ ନାମେର ପ୍ରତାପେ ଛବେଲା ଲୁଚି  
ପାଇତେଛି ।” ଲୁଚି ବଲେ କେନ ? କୋନ ଜିନିଷ ହାତ  
ହଇତେ ପିଛଲିଯା ପଡ଼ିବାର ମତ ହଇଲେ ହିନ୍ଦିତେ ‘ଲୁଚ୍-  
ଯାତା’ ବଲେ । ଆବାର କୋନ କୋମଳ ପିଛିଲ ଦ୍ରବ୍ୟକେ  
‘ଲୁଚିଲୁଚିଆ’ ବଲେ । ଲୁଚି ସଚରାଚର ସୁତେ ପିଛିଲ ଥାକେ  
ବଲିଯାଇ ହିନ୍ଦିଭାଷାଯ ‘ଲୁଚି’ ନାମ ପ୍ରାପ୍ତ ହଇଯା ଥାକିବେ ।

ବୈକାଲିକ ଥାଏଁ ‘ଲୁଚି’ ପ୍ରଧାନ ହଇଲେ ଓ ପାତ୍ରରୂପ  
ଆସନେ ଲୁଚି କିନ୍ତୁ ଏକାକୀ ବସିତେ ଚାହେ ନା । ‘ଲୁଚି’  
ଯଥନ ପାତ୍ରମଧ୍ୟ ବିରାଜ କରେ, ତଥନ ତରକାରୀବିହୀନ  
ହଇଯା ଶୋଭମାନ ହୟ ନା । ଇଂରାଜୀ ଥାଏଁ ସେମନ ‘ସସ୍’  
ଥାଏଁର ସହଗମୀ ହଇଯା ସଥୀର ଶ୍ଵାସ ଉହାର ଆସ୍ତାଦେର  
ପୋଷଣ କରେ, ଦେଶୀୟ ଥାଏଁ ‘ତରକାରୀ’ ଅନେକଟା ସେଇରୂପ ।  
‘ଲୁଚି’ ସେନ ପୁରୁଷ, ‘ତରକାରୀ’ ସେନ ସ୍ତ୍ରୀ । ତରକାରୀ ବଲିତେ

## মুদীর দোকান

ছেঁকা, ভর্তা, ভাজিভুজি ডালনা সবই আসিয়া পড়ে। ‘ব্যঙ্গন’ ও তরকারী একার্থবাচক, কিন্তু ব্যঙ্গন শব্দ বল প্রাচীন। বৈদিক গৃহসূত্রে ব্যঙ্গন শব্দের উল্লেখ দেখা যায়—যথা

ব্যঙ্গনেরূপসিচ্যামৌ জুহুৎ।

“অন্নকে ব্যঙ্গনের সহিত মিশ্রিত করিয়া আভৃতি প্রদান করিবে।”

শাকঃ ব্যঙ্গনমন্ত্বাহার্য্যম্।

“শাকাষ্টকায় শাক ব্যঙ্গন ( তরিতকারি ) আহরণ করিতে হইবে।” বাঙ্গালায় তরকারী একটা সাধারণ নাম। তরকারী শব্দের মূল বঙ্গীয় কোন কোন অভিধানে সংস্কৃত ‘তপ্তিকারী’ শব্দ বলিয়া নির্দেশ করিয়াছেন; কিন্তু ‘তরকারী’র উৎপত্তি প্রকৃতপক্ষে ‘তপ্তিকারী’ হইতে হয় নাই বলিয়া বোধ হয়। আয়ুর্বেদীয় গ্রন্থে ‘তকারী’ বলিতে কর্কটি ( কাঁকুড় ) ও শসা প্রভৃতি কয়েকটি সবজীকে বুঝাইত। ত্রুটি উহা প্রসার লাভ করিয়া সন্তুষ্টবতঃ তরকারীর উপকরণ সকল শাকসবজী-কেই বুঝাইতে আরম্ভ করিয়াছে। কিন্তু বাঙ্গালায়

‘তর্কারী’ বলিতে কাঁচা শাকসবজী অপেক্ষা অধিকাংশ সময়ে রাঁধা তর্কারীই বুঝায়। ছোঁকা, চড়চড়ি, ঘণ্ট, ডালনা, ভাজিভুজি প্রভৃতি পাত-সাজান সকল সামগ্রাই তর্কারীর অন্তর্গত। তর্কারীর মধ্যে প্রধান হইতেছে ছোঁকা। সাঁতলাইবার কালে ফোড়ন দিয়া ছুঁকিয়া লইতে হয় বলিয়া ছোঁকা নাম হইয়াছে। তিনিতে ফোড়ন দিয়া ছুঁকিয়া লওয়াকে ‘তড়কা’ও বলে। ‘ছুঁক’ ও ‘তড়কা’ শব্দব্যয় প্রায় একার্থবাচক; যথা, “করাহৌমৈ ধৌ ডাল হৌকা তড়কা দেবে” অর্থাৎ “কড়ায় ঘি ঢালিয়া হিংএর ফোড়ন দেবে।” এই ‘তড়কা’ শব্দ হইতেই বা ‘তড়কারী’ বা ‘তরকারী’ আসে নাই তা কে বলিবে! দেখা যায় তরকারীজাতীয় অধিকাংশ খাদ্যের নাম ফোড়ন-সংস্কৃট। বাঙালায় চড়চড়ি নাম ফোড়ন দিবার কালে চড়চড় শব্দ হইতে হইয়াছে। ‘ছোঁকা’র ‘ছুঁক’ শব্দটীও ফোড়ন দিবার কালে ‘ছঁ্যাক ছুঁক’ আওয়াজ হইতে উদ্ভূত। যেখানে ছোটখাট তরকারী রান্নায় ‘ছুঁক’ বা ‘তড়কা’ প্রযুক্ত, সেখানে পোলা ও প্রভৃতি গুরুতর বাপারে অনেক সময়ে ‘বঘার’ শব্দটা বাবস্থৃত হয়।

## মুদীর দোকান

‘বঘার’ শব্দ শুনিয়া যেন কেহ ভয় না পান। আসলে ইহা উর্দ্ধ বা মুসলমানী শব্দ নয়। বাঙালায় ‘সাঁতলান’র যে অর্থ মুসলমানী ‘বঘার’ শব্দেরও সেই অর্থ। ‘বঘার’ ছদ্মবেশী বৈদিক ‘অভিঘারণ’ শব্দ। ঘৃত-সন্তলিত করার নাম ‘অভিঘারণ’—বৈদিক যজ্ঞে অভিঘারণ কথায় কথায়। \*

বাঙালা তরকারীর মধ্যে কোন কোনটির নাম যে হিন্দুস্থানী হইতে আসিয়াছে তাহা শব্দের ঠাট দেখিয়া বুৰ। যায়, যেমন ‘ডালনা’। ‘ডালনা’ অর্থাৎ তরকারীর মধ্যে যাহা তরল বা ‘চালিবার যোগা’, ‘ভড়তা’ শব্দটি সংস্কৃতমূলক। সংস্কৃত ‘ভট্টি’ হইতে ‘ভড়তা’ আসিয়াছে। শূলপক্ষ মাংসাদির ( অর্থাৎ শিক-কবাব ) নাম সংস্কৃতে “ভট্টি”। শূলপক্ষ মাংস আসলে পূর্বে হিন্দুদের খাদ্য ছিল—কিন্তু এখন মুসলমানেরা উহাদের নিজস্ব করিয়া লইয়াছে। “ভট” অর্থে যোদ্ধা—

\* মাংস সন্তলনের যে ঘৃত বা চৰি তাহাকে ইংরাজীতে ‘gravy’ বলে : ইহা ‘অভিঘারিত’ শব্দের রূপান্তর বলিয়া গনে তয়।

“তটা ঘোন্ধাশ্চ ঘোন্ধারঃ” (অমর)। শিককাবাবের  
আয় বালসানো মাংস ঘোন্ধাদের প্রিয় খাদ্য, তাই  
‘ভট্টি’ নাম হইয়াছে। সেই বালসানো মাংসের  
পরিবর্তে আজ পোড়া বেগুনের নাম “ভট্টি”!  
বেগুনকে মাংসের আয় শলাকায় বিন্দু করিয়া আগুনে  
পোড়াইতে হয় তাই বেগুন-পোড়ার নাম “ভড়তা”।  
সংস্কৃত ‘ভট্টি’ শব্দের অপভ্রংশ হইয়া ‘ভড়তা’ হইয়াছে।  
তরকারীর মধ্যে অন্যান্য খাদ্যগুলির মূল সহজেই নির্দেশ  
করা যায় বলিয়া তাহার উল্লেখ নিষ্পত্যোজন।

আহারের রসাস্বাদন অপেক্ষা খাদ্যদ্রব্যের ইতিহাস,  
তত্ত্বান্঵েষণে অধিকতর তৃপ্তি। খাবারের একটী কথা  
কত পূর্বকাল হইতে পূর্বপূরুষদিগের স্মৃতিচিহ্ন, তাঁহা-  
দের জ্ঞান বিজ্ঞান, প্রাণের রুচি ও তৃপ্তি বহন করিতেছে,  
সেইটা যদি আজ আমরা কোনরূপে জানিতে পারি  
তাহা হইলে সে রসাস্বাদনে আমাদের কত না আনন্দ!  
এই প্রবন্ধে পাঠকগণ লুচি তরকারী হাতে হাতে লাভ  
করিয়া আহারের মূর্তিমান স্থানের পরিবর্তে সেই অমৃত  
রসাস্বাদন করিতে পাইবেন।

এককালে হিন্দুর প্রাচীন আচার প্রথা যে দেশ-বিদেশে শ্রদ্ধাসহকারে গৃহীত হইয়াছিল, পিষ্টকজ্ঞাত্মক খাদ্যসমূহের নাম হইতেও তাহার প্রকৃষ্ট পরিচয় পাওয়া যায়। যুরোপীয় অধিকাংশ পিষ্টকাদির নামগুলি বৈদিক সংস্কৃত বা সংস্কৃত হইতে উৎপন্ন। দেখুন ‘পাই’ একটী ইংরাজজাতির প্রাচীন খাদ্য “Not only the word pie but also the dish, are peculiarly national to England, and interwoven with the history of its culture.”\*—ইহা সমাংস ‘পূপ’ ভিন্ন আর কিছুই নহে। ‘পূপ’ ও ‘পাই’ উভারা একই শ্রেণীর খাদ্য। আমাদের বাঙ্গলায় বৈদিক ‘পূপ’ যখন ‘পুয়া’ হইতে পারিয়াছে তখন দূর ইংলণ্ডীয় ভাষায় ‘পূপ’ বিকৃত হইয়া ‘পাই’ হওয়া কিছু অসম্ভব নহে। ‘পুয়া’ ও ‘পাই’ উভারা উভয়েই বৈদিক ‘পূপ’ শব্দ হইতে উৎপন্ন বলিয়া মনে হয়। ইংরাজী ‘পফ্’ শব্দ ত একে-বারেই ‘পূপ’ ছাড়া আর কিছুই নহে। সংস্কৃত পিষ্টক শব্দও যুরোপীয় ভাষাসমূহে বিশেষভাবে সমাদৃত হই-

---

\* J. L. W. Thudichum, M. D.

যাছে দেখা যায়। লুচি রুটীৰ শ্ৰেণীৰ খাদ্যকে ইংৰাজীতে ‘পেষ্ট্ৰী’ (pastry) বলে। এই ‘pastry’ শব্দ যে পিষ্টক  
শব্দ প্ৰস্তুত তাহা শব্দেৰ আকাৰ ও অৰ্থসাদৃশ্যে সুস্পষ্ট  
প্ৰকাশিত। Pastry, pastil (মিষ্টি পিষ্টক বিশেষ),  
patti, এ সকলি সংস্কৃত পিষ্টক শব্দপ্ৰসূত।

আবাৰ দেখুন ‘অমলেট’। বাঙ্গলায় ‘অমলেট’ এৱে এখন  
খুব আদৰ ; আমলেট আমাদেৱ জিনিষ, আমৱা আবাৰ  
ফিরিয়া পাইয়াছি। Omelett এটী কি ইংৰাজী শব্দ  
মনে কৰেন ? প্ৰকৃতপক্ষে তাহা নয়। অমলেট জিনিষটা  
কি প্ৰথমে বলিয়া দিই—ডিম ও ময়দা সংৰোগে ঘৃত-  
ভজ্জিত রুটীবিশেষ, ভাজনা খোলা বা ফ্রাটি প্যানে  
অৰ্থাৎ তাওয়ায় ভাজিতে হয়। সুপ্ৰসিদ্ধ Chambers  
এৱে অভিধানে Omelett এৱে মূল লাটিন ‘লামিনা’  
(যাহাৰ অৰ্থ পাতলা পাত ) লিখিত হইয়াছে ; কিন্তু  
যুৱোপীয় পণ্ডিতেৱাট ইহা অমাঞ্চক বলিয়া স্বীকাৰ  
কৰেন। অনেকেৰ মতে—“অমলেট” ফৱাসী শব্দ, কাৰণ  
বহু প্ৰাচীন ফৱাসী গ্ৰন্থে ‘অমলেট’ এৱে উল্লেখ দেখা  
যায়। কিন্তু ইহাৰ মূল যে কি তাহা এখনও জানা

## মুদৌর দোকান

যায় নাই।” \* বৈদিক ‘অস্বরীষ’ শব্দ যাহার অর্থ ‘ভাজনা খোলা’ বা রুটী প্রভৃতি ভাজিবার পাত্র, † আমার মনে হয় সেই সংস্কৃত শব্দ হইতে Omelett এর উৎপত্তি। ‘অস্বরীষ’ শব্দের ‘র’ ‘ল’তে এবং ‘ষ’ ‘ট’তে পরিণত হইয়া ‘অমলেট’ হইয়াছে। রলয়েরভেদঃ ইহা ত সর্বজন-বিদিত। ‘শ’ বা ‘ষ’ যে ‘ট’তে এবং ‘ট’ যে ‘শ’ বা ‘ষ’তে রূপান্তরিত হয়, ভাষাত্ত্বে তাহারও উদাহরণের অভাব নাই। যেমন ‘শিখা’র ‘শ’ ট হইয়া ‘টিকি’ হইয়াছে। ‘কাটলেট’ খাত্তবিশেষের নাম পাচকেরা অনেক সময়ে ‘কাটলেষ’ বলিয়া থাকে। আমার দৃঢ় বিধাস ভাজিবার পাত্রের নাম ‘অস্বরীষ’ হইতে ‘অম্লেট’ হইয়াছে। যেমন আরেকটী আমলেটজাতীয় ইংরাজী খাদ্যের নাম Pan-

\* It is undoubtedly of French origin, and in ancient work is spelled amelette, but its etymological derivation is uncertain. (The spirit of cookery.)

† অগর কোষের মতে “অস্বরীষ” ও “ভাট্টু” উভয়ই একার্থ-বাচক; উভয় শব্দের অর্থ ভাজিবার বা সেঁকিবার “ভাওয়া” বা Frypan জাতীয় পাত্র।

cake ভাজিবাৰ পাত্ৰের নাম হইতে আসিয়াছে। আপনাৱা বলিবেন বৈদিক ভাজিবাৰ পাত্ৰ বিলাতে কিৰূপে গেল? আমি বলি যেমন আজকাল আমাদেৱ সব জিনিষ চালান হইতেছে সেটোৱপ চিৰকাল উহারা আমাদেৱ থাইয়া মাছুষ। আমাদেৱ যজ্ঞীয় ‘চমস’ উহারা সদাসৰ্বদ। ‘চামচ’ৰূপে বাবহার কৱে। দেখুন আমাদেৱ রাঁধিবাৰ ইঁড়িৰ ‘তিজেল’ নামটী পৰ্যন্ত জৰ্ম্মণ ভাষায় গৃহীত হইয়াছে; কিন্তু কোন্ সময়ে যে উহা গৃহীত হয় তাহার কোন ইতিহাস নাই। জৰ্ম্মন-ভাষায় চওড়ামুখওয়ালা রাঁধিবাৰ ইঁড়িকে Tiegel বলে, ইংৰাজীতে যাহার নাম সম্প্রান। আমাদেৱ এ টাড়িকে ‘তিজেল’ বলে কেন ন। উহা তেজ-সহ।

এইবাবে দেখাইব ইংৰাজেৰ জীবন ধাৰণেৰ প্ৰধান খাদ্য Bread ও উহাদেৱ নিজস্ব নহে। প্ৰাচীন রোমীয় সভ্যতাৰ কাল হইতে এ পৰ্যন্ত ময়দা-গোলাই উহাদেৱ প্ৰধান খাদ্য ছিল। তাৱপৰে যথন সেই ময়দাগোলা বিশেষৱৰূপ অগ্ৰিমক কৱিয়া থাইতে শিখিল তথন তাহার (পায়সবৎ পদাৰ্থৰ) নাম দিল porridge (লাটিন

## মুদীর দোকান

পরাটা \* ) অর্থাৎ ভজিত বা অগ্নিপক্ষ। According to Cato, the old Romans had been reared upon gruel, and this soup like preparation was down to our days the general or occasional food of entire population. When gruel was superseded by better preparations, e. g. porridge, it was limited to the breakfast table. তারপর আরেকটু অগ্রসর হইয়া যখন এ ময়দাগোলা ভজনপাত্রে সেঁকিয়া খাইতে শিখিল তখন Bread নাম হইল। Bread শব্দটী রূটী সেঁকিবার পাত্র ‘ভাষ্ট’ নাম হইতে আসিয়াছে। যেমন মহারাষ্ট্র হইতে ‘মরাঠা’ হয় তেমনি ‘ভাষ্ট’ হইতে ‘ভাঠ’। এই ‘ভাঠ’ জার্মণ ভাষায় ‘অট’ এবং ক্রমে ইংরাজীতে ব্রেড、Bread হইয়াছে। যাহা ‘ভাষ্ট’ বা তাওয়ায় ভাজা যায় তাহাই Bread। প্রথমাবস্থায় যুরোপে এইরূপ সেঁকারুটাই প্রচলিত ছিল। জর্মন ভাষায় ঘৃত সন্দর্ভিত (ঘিয়ে

---

\* লাটিন ‘পরাটা’ শব্দের সঙ্গে আমাদের “পরটা” শব্দের তুলনা কর। ‘পরটা’র উৎপত্তি সংস্কৃত ‘ভাষ্ট’ শব্দ হইতে।

সেঁকা ) কুটীর নাম ‘সমারন’। ‘সমারন’ সংস্কৃত পাক-শাস্ত্রের ‘সম্বরন’ শব্দ হইতে উৎপন্ন। যাহা হইতে আমাদের বাঙ্গলায় ঘিয়ে ‘সম্বরে’ নেওয়ার উৎপত্তি হইয়াছে। এক্ষণে যে মাদক দ্রব্য সংযোগে যুরোপীয়েরা পাওকুটী তৈয়ারী করে ইহা যুরোপের জিনিষ নহে, আসিয়ার আবিস্কৃত। \* এই বর্তমান যুগেও আমাদের কুটী প্রতৃতি শব্দ যুরোপে প্রচলিত হইতে আরম্ভ হইয়াছে। আজকাল দেখিতেছেন বিদেশীয়েরা আমাদের চাল ডাল লইয়া পুষ্ট হইতেছে, কিন্তু ইহা তুচ্ছ মনে হয় যখন দেখি অতি পুরাকাল হইতে ভারতের ভাষা ও জ্ঞান বিজ্ঞানের ভাণ্ডার হইতে উহারা শব্দসমূহ ও জ্ঞান বিজ্ঞান আহরণ করিয়া নিজ নিজ দেশকে পুষ্ট করিয়াছে।

\* Leavened bread was perhaps first made by the Chinese.

The spirit of cookery

J. L. W. Thudichurn, M. D

+ ভারতের পঞ্চাবপ্রদেশেও থামিরকে মন্তভাবাপন্ন করিয়া তাহা হইতে কুটী প্রস্তুত করা বহুকাল হইতে প্রচলিত।

## তামাক ও ধূমপান। \*

---

নেশার বস্তু যেমন শীত্র লোকপ্রিয় হয় এমন অন্ত কোন জিনিষ নহে। কিন্তু ধূমপানকে ঠিক নেশার জিনিষ বলা যায় কিনা সন্দেহ, বরঞ্চ আয়েশের জিনিষ বলিতে পারা যায়। ধূমপান বলিলে আজকাল লোকে আর অন্ত কোন দ্রব্যের ধূমপান বড় একটা বুরো না, তামাকুসেবনই বুরো। তামাকুসেবন ও ধূমপান যেন এক কথা হইয়া দাঁড়াইয়াছে। তামাক আয়েশের সামগ্ৰী হইলেও উহাতে নিকটিন নামে এমন এক বিষাক্ত পদাৰ্থ আছে যাহা শৱীৱের বিশেষ অপকারক। কিন্তু যাহারা তামাকের আয়েশে একবার মজিয়াছেন

---

\* ১৩৩৫ সালের ২৬শে পৌষে সাহিত্য-সভার অধিবেশনে প্রপঠিত।

তাহাদের পক্ষে উহা ত্যাগ করা বড়ই কষ্টকর। নেশার জিনিষ অর্থে যদি মাদকজ্বব্য বুঝায় ত তামাক সে শ্রেণীর পদার্থ নয়, কিন্তু নেশার জিনিষ বলিতে যদি আসক্তির জ্বব্য বুঝায় ত তামাক নেশার মধ্যে গণ্য হইতে পারে। তামাকে মাদকতা না থাকিলেও উহার আকর্ষণী শক্তি যথেষ্ট। যিনি একবার তামাক ধরিয়া-ছেন তিনি উহা সহজে ছাড়িতে পারেন না—তাহাতে যেন আসক্ত হইয়া পড়েন।

আজকাল এই তামাকের কত সাজসজ্জা কত বেশভূষা ! আতর গোলাপ প্রভৃতি নানা সুগন্ধি দ্রব্যের দ্বারা করুণপে যে উহাকে সৌখিন বিলাস-সামগ্ৰীতে পরিণত কৱিবার চেষ্টা হইয়াছে তাহা বলা যায় না। ইহার কত না আদর, কত না সোহাগ ! তামাকের প্রসাৱ আজ সমস্ত পৃথিবী পরিব্যাপ্ত হইয়া পড়িয়াছে। একটী রূপার গড়গড়া দেখিলে মনে হয় যেন কুহকিনী তাত্রকুটী নানা অলঙ্কারে ভূষিত হইয়া হাবভাবে লোকের চিত্তাকর্ষণের জন্য কটাক্ষ কৱিতেছে। কুণ্ডলাকৃতি নলিকা যেন বেণীর আয় দোলায়মান।

## মুদৌর দোকান

উহার বেশভূষা ইহার অলঙ্কারের জন্য কত বহুমূল্য আসবাব বিপণিতে বিপণিতে সুসজ্জিত। শামাঙ্গীর পদরেগুটুকু মুছাইবার জন্য কত না সরঞ্জাম। সহস্র সহস্র প্রকারের স্বর্ণরৌপ্য Ash tray প্রভৃতি সেই পদরেগু লাভে যেন কৃতার্থ। কি যুরোপ কি আসিয়া প্রায় সকল দেশেই তামাকের অপকারিতা বুঝিয়া এবং উহা বিলাসসাগরে লোককে নিমগ্ন করে দেখিয়া উহার অপসারণের জন্য এককালে রাজাজ্ঞা প্রচারিত হইয়াছিল ; এমন কি কুষিয়া ও তুরস্ক দেশে তামাকু সেবনের শাস্তি নাসিকাচ্ছদন পর্যন্ত ঘোষিত হয়। কিন্তু উহার মোহিনী শক্তি বলে আজ পর্যন্ত উহাকে কেহ রোধ করিতে সমর্থ হয় নাই—সকল রাজাজ্ঞা সকল শাস্ত্রের আদেশ উহার নিকট বার্থ হইয়াছে।

আমি তামাকের গুণদোষ বিচার করিতে এখানে উপস্থিত হই নাই। তবে শ্রোতৃবর্গকে তামাকের জন্ম-  
বৃন্তান্ত উৎপত্তি কথা যাহাতে গুনাইতে পারি সেই চেষ্টায় প্রবৃত্ত হইয়াছি। তামাকের জন্ম স্বদেশে কিঞ্চিৎ উহা বিদেশ হইতে আনীত এই প্রশ্নের মীমাংসার জন্য।

আমি আজ উপস্থিত। বিদেশানীত তামাক ভারতে প্রথম যুরোপীয়েরা প্রচলন করেন, এই পাঞ্চাত্য মত যে নিবিচারে আমাদের দেশের বিদ্রঃসমাজে গৃহীত হইয়াছে তাহা সত্য কি ভাস্ত আজ তাহাই নিরূপণ করিব।

তামাকের কথা বলিবার পূর্বে প্রথমে আমাকে ধূমপানের ইতিবৃত্ত আলোচনায় প্রবৃত্ত হইতে হইবে। বস্তুতঃ ধূমপানের উৎপত্তি বড় আজকালের কথা নহে। ধূমপান মানবের আদিম যুগ বৈদিক কাল হইতে প্রচলিত। বৈদিক যুগে ঋষিরা সদাসর্ববিদ্বাই হোম বা যজ্ঞধূম সেবন করিতেন। ঋষিরা ঘৃতের ভক্ত ছিলেন, তাই সচরাচর ঘৃতসম্পূর্ণ ধূম সেবন করিতে ভাল বাসিতেন। বৈদিক কালের এই ধূমসেবন প্রকৃতপক্ষে সকল ধূমসেবনের মূল বলিতে পারা যায়। বৈদিক ঋষিরা ঘৃত যব তিল প্রভৃতি নানাবিধ পদার্থের হোমোথিত ধূম পান করিতেন এবং তাহাদের প্রিয়জন ও দেবতার উদ্দেশে প্রেরণ করিতেন।

এই সকল পবিত্র দ্রব্যের ধূমপান পুরাকালের

## মুদৌর দোকান

পবিত্রচিত্ত ঋষিদিগের মধ্যেই প্রচলিত ছিল। তৎপরে বেদকনিষ্ঠ অথর্ববেদের কালে আভিচারিক কার্য্যাদির জন্য নানা বিধি মাংস ও অন্যান্য ঘৃণ্য পদার্থের ধূমসেবনের প্রচলন হইল। অথর্ববেদের শাখা আয়ুর্বেদ এইখান হইতেই ধূমপান লাভ করিয়া উহাকে চিকিৎসা ও স্বাস্থ্যসুখসাধনে নিয়োগ করিল। শারীরিক সুখ-বিধানের জন্য আয়ুর্বেদ নানা বিধি দ্রব্যের দ্বারা নানা উপায়ে ধূমপানের পরিচালনে ক্রটী করিল না। প্রকৃত-পক্ষে ভারতের আয়ুর্বেদকে বর্তমান ধূমপানবিধির প্রবর্তক বলা যাইতে পারে। ধূমপানকে সহজায়ত্ব ও সুগম করিবার জন্য আয়ুর্বেদাভিজ্ঞ ঋষিগণ নানা যন্ত্রের আবিষ্কার করিয়া জনসনাজে প্রচার করিয়া গিয়াছেন। সহস্র সহস্র বৎসর পূর্বের প্রবর্তিত সেই সকল যন্ত্রই ঈষৎ পরিবর্তিতাকারে আজকাল হক্কা, গুড়গুড়ি, পাইপ প্রভৃতিরূপে বিরাজমান।

কিন্তু এইরূপে ক্রমে ধূমপান ছাই পৃথক শ্রেণীতে বিভক্ত হইয়া পড়িল। প্রথমতঃ, কোন আধারে দ্রব্যাদি রাখিয়া তাহার ধূম বায়ুসম্পৃক্ত হইলে ধীরে ধীরে

তাহার আত্মাণ বা সেবন। ধূপ ধূনা ও যজ্ঞ হোমোথিত ধূমসেবন এই শ্রেণীর অন্তর্ভুক্ত। এই শ্রেণীর ধূমসেবন সচরাচর ধর্মকর্ম বা দেবসেবার সহিত জড়িত হইয়া আছে। দ্বিতীয়তঃ যন্ত্র সাহায্যে মুখাগ্র বা নাসাৰ দ্বারা ধূমগ্রহণ। এই দ্বিতীয় প্রকার ধূমসেবনই সচরাচর ধূমপান নামে সর্বসাধারণে প্রচলিত হইয়া পড়িয়াছে।

ধূমপানের উপকরণ নানাবিধি দ্রব্য। গঞ্জিকা চরস প্রভৃতি নেশার জিনিষ এবং তামাকের ধূমপানই অধূনা বিশেষ প্রচলিত। কিন্তু পুরাকালে রোগনিরাকরণের জন্য নানাবিধি দ্রব্যের ধূমপান বিশেষ ব্যবহৃত হইত। এক্ষণে বৈদ্যমহলে সে সকলের বড় একটা প্রচলন নাই। বরঞ্চ ডাক্তারেরা কোন কোন রোগে ধূমপানের প্রয়োগ করেন। শ্বাস কাস বা গলরোগে কোন কোন স্থলে নব্য ডাক্তারদিগকে ঔষধাদিযোগে ধূমপানের ব্যবস্থা দিতে দেখা যায়। কিন্তু এ ব্যবস্থা নৃতন নহে— ভারতের চৱকে শ্বাস প্রভৃতি রোগের প্রশমনের জন্য কতকাল পূর্বে যে ধূমপানের উপদেশ দেওয়া হইয়াছে সেদিকে একবার লক্ষ্য করুন।—

## মুদীর দোকান

মধুচ্ছিষ্টং সর্জরসং ঘৃতং মল্লকসম্পুটে ।

কৃত্তা ধূমং পিবেৎ শৃঙ্গং বালং বা স্নায়ু বা গবাং ॥

“মোম, ধূনা ও ঘৃত অথবা গোপুচ্ছলোম বা গোস্নায়ু  
মল্লকসম্পুটে \* ( আধাৰ বিশেষ ) যথানিয়মে স্থাপন  
পূর্বক ধূমপান কৰিবে ।

( চৱক শাসচিকিৎসা )

আয়ুর্বেদে যত প্রকার ধূমসেবনের বিধান আছে  
তাহা নিম্নে উল্লেখ কৰিতেছি ।—

ধূমস্ত ষড়বিধঃ প্রোক্তঃ শমনো বৃংহণস্তথা ।

রেচনঃ কাসহাচৈব বামনো ব্রণধূমনঃ ॥

“ধূম ছয় প্রকার—রোগশমন, বৃংহণ অর্থাৎ পুষ্টিকর,  
রেচন, কাসঘন, বমনকারী ও ব্রণধূমন ।”

ধূমপানের যে কত গুণ কি সুফল তাহা ও আয়ুর্বেদে  
লিখিত হইয়াছে ।—

\* ‘মল্লক’ হইতে আমাদের বাঙ্গলায় ‘মালা’ শব্দ আসিয়া  
পাকিবে,— যথা, ‘নারিকেলের মালা’। ‘মল্লক সম্পুট’ অর্থাৎ ঢাক-  
নিযুক্ত মালা।

কাসশ্বাস প্রতিশ্লায়ামন্তাহনুশিরোরূজঃ ।

বাতশ্লেষ্মবিকাৰাংশ হন্তাদ্বুমঃ সুযোজিতঃ ॥

“ধূম সুযোজিত হইলে কাস শ্বাস প্রতিশ্লায় মন্তা  
হনু ও শিরঃপীড়। এবং বাতশ্লেষ্মবিকাৰের শান্তি হয়।”

**পুনশ্চ—**

নরো ধূমোপযোগাচ্ছ প্ৰসন্নেল্লিয়বাঞ্চনঃ ।

দৃঢ়কেশদ্বিজশ্মশ্রু-সুগন্ধি বিশদাননঃ ॥ (সুশ্রুত)

“ধূমসেবনে মানবেৱ ইল্লিয় বাক্য ও মন প্ৰসন্ন হয়,  
কেশ দন্ত ও শুশ্রু দৃঢ় হয় এবং মুখ সুগন্ধি ও বিশদ হয়।”

মুখেৱ অৱচি ও বৈৱস্তু দূৰ কৱিবাৰ জন্য চৱক  
মুখধোতিৱ পৱ ধূমপানেৱ আদেশ দিয়াছেন। \*

স্নাত্বা তুক্তু। সমুল্লিখ্য ক্ষুত্বা দন্তান্ত বিঘ্ন্য চ ।

নাবনাঞ্জুননিদ্রান্তে চাউবান ধূমপো ভবেৎ ॥”

( চৱক সূত্ৰস্থান মে অধ্যায় )

“স্নানান্তে, ভোজনান্তে, বমনান্তে, ইঁচি হইলে, দন্ত-  
ধাৰনান্তে, নস্তুদ্বাৱ। শিরোবিৱেচনান্তে, নিদ্রান্তে এবং  
অঞ্জনান্তে পথ্যাশী ব্যক্তি ধূমপান কৱিবেন।”

— \* চৱক চিকিৎসাস্থান ৮ম অধ্যায়

## মুদীর দোকান

মহঘি চরক ধূমপানের যেরূপ প্রশংসা করিয়াছেন  
তাহা একবার শ্রবণ করিলে ধূমপানের বিরুদ্ধে আর  
কোন কথা বলিতে কেহ সাহসী হইবেন না।—

“গৌরবং শিরসঃ শূলং পীনসার্কাবভেদকোঁ ।

কর্ণাক্ষিশূলং কাসশ হিকাশাসোঁ গলগ্রহঃ ।

দন্তদৌর্বল্যমাত্রাবঃ স্বোতোত্ত্বাণাক্ষিদোষজঃ ।

পৃতিত্বাণশ্চ গন্ধশ দন্তশূলমরোচকঃ ।

হনুমগ্নাগ্রহঃ কণ্ঠ ক্রিমযঃ পাণ্ডুতা মুখে ।

শ্লেষপ্রাপ্তেকোঁ বৈষ্ণব্যং গলশুণ্ডুপজিহ্বিকা ।

থালিত্যং পিঞ্জরত্বঞ্চ কেশান্তং পতনস্তথা ।

ক্ষবথুশ্চাতিতন্ত্রা চ বুর্জেমোহোহতিনিজতা ।

ধূমপানাং প্রশাম্যস্তি বলং ভবতি চাধিকং ।

শিরোরহকপালানামিন্দ্রিয়াণাং স্বরস্ত চ ॥”

( চরক সূত্রস্থান ৫মে অধ্যায় )

“অঙ্গগৌরব, শিরঃশূল, পীনস, অর্ক্ষাবভেদক,  
কর্ণশূল, অক্ষিশূল, কাস, হিকা শ্বাস, গলগ্রহ, দন্ত-  
দৌর্বল্য, কর্ণ নাসা এবং অক্ষি হইতে শ্রাব, মুখ এবং  
নাসিকার দোর্গন্ধি, দন্তশূল, অকুচি, হনুগ্রহ, কণ্ঠ, কুমি,

মুখের পাণ্ডুতা, শ্লেষ্মপ্রসেক, স্বরভঙ্গ, গলরোগ, উপজিহ্বক, খালিত্য, পিঞ্জরত্ব, কেশপতন, ইঁচি, অতিতন্ত্রা, বৃদ্ধিভ্রম, অতিনিদ্রা, ধূমপান করিলে এই সকল প্রশংসিত হয়, শরীরের বল বৃদ্ধি হয় এবং কেশকলাপ ইন্দ্রিয় ও স্বরের দাটা হয়।”

এত গুণব্যাখ্যা দেখিয়াই বোধ হয় ধূমপান সকলের একুপ প্রিয় হইয়া উঠিয়াছে।

কিন্তু এই যে আয়ুর্বেদের ধূমপান ইহা কেবলমাত্র তামাকের ধূমপান নহে। সাধারণতঃ নানাবিধ ঔষধ-দ্রব্যের ধূমপান। তবে তাহাদের মধ্য হইতে তামাক যে একেবারে বাদ পড়িয়াছে তাহা নহে। চরক সুশ্রুতের কালে তামাকেরও ব্যবহার প্রচলিত ছিল। উহা সে সময়ে শিরোবিরেচক-গণের মধ্যে গণ্য হইত। তবে ঠিক তামাক নামটা সেকালে চলিত ছিল না। সাধারণত তামাক ‘তমাল’ বা ‘তমালপত্র’ নামে প্রসিদ্ধ ছিল। সুশ্রুতে যে শিরোবিরেচকগণের উল্লেখ আছে তাহা হইতে তমালপত্র বাদ যায় নাই—

“পিঞ্জলী বিড়ঙ্গাপামার্গশিগ্ৰ সিন্ধার্থক শিরীষমরিচ

## মুদীর দোকান

করন্দার-বিমৌ গিরিকর্ণিকাকিণিহী বচা জ্যোতিষ্ঠাতী  
করঞ্জকালক লঙ্ঘনাতিবিষাশৃঙ্গবের তালীশ তমাল  
সুরসার্জকেঙ্গুদীমেষশৃঙ্গী মাতুলুঙ্গী মুরুঙ্গী পীলুজাতী  
শাল তাল মধুক লাঙ্কা হিঙ্গুলবণমন্ত গোশকুড়সমূত্ত্বাণীতি  
শিরোবিরেচনানি। তত্র করবীরপূর্ববাণং কন্দাঃ।  
করবীরাদীনামকান্তানাঃ মূলানি। তালীশপূর্ববাণং  
কন্দাঃ তালীশাদীনামজ্জকান্তানাঃ পত্রাণি।  
ইঙ্গুদী মেষশৃঙ্গীভুঁচো। মাতুলুঙ্গীপীলুজাতীনাঃ পুষ্পাণি।  
শালতালমধুকানাঃ সারাঃ। হিঙ্গুলাক্ষে নির্ধ্যাসো।”

“পিপুল বিড়ঙ্গ, আপাঙ, শজিনা, শ্বেতসর্ষপ,  
শিরীষ, মরীচ, করবীর, তেলাকুচা, অপরাজিতা, কটভী,  
বচ, লতাফটকী, করঞ্জ, আকন্দ, শ্বেত আকন্দ, লঙ্ঘন,  
আতইচ, গুঠ, তালীশপত্র, তমালপত্র, সুরসা-  
পত্র ( তুলসী ) অজ্জকপত্র ( বাবুই ) তুলসী ),  
ইঙ্গুদী, মেড়াশৃঙ্গী, মাতুলুঙ্গী ( গোঢ়ানেবু ), রক্তপুষ্প  
সজিনা, পীলু, জাতী, শাল, তাল, মৌল, লাঙ্কা, হিঙ্গু,  
মন্ত, গোময়, গোরস ও গোমূত্র এই সকল দ্রব্য শিরো-  
বিরেচক ! তন্মধ্যে পিপুল হইতে মরিচ পর্যন্ত দ্রব্যের

ফল, করবীর হইতে আকন্দ পর্যন্ত দ্রব্যের মূল, অর্ক অর্থাৎ শ্বেত আকন্দ হইতে শৃঙ্গবের পর্যন্ত দ্রব্যের কন্দ, তালীশ হইতে আর্জক দ্রব্যের পত্র, পর্যন্ত দ্রব্যের পত্র, ইন্দুদী ও মেড়াশৃঙ্গীর তক, মাতুলুঙ্গী, মুরঙ্গী ( রক্তপুষ্পসজিনা ), পীলু ও জাতীয় পুষ্প, শাল তাল ও মৌলের সার, চিঙ্গ ও লাক্ষার নির্যাস শিরো-বিরেচনার্থ প্রয়োজ্য।”

( সুক্ষ্মত সূত্রস্থান ৩৯ অধ্যায় )

সুক্ষ্মতের উপরোক্ত বচনেই দেখিলেন ‘তালীশ হইতে অর্জক পর্যন্ত দ্রব্যের পত্র’ অর্থাৎ তালীশপত্র, তমালপত্র, সুরসা তুলসীপত্র ও অর্জক তুলসীপত্র এই গুলির পত্র শিরোবিরেচনে প্রয়োজ্য। চরকেও নানা নানা ঔষধে শ্লেষ্মানাশক বা শিরোবিরেচক, দ্রব্যের সঙ্গে তমালপত্র ব্যবহৃত হইয়াছে দেখা যায়।\*

কিন্তু এই আয়ুর্বেদোক্ত তমালপত্র যে প্রকৃতই

\* উদাহরণরূপে চরক চিকিৎসাস্থান, ৩য় অধ্যায় উষ্ণাভিপ্রায়িক জ্বররোগের ঔষধ অগুর্বাদি তৈল দেখ।

## মুদীর দোকান

তামাক তাহার প্রমাণ কি? প্রথমতঃ, তমাল বা তমালক ও তামাক উভয়ের নামের সাদৃশ্য। ৩ তৃতীয়তঃ, আয়ুর্বেদে তমালপত্রকে ঘেরুপ শিরো-বিরেচকগণের মধ্যে ধরা হইয়াছে, বর্তমান কালেও সেরুপ দেখা যায় তামাক শিরোবিরেচক নস্তুরূপে সচরাচর ব্যবহৃত হয়। তৃতীয়তঃ, যখন দেখি অতি প্রাচীনকালেও লোকে তমালপত্র প্রভৃতি শিরোবিরেচক দ্রব্যের ধূমপান করিত, তখন তমালপত্র যে তামাক সে বিষয়ে অল্পই সন্দেহ থাকে। শিরোবিরেচক দ্রব্যের দ্বারা ধূমপানের গুণের কথা সুশ্রাব স্পষ্টত উক্ত হইয়াছে—

+ তমাল ও তমালক শব্দদ্বয় একার্থবাচক। রামায়ণে ‘তমাল’ কোম কোন স্থলে ‘তমালক’ শব্দরূপেও ব্যবহৃত হইয়াছে দেখা যায়।— যথা, ততঃ সরলতালশ তিলকাঃ সতমালকাঃ’ (অষ্টোধ্যা কাৎ, ১১ সর্গ, ৫১ শ্লোক) এই ‘তমালক’ শব্দের ‘ল’ ‘র’ হইয়া অপভ্রষ্টাকারে ‘তামাক’ হইয়াছে। তমালক=তমারক=তাত্রাক=তামাক। মালয় পেনিন্সুলাবাসী অসভ্যেরাও তামাককে ‘তাত্রাক’ বলে।

“বৈরেচনঃ শ্লেষ্মাণমুৎক্লেশ্যাপকর্ষতি রৌক্ষাং তৈক্ষ্যা-  
দৌষ্যাদৈশত্বাচ ।”

“বৈরেচন ধূম রৌক্ষ্য, তৈক্ষ্য, ঔষ্য ও বৈশত্য গুণে  
কফকে উৎক্লেশিত ( বহিগমনোন্মুখ ) করিয়া নিঃসারণ  
করে ।”

( সুক্রিত চিকিৎসাস্থান ৪০ অধ্যায় )

তমালপত্র যে প্রকৃতই তামাক স্ফন্দপুরাণের কথায়  
সে বিষয়ে আর বিন্দুমাত্র সংশয় থাকে না । চরক  
সুক্রিতের কালে দেখি ঔষধস্মরূপে শিরোবিরেচনাদির  
জন্য বা শ্লেষ্মাদূরীকরণের জন্য তমালপত্রের ধূমপান  
ব্যবহৃত হইত । কিন্তু তৎপরে ক্রমে অপেক্ষাকৃত  
আধুনিক কালের পৌরাণিক যুগে তমালপত্রের ধূমপান  
অতিমাত্রায় প্রচলিত হইয়া পড়িয়াছিল ;—যেমন আজ-  
কাল অন্নদিন মধ্যে চাপানের প্রচলন অপ্রতিহত ভাবে  
চলিয়াছে অনেকটা সেইরূপ । তাই স্ফন্দপুরাণ দেখিতে  
পাই ধূমপানের প্রসঙ্গে একমাত্র তমালপত্রেই উল্লেখ  
করিয়াছেন । যখন তমালপত্রের ধূমপান অতিমাত্রায়  
সর্বসাধারণে প্রচলিত হইয়া দেশময় উহার কুফল

## মুদীর দোকান

প্রসব করিতে লাগিল তখন পুরাণকার উহার প্রতিবিধানে উত্ত হইলেন। সেই সময় পুরাণে উহার নিষেধাজ্ঞা প্রচারিত হইল। তাই পুরাণকার ঋষি তমালপত্রের ধূমপানে লোকে মহানরকে পতিত হইবে ইত্যাদি ভৌতিকপ্রদর্শনে উহা সেবন করিতে সকলকে নিষেধ করিতেছেন।—

ধূমপানেন তো প্রেতাঃ প্রেতত্ত্বক্ষেব জায়তে ।  
কলৌ তু কলিকৃপঃ হি তমালমেব জায়তে ॥

\* \* \* \*

ঘোরে কলিযুগে প্রাপ্তে সর্বে বর্ণাশ্রমাঃ নরাঃ ।  
নরকেষু পতিষ্যন্তি তমালস্ত চ পানতঃ ॥  
উপাসন্তে তমালং বৈ কলৌ তু পুরুষাধমঃ ।  
ক্ষীণপুণ্যা পতিষ্যন্তি মহারৌরবসংজ্ঞকে ।  
অভক্ষ্য ভক্ষণাঃ পাপমগম্যাগমনাচ্ছ যৎ ।  
মদ্পানাচ্ছ যৎ পাপং ধূমপানস্ত মাত্রতঃ ॥ \*

\* ক্ষৰ্দপুরাণ মথুরাখণ্ড ৫২ অধ্যায়—পাঞ্জাব প্রদেশের একাশিত পুস্তক হইতে উদ্ধৃত।

“ধূমপানকাৰীৰা মিৱিয়া প্ৰেতত্ব প্ৰাপ্ত হয়। কলিতে তমালপত্ৰ কলিৱুপ হইয়া জন্মিয়াছে। ঘোৱ কলি আসিলে সকল বৰ্ণাশ্রমীৱাই তমালপত্ৰ সেবনে নৱকে পতিত হবে। যাহাৱা পুৱুষাধম তাৰাই কলিতে তমালেৱ উপাসনা কৱিবে; তাৰাতে তাৰাই ক্ষীণপুণ্য হইয়া মহারৌৰব নৱকে পতিত হইবে। অভক্ষ্য ভক্ষণেৱ যে পাপ অগম্যাগমনেৱ যে পাপ মন্দপানেৱ যে পাপ ধূমপানে সেই পাপ হয়।”

ক্ষন্দপুৱাণোক্ত এই তমালেৱ ধূমপান তামাকেৱ ধূমপান ব্যতীত আৱ কি মনে হয়? বন্ততঃ তমাল ও তামাক একই বন্ত। কলিতে ধূমপানেৱ জন্ম লোকে আৱ অন্ত কোন্ বন্তৰ উপাসনা কৱে? ধূমপানেৱ সহিত একাত্মতাৰ তামাক ব্যতীত জগতে অন্ত কোন্ জিনিষেৱ দেখা যায়? ক্ষন্দপুৱাণ বড় আজকালেৱ পুৱাণ নহে, ন্যানাধিক ছই সহস্র বৎসৱ পূৰ্বে ইহাৰ অস্তিত্ব ছিল অবগত হওয়া যায়। ইহা যে কত পুৱা-কালেৱ তাৰার আভাস দিবাৰ জন্ম কোন ইংৱাজ ঐতিহাসিকেৱ মত উন্ন্যত কৱিলাম,—Independent

proof of the existence of the Skandapurana at the same period afforded by a Bengal Manuscript of that work, written in Gupta hand, to which as early a date as the middle of the seventh century can be assigned on palaegraphical grounds. \*

অর্থাৎ স্কন্দপুরাণের যে বঙ্গীয় গুপ্ত অক্ষরের পুঁথি পাওয়া গিয়াছে তাহা দেখিয়া ইহা স্থির বলা যায় যে খণ্ডীয় সপ্তম শতাব্দিতে ইহার প্রচলন ছিল।

পদ্মপুরাণের কোন কোন হস্তলিখিত পুঁথিতে ‘তমাল’ পত্রের উৎপত্তির উল্লেখ দেখিতে পাওয়া যায়। তাহাতে দেখি তমালপত্র গোকর্ণ হইতে উৎপন্ন বলিয়া উক্ত হইয়াছে—

গোলোকে গুরুড়ো গোভিষ্মুং কং চৈব চকার সঃ ।  
গুরুড়ুষ্ট তুণ্ডেন পুচ্ছকর্ণাস্তদাহপতন् ॥

\* The Early History of India by Vincent A. Smith,

রুধিরং চ পপাতোব্যাং তৌণি বস্তুনি চাভবন্ ।

কর্ণেভ্যশ্চ তমালং চ পুচ্ছাদেগাভী বভূব হ ॥

“গুরুড় গোলোকে গিয়া গোগণের সহিত যুদ্ধ করিলেন ।  
গুরুড়ের তুঙ্গাঘাতে পৃথিবীতে গোগণের রুধির, পুচ্ছ ও  
কর্ণ পতিত হইল । কর্ণ হইতে তমাল, পুচ্ছ হইতে  
গোভী উৎপন্ন হইল ।” + তমালপত্র গোকর্ণের সমগ্রণা-  
অক কিনা বলিতে পারি না কিন্তু তমালপত্রের আকার  
অনেকটা গোকর্ণের সদৃশ । তবে এইটুকু বলা যায় যে  
চরক ও সুশ্রাতে তমালপত্র গোশকৃদ্রস গো-স্নায় ও  
গোপুচ্ছ এইগুলিকে শ্লেষ্মানাশক বা শিরোবিরেচক-  
গণের মধ্যে ধরা হইয়াছে । এই গুলি সন্তুষ্টঃ রক্ত  
উষ্ণকারী ।

রামায়ণের সময়েও তমালপত্র যে অবিদিত ছিল,  
তাহা মনে হয় না । রাবণ যখন আকাশগামী রথে

+ পঞ্জাব প্রদেশে প্রকাশিত কোন গ্রন্থ হইতে উক্ত । এই  
প্রবন্ধ যখন ‘সাহিত্য সংয়’ প্রথম পঢ়িত হয়, তখন স্বল্প পুরাণ  
বা পদ্ম পুরাণ বঙ্গদেশে প্রকাশিত হয় নাই ।

## মুদীর দোকান

আরোহণ করিয়া রামকে আক্রমণ করিবার জন্য নানা  
বন উপবন উত্থান নদনদী পর্বত দেখিতে দেখিতে  
চলিয়াছেন, রামায়ণে সেই সকল দৃশ্য অতি সুন্দররূপে  
বর্ণিত হইয়াছে। সেই দৃশ্যসমূহ বর্ণনাকালে দেখিবেন  
বাল্মীকি একস্থলে ক্ষুদ্র মরীচগুলোর সঙ্গে তমালের  
উল্লেখ করিয়াছেন; এই তমাল আমার মনে হয় ক্ষুদ্র  
তামাকের গাছ মাত্র—যথা,

কক্ষেলানাঙ্ক জাত্যানাঃ ফলিনাঙ্ক সুগন্ধিনাম্ ।

‘পুষ্পাণি চ তমালস্য গুল্মাণি মরিচসা চ।’ \*

জয়দেব যে তমালের ঢায়ায় বনভূমি ঘোর হইয়া  
গেছে “বনভূবঃ শ্যামাস্তমালদ্রুমেঃ” বলিয়া বর্ণনা  
করিয়াছেন, সেই প্রকাণ্ড তমাল দ্রুমের পার্শ্বে ক্ষুদ্র  
মরিচগুলোর একত্র উল্লেখ বাল্মীকির মত কবি  
কথনই করিতে পারেন না—তাহাতে বড়ই অসম্ভব  
দোষ হয়, তাহা হইলে তাঁহার কবিত্ব অস্বীকার করিতে  
হয়। বস্তুতঃ এই তমাল, তমালদ্রুম বা তমাল

রামায়ণ অরণ্যাকাণ্ড ও৬ সর্গ।

তরু নহে ইহা তামাকের চারা, তাই তমালগুল্ম বা তামাকের চারা ক্ষুদ্র মরিচ-গুল্মের পার্শ্বে স্থাপিত! পূর্বেই দেখাইয়া আসিয়াছি তমাল ও মরিচ একই শ্রেণীর—শিরোবিরেচকগণের অন্তর্গত, তাই কবি বাল্মীকি উহাদিগের একত্র উল্লেখ না করিয়া যাইতে পারেন নাই। আরো আমাদের উক্তি সমর্থিত হয়, যখন দেখি ইহার সাতটা শ্লোক পূর্বেই যেখানে প্রকাণ্ড তমালতরুর কথা বলা হইতেছে, সেগুলে উহার বৃহত্ত জ্ঞাপনের জন্য শাল তাল প্রভৃতি বড় বড় গাছের সঙ্গে এক পংক্তিতে স্থাপিত হইয়াছে। শুন্দি উপরোক্ত শ্লোকে নহে, রামায়ণে যেখানেই তমালতরুর ( তমাল গুল্মের নয় ) উল্লেখ আছে সেইখানেই শাল তাল প্রভৃতি বড় বড় বৃক্ষের সঙ্গে একযোগে উক্ত হইয়াছে দেখা যায়। যথা,

শালৈস্তালৈস্তমালৈশ্চ তরুভিশ্চ সুপুস্পিতেঃ ।”

অন্তর্দ্বা—

”শালৈস্তালৈস্তমালৈশ্চ খর্জুরৈঃ পনসদ্রুমৈঃ ।”

( আরণ্য কাণ্ড ১৫ সর্গ )

## যুদ্ধীর দোকান

যখন চরক সুক্ষ্মত প্রভৃতি বৈদিক ঋষিগণের সময়ে  
তমালপত্র বা তামাক জ্ঞাত ছিল, তখন রামায়ণে যে  
উহার প্রসঙ্গ থাকিবে তাহাতে আর বিশ্বয় কি ?

এতক্ষণ আমরা দেখাইলাম যে তমালপত্রই আজ-  
কালের তামাক এবং তামাকের ধূমপান অতি প্রাচীন  
কাল হইতে ভারতে প্রচলিত ছিল। এক্ষণে দেখা  
যাক ভারতে তামাকের প্রচলন সম্বন্ধে যুরোপীয়দিগের  
মতামত কি ? তাঁহাদের মতে ১৪৯২ খ্রিষ্টাব্দে কলম্বস  
West Indies দ্বীপপুঞ্জে অসভ্যদিগের নিকট ইহার  
প্রথম সন্ধান প্রাপ্ত হন। ইংলণ্ডেশ্বরী এলিজাবেথের  
রাজত্বকালে স্থৱ ওয়াল্টার রালে কর্তৃক ইংলণ্ডে তামা-  
কের ধূমপান প্রথম প্রচলিত হয়। যুরোপীয় গ্রন্থকার-  
দিগের মতে— ১৬০৫ খ্রিষ্টাব্দে আকবরের রাজত্বের শেষ  
তাঁগে পোর্তুগীজদিগের কর্তৃক ইহা ভারতে, শুন্ধ  
ভারতে কেন সমগ্র আসিয়ায় প্রবর্তিত হয়। সংস্কৃত  
গ্রন্থাদিতে তাঁহাদের মতে তামাকের কোন উল্লেখই  
পাওয়া যায় না। এই মত সর্বজনস্বীকৃত হইয়া আজ  
পর্যন্ত স্থির সত্যরূপে জগতে প্রতিভাত হইতেছে।



শার ওয়ালটার রেলে



ভারতের গাছগাছড়ার ইতিহাস সম্বন্ধে যাঁহার তুল্য  
বহুদর্শী ব্যক্তি খুব অল্পই আছেন সেই Watt সাহেব  
কৃত Economic products of India হইতে  
কিয়দংশ উক্ত করিতেছি, তামাকুর আধুনিকতা  
প্রমাণে যাহা যুরোপীয়দিগের সারযুক্তি সে সকলই  
তাহাতে দেখিতে পাইবেন—“In fact the entire  
absence of any allusion to the plant in the  
works of early travellers, and in the latest  
Sanskrit writings and the universal  
adoption of a foreign name for the plant,  
are strong arguments in favour of the con-  
clusion that the use of tobacco was un-  
known to oriental nations before the begin-  
ning of the seventeenth century.

At this period the influence of the Portugese in the east was at its highest,  
and by all accounts it was through their  
means that the use of tobacco was first

## মুদীর দোকান

made known in Persia, Arabia, India and China.” \* অর্থাৎ “আদিম পর্যটকদিগের বৃত্তান্তে এবং আধুনিক সংস্কৃত গ্রন্থাদিতে ইহার একান্ত উল্লেখ-ভাব এবং পৃথিবীর সর্বত্র ইহার এক বিদেশীয় নামের প্রচলন, এই সুদৃঢ় প্রমাণবলে ইহা স্থিরসিদ্ধান্তে উপনীত হওয়া যায় যে সপ্তদশ শতাব্দীর পূর্বে প্রাচ্য মহাদেশে তামাকুর ব্যবহার অজ্ঞাত ছিল।

এইকালে প্রাচ্যভূখণ্ডে পর্তুগীজদিগের প্রভাব সর্বোচ্চ শিখরে উঠিয়াছিল, এবং তাহাদের দ্বারাই নিঃসন্দেহ পাসিয়া, আরব, ভারত এবং চীনদেশে তামাকু প্রথম প্রবর্তিত হয়।”

তাহা হইলেই যুরোপীয় মত দাঁড়াইল যে, ভারত-বাসীগণ ন্যূনাধিক ৩০০ বৎসর পূর্বে তামাকের ধূমপান যুরোপীয়দিগের কাছ হইতে শিক্ষা করেন। পাশ্চাত্যেরা কথায় কথায় প্রমাণ করিতে চান সর্ববিষয়ে ভারত তাহাদিগের নিকট ঝণী। কিন্তু সত্যকে লুকায়িত রাখি-

---

\* The Economic Products of India by George Watt.

বার উপায় নাই। তাই তাহাদের অন্ত মত পদে পদে  
খণ্ডিত হইয়া নৃতন সত্যালোকে ভারতের জয়ঘোষণা  
করিয়া দেয়।

এক্ষণে দেখা যাউক তামাক সেবনের যন্ত্রাদি জগতে  
কোথা হইতে প্রচারিত হইল? অধুনাকালে তামাকু  
সচরাচর জগতে ছই প্রকারে সেবিত হয়। এক,  
চুরুটের স্থায় ক্ষুদ্র বক্তিকাকারে মুখে রাখিয়া তাহার  
ধূমপান, আরেক যন্ত্রে নলসংযুক্ত করিয়া তাহার দ্বারা  
ধূম সেবন। চুরুট, বিগার, বিগারেট, বিড়ী এই  
সকল প্রথমোক্ত শ্রেণীর অন্তর্ভুক্ত এবং ছকা, গুড়গুড়ি,  
সট্কা এই সকল দ্বিতীয় শ্রেণীর অন্তর্গত। ধূমপানের  
এই ছই প্রকার উপায়ই যে ভারত হইতে দেশ-  
বিদেশে প্রচারিত হইয়াছে এক্ষণে তাহাই দেখাইব।

সর্বাগ্রে ‘বীগার,’ ‘বিগারেট’কেই ধরা যাক।  
পাঞ্চাত্যেরা অনুমান করেন ‘বীগার,’ ‘বিগারেট’ তাহারা  
স্পেনবাসৌদিগের নিকট হইতে পাইয়াছেন, এমন কি  
তাহারা বলেন, ‘সিগার’ শব্দের উৎপত্তি হইয়াছে  
স্পেনীয় ভাষা হইতে। Cigarএর উৎপত্তি নির্ণয়ে

তাহারা যে কিঙ্গুপ ভাস্ত মত প্রচার করিতেছেন, পাঠক-  
গণের কৌতুহল নিবারণের জন্য নিম্নে আমরা তাহা  
উক্ত করিলাম—“The word Cigar is of course  
Spanish, and comes by an indirect route  
from the Spanish ‘Cigarra’ a grasshopper.  
The ‘Cigarra’ is very frequent in Spanish  
gardens so that the word for a garden  
came to be ‘Cigarral’, and when the  
tobacco plant was first introduced into  
Spain from Cuba in the sixteenth century  
the Spaniards grew it in their gardens,  
and when duly prepared, rolled the leaf up  
for smoking as they had learned from the  
Indians. When one offered a smoke to a  
friend he would say, ‘Es de mi cigarral’—  
‘It is from my garden.’ Soon the expression  
came to be ‘Estos cigarros de mi cigarral’,  
and the word ‘Cigar’ speedily spread over

the world.” \* “ষীগাৰ শব্দটি নিশ্চয়ই স্পেনীয়  
শব্দ—উহার উৎপত্তি স্পেনীয় ‘সিগাৰা’ শব্দ হইতে,  
যাহার অর্থ ‘ঘেসো ফড়িং’। এই ঘেসো ফড়িং  
স্পেনের বাগানে প্রায়ই দেখা যায়। এই ঘেসো  
ফড়িংএর নাম হইতে বাগানের নামই হইয়াছে  
‘সিগাৰাল’। যখন তামাকের চারা প্রথমে ষোড়শ  
শতাব্দীতে cuba হইতে স্পেনে আনীত হয়, স্পেন-  
বাসীৱা তখন তাহা তাহাদেৱ বাগানে রোপণ কৰে।  
পৱে তামাকের পাতা তৈয়াৱৌ হইলে উহা তাহারা  
ধূমপানেৱ জন্য বক্তিৰাকাৰে গুটাইয়া রাখিতে শিখে।  
আমেৰিকাৰ বাসীদিগেৱ নিকটই ইহা শিক্ষা কৰে।  
যখন কোন লোকে তাহার বন্ধুকে ধূমপানেৱ জন্য  
চুৱট অপণ কৱিত তখন সন্তুবতঃ বলিত ‘es de mi  
cigarral’—অর্থাৎ ‘ইহা আমাৰ বাগানেৱ’। এই  
ৱকমে স্পেনীয় বাগানেৱ নাম ‘cigarral’ হইতেই  
'cigar' শব্দ উৎপন্ন হইয়া জগতে ছড়াইয়া পড়িয়াছে।”  
কিৱুপ কল্পনাৰ দৌড় দেখুন ! ঘেসোফড়িং হইতে

---

\* Household Words.

## মুদীর দোকান

বাগানের নাম হইল ‘সিগারাল’ এবং কিউবা  
হইতে আনিয়া প্রথমে তামাকের চারা স্পেনের বাগানে  
রোপণ করিল বলিয়া বাগানের নাম হইতে চুরটের  
নাম হইল ‘সিগার’! যে কোন প্রকারে হউক  
পাশ্চাত্যেরা দেখাইবেন যে কলম্বস কিউবা হইতে  
তামাক আনিবার পর জগতে চুরট প্রভৃতির  
আবির্ভাব। এ সকল মত সম্পূর্ণ অমাঞ্ছক। বস্তুতঃ  
চুরটের প্রস্তুতপ্রণালী হইতে cigar নামের উৎপত্তি।  
এবং আমরা দেখাইব বহুপূর্বে এমন কি বৈদিক  
যুগে ভারতে ‘সৌগার’ ‘ষীগার’ প্রস্তুত করিবার প্রণালী  
আবিস্কৃত হইয়াছিল এবং ভারত হইতেই ‘ষীগার’  
নাম সর্বত্র প্রচারিত হইয়াছে। পাশ্চাত্য গ্রন্থকার  
যে বলিতেছেন ‘ষীগার’ শব্দের উৎপত্তি বাগানের  
স্পেনীয় শব্দ ‘সিগারাল’ হইতে, বস্তুতঃ তাহা নয়।  
এই ‘cigar’ শব্দের উৎপত্তি সংস্কৃত ‘ইষীকা’ শব্দ  
হইতে হইয়াছে। ইষীকা অর্থে ঘাসবিশেষ—শর  
বা কাশতৃণ। বহু পূর্বে বৈদিক যুগে এই কাশতৃণের  
চতুর্দিকে ধূমপানের জ্বল লেপন করিয়া তাহা হইতে



କୁଳାମ୍ବ



‘বর্তি’ প্রস্তুত হইত, এবং সেই বর্তিকাই ধূমপানের জন্য সচরাচর ব্যবহৃত হইত। এই ‘ইষীকা’ শব্দই ‘ষীগার’ (cigar) শব্দের মূল। স্পেনীয় ভাষায় যে ঘেসো ফড়িংএর নাম ‘ষীগারা’ হইয়াছে তাহাও এই ঘাসের সংস্কৃত ‘ইষীকা’ শব্দ হইতেই আসিয়া থাকিবে। রামায়ণে এই ঘাস অর্থেই ‘ইষীকা’ শব্দ ব্যবহৃত হইয়াছে—

কুশকাশশরেষীকা যে চ কটকিণোদ্রমাঃ ।

তুলাজিনসমস্পর্শ্মী মার্গে মম সহ তয়া ॥ \* ॥

সংস্কৃত ‘ইষীকা’ বা ‘ইষীকাবর্তি’ হইতেই ‘ষীগার’ বা ‘ষীগারেট’ উৎপন্ন হইয়া জগতের সর্বত্র প্রচারিত হইয়া পড়িয়াছে। চরক সুক্ষ্ম ও বাগ্ভটাদি সুপ্রাচীন খনিপ্রণীত আয়ুর্বেদীয় গ্রন্থসমূহ হইতে দেখাইতেছি, পুরাকালে ভারতে ‘ইষীকা’ হইতে ধূমপানের জন্য কিরণে বর্তি বা চুরট প্রস্তুত হইত। বাগ্ভটে লিখিত আছে—

রামায়ণ অরণ্যাকাণ্ড ৩০ সর্গ ।

## শুদ্ধীর দোকান

জলেশ্বিতামহোরাত্রমিষ্ঠীকাং দ্বাদশাঙ্গুলাম্ ।


পিষ্টেধুর্মৌষধৈরেবং পঞ্চকৃত্তঃ প্রলেপয়েৎ ॥

বর্ত্তিরঙ্গুষ্ঠবৎ স্তুলা যবমধ্যা যথা ভবেৎ ।

চায়াঙ্গুকাং বিগর্ভাস্ত্বং স্নেহাভ্যন্তাং যথাযথম্ ॥


ধূমনেত্রার্পিতাং পাতুমগ্নিপুষ্টাং প্রয়োজয়েৎ ॥

“দ্বাদশ অঙ্গুল দীর্ঘ একটী ইষ্ঠীকা বা কুশত্রুণ জলে ভিজাইয়া ধূমবিধানোক্ত ঔষধ সকল পেষণ করিয়া সেই পিষ্ট ঔষধ দ্বারা ক্রমশঃ একুপ ভাবে পাঁচবার প্রলেপ দিবে, যেন উহার মধ্যভাগ অঙ্গুলবৎ স্তুল ও ছুট প্রান্ত সূক্ষ্ম হয়। পরে ঐ বর্ত্তিকা চায়াঙ্গুক করিয়া উহার মধ্য হইতে কুশ অপনীত করিয়া যথাযথ স্নেহাভ্যন্ত করিবে এবং বর্ত্তির এক প্রান্ত ধূমনেত্রের অর্থাৎ ধূমপানের নলের (cigar pipe) এর মধ্যে প্রবেশ করাইয়া অপর প্রান্ত অগ্নিপুষ্ট করিয়া উহার ধূমপান করিবে।” ধূমপানার্থ ‘কল্ক’ (বাঁটা তালপাকানো দ্রব্য) ইষ্ঠীকাতে প্রলিপ্ত হইয়া ইষ্ঠীকাকারে প্রস্তুত হইত বলিয়া ‘ইষ্ঠীকা’র বা শরকাঠির নামেই ধূমবর্ত্তি প্রসিদ্ধ হইয়া



ପ୍ରେମ କାଳିତ ଶୁଗପାଳ ମନ୍ଦି

"ପ୍ରେମ କାଳିତ"





পড়িয়াছে। \* ‘ইষীকাৰ্ত্তি’ সংক্ষিপ্ত হইয়া অর্থাৎ কেবলমাত্র ‘ইষীকা’ শব্দের ‘ই’ লোপ হইয়া বিদেশী ভাষায় ‘ষীগার’ৰূপে পরিণত হইয়াছে। অনেক সময়ে আকারান্ত শব্দের শেষে, উচ্চারণের সুবিধার জন্য ‘র’ আসিয়া জুটি—যেমন ‘কৰ্ত্তা’ শব্দের শেষে ‘র’ জুটিয়া পশ্চিমী ভাষায় ‘কৰ্ত্তার’ হইয়াছে—ষথা, “সৎকৰ্ত্তার” ‘ইষীকা’ও সেইরূপ উচ্চারণের সুবিধার জন্য ‘ইষীকাৱ’ হইয়া থাকিবে। ‘ইষীকা’ৰ হইতে ‘ষীকাৱ’ এবং ক্রমে ‘ষীকাৱ’এর ‘ক’ ‘গ’ হইয়া ‘ষীগাৱ’ হইয়াছে; যেমন ‘বিকাৱ’এর ‘ক’ ‘গ’ হইয়া ‘বিগাৱ’ উচ্চারিত হয়। উপরোক্ত চুৱট প্রস্তুত প্রণালী পাঠে ইহাও প্রতীয়মান হয় যে, ঠিক আজকাল ‘ষীগাৱ’ বা ‘চুৱটেৱ’ যেৱৰূপ গঠন হয় সেইরূপ গঠন সেই বৈদিককালেও ছিল, আজকাল যেমন সিগাৱের মধ্যভাগ স্থূল হইয়া প্রান্তভাগ অপেক্ষাকৃত সূক্ষ্ম হয় সেই প্রাচীন বৈদিক-যুগেও তাহাটি ছিল। সুশ্ৰূতেও এই ইষীকা বা

\* সিগাৱের দোকানে গিয়া দেখিয়াছি—আজকালও কোন কোন সিগাৱের মধ্যে শৱকাঠিৰ গ্রাম কাঠি প্রবৃষ্টি কৱানো থাকে।

## মুদীর দোকান

শরকাণ্ডে প্রলেপ দিয়া ধূমপানের বর্তি প্রস্তুত করিবার প্রণালী লিপিবদ্ধ আছে।—“তত্ত্ব প্রায়োগিকে বর্তি হস্পগতশরকাণ্ডঃ নিবাতাতপঙ্কামঙ্গারেষবদীপ্য নেত্-  
মূলস্ত্রোতসি প্রযুজ্য ধূমমাহরেতি জয়াৎ।” অর্থাৎ “প্রায়োগিক ধূমপানে শরকাণ্ড হইতে বর্তি নিষ্কাশিত, নিবাতাতপে সংশুক্ষ ও অঙ্গারায়িতে অবদীপ্ত এবং তাহা নেত্রমূল ছিদ্রে প্রবিষ্ট করাইয়া ধূমপানের জন্য বলিবে।”

ধূমবর্তি প্রস্তুতের জন্য চরকও ঐ একই প্রক্রিয়ার উপদেশ দিয়াছেন।—“পিষ্টু। লিষ্পেচ্ছারেষীকাঃ তাঃ  
বর্তিং যবসন্নিভাঃ।”

“ধূমপানের দ্রব্যগুলি জলে বাঁটিয়া যবমধ্যাকার ইষীকায় ( শরকাণ্ডে ) লেপ দিয়া বর্তি প্রস্তুত করিবে।” “এতস্তিন শাঙ্গাধর ভাবপ্রকাশ প্রভৃতি প্রধান প্রধান সকল আয়ুর্বেদীয় গ্রন্থেই ঐ ইষীকায় লেপন করিয়া ধূমবর্তি প্রস্তুতবিধান লিখিত আছে। তাহা হইলেই দেখা যাইতেছে যে প্রাচীনকালে ধূমবর্তি প্রস্তুত করিবার প্রধান উপকরণ ছিল ‘ইষীকা’। ক্রমে তাই

‘ইষীকা’ ও ‘ধূমবর্তি’ একার্থবাচক হইয়া দাঁড়াইয়াছে। ইষীকা শব্দের মধ্যস্থিত মূর্ধণ্য ‘ষ’য়ে দীর্ঘ ‘ঈ’ যুক্ত থাকায় উচ্চারণকালে সহজেই পূর্ববর্তী হস্তইকার লোপ হইয়া যায়। এইরূপে ‘ইষীকা’র পরিণতি ‘ষীকা’ হওয়া স্বাভাবিক। ক্রমেয় ‘ষীকা’ ভাষাস্তরিত হটবাৰ কালে শব্দের শেষে ‘ৱ’ যুক্ত হইয়া ও ‘ক’ ‘গ’ হইয়া যুরোপীয় ভাষাসমূহে ‘ষীগাৰ’ ( cigar ) রূপে পরিণত হইয়াছে।

আঘূর্বেদের ধূমবর্তি যে ক্রমে ভারতে বিলাস-সামগ্ৰীতে পরিণত হইয়াছিল তাহার প্রমাণের অভাব নাই। কারণ সংস্কৃত কাব্যগ্রন্থাদিতেও ইহার উল্লেখ দেখা যায়। সুপ্রসিদ্ধ কাদম্বরী গ্রন্থে শুদ্ধক রাজাৰ বৰ্ণনাকালে তামুল সেবনান্তে “পরিপীত ধূমবর্তি” বলিয়া চুৱট পানের কথা স্পষ্টই লিখিত আছে। এই ‘ধূমবর্তি’ তমালপত্র বা তামাকের ধূমবর্তি বা অন্য কোন দ্রব্য-প্রস্তুত বর্তি তাহা জানিবাৰ উপায় নাই। তবে ঐ ধূমবর্তি যে ‘ষীগাৰ’ বা চুৱট তাহা স্থিৱ। এই ‘ধূমবর্তি’ শব্দ কাদম্বরীৰ নিজস্ব নহে, উহা বৈদিকযুগেৰ

## শুদ্ধীর দোকান

ঝি-উচ্চারিত শব্দ, যথা—‘ধূমবর্ত্তিপুরেণগন্ধেঃ সকুষ্ট-  
স্তগৈরেন্তথা ।’

( চরক চিকিৎসাস্থান ২৬ অধ্যায় )


“কাদম্বরীর গ্রাম কাব্যগ্রন্থে বিলাসসামগ্রীরূপে  
চুরটপানের কথা দেখিয়া বুঝা যায় ইহা কাদম্বরীর  
কালে অন্ততঃ বিলাসসামগ্রীরূপে প্রচলিত হইয়া  
পড়িয়াছিল। কাদম্বরী বড় আজকালের গ্রন্থ নহে।  
কাদম্বরী গ্রন্থকার প্রায় ১২০০ বৎসর পূর্বে শিলাদিত্য  
রাজার সভায় নিষুক্ত ছিলেন। শিলাদিত্যের রাজত্ব-  
কাল খৃষ্টাব্দ ৬১০ হইতে ৬৫০ বৎসর পর্যন্ত স্থিরীকৃত  
হইয়াছে। কোথায় যুরোপীয় ঐতিহাসিকগণের মতে  
কলম্বসের আবির্ভাবের পর, ৩০০ বৎসর পূর্বে মাত্র  
চুরট বা ঘিগারের প্রচলন, আর কোথায় যুগযুগান্তর  
পূর্বের চরকশুল্কত প্রভৃতি আয়ুর্বেদীয় গ্রন্থে এবং  
১৩০০ বৎসর পূর্বের সংস্কৃত কাব্যগ্রন্থাদিতে ইহার  
উল্লেখ ! একবার ভাবিয়া দেখুন যুরোপীয় ঐতিহাসিক  
গণের মতে ও প্রকৃত সত্যে কি আকাশ পাতাল প্রভেদ !

শুন্ধ ঘিগার বা চুরট কেন এই আমাদের স্বদেশ-


প্রচলিত ‘হুক’ বা ‘গুড়গুড়ি’ প্রভৃতিও সেই বৈদিক যুগেরই আবিষ্কৃত। আমাদের দেশীয় লোকদের মধ্যে সাধারণতঃ সকলেরই এক ধারণা আছে এই যে, ‘হুকা’ প্রভৃতি তামাকু সেবনের যন্ত্র মুসলমানেরা ভারতে আনয়ন করেন। যুরোপীয় পণ্ডিতেরাও এ বিষয়ে একেবারে মোহম্মদ, তাই হুকা ও গুড়গুড়ি প্রভৃতির আবিষ্কারের ভার মোগলসন্নাট আকবর শাহার স্ফুরে তাঁহারা চাপাইতে চাহেন। প্রায় মাসাধিক কাল হইল কোন সুপ্রসিদ্ধ ইংরাজী সন্ধাদপত্রে এ সন্দেশে এক প্রবন্ধ প্রকাশিত হয় এই মৰ্ম্ম যে, দিল্লীশ্বর আকবর শাহার রাজত্বকালে হুকা যন্ত্র প্রথম আবিষ্কৃত হইয়া তৎকর্তৃক উহা ভারতে প্রচলিত হয়। সন্তুষ্টঃ ইংরাজের এ সকল কথা ‘খলাসাং তবারিখ’ প্রভৃতি মুসলমান গ্রন্থের প্রতিধ্বনি মাত্র। কারণ ঐরূপ হ একটী মুসলমান ইতিহাস গ্রন্থে লিখিত আছে যে, তামাক আকবরশার রাজত্বকালে পর্তুগীজেরা ভারতে আনয়ন করে এবং তামাকের সঙ্গে সঙ্গে ‘হুকা’ প্রভৃতির প্রচলন আরম্ভ হয়। কিন্তু ইহা সম্পূর্ণ অজ্ঞের বাক্য !

## শুদ্ধীর দোকান

হঁকা যন্ত্রের আবিষ্কারের জন্য যদি কাহাদের ধীশক্তির প্রশংসা কৌর্তন করিতে হয় ত সে বৈদিক খণ্ডিগের। হকায়ন্ত্রটি প্রকৃতপক্ষে বৈদিক খণ্ডিগের আবিষ্কৃত। হকার সেই কল্পে, সেই খোল, সেই দীর্ঘ নল ভারতে অতি প্রাচীনকাল হইতে চলিয়া আসিতেছে—হকা আকবর শাহার উন্নাবিত নয়। হকা ও গুড়গুড়ি প্রভৃতি নামের বিশেষ কোন সার্থকতা নাই, উহারা আরবী বা পারসী শব্দ নহে, অথবা সংস্কৃতও নহে, ধূমপানের সময় হক হক বা গুড় গুড় শব্দ উৎপন্ন হয় বলিয়া ঐ সকল নাম চলিত হইয়া গেছে। কিন্তু হকার ‘কল্প’, যাহাতে তামাক সাজা হয়, সেই ‘কল্প’ নামটি সংস্কৃত; উহাতে কল্পদ্রব্য (বাঁটা তাল-পাকানো দ্রব্য) রাখা হয় বলিয়া উহার নাম ‘কল্প’ হইয়াছে। বস্তুতঃ তামাক খাইতে হইলে চুরটের অ্যায় শুক তামাক পাতায় খাওয়া চলে না। তামাক কুট্টিত করিয়া উহাতে গুড় প্রভৃতি নানা উপকরণ ও শুগন্ধিদ্রব্য সম্মিশ্রণে কল্প (বাঁটা জিনিষ) প্রস্তুত করিয়া উহা ‘কল্প’ বা কল্পাধারে স্থাপন পূর্বক অগ্নি-সংযোগে খাইতে হয়। ‘কল্প’ শব্দটি আয়ু-



କଳେଶ୍ୱର ଡାବା ଲୁକା



ନର୍ଗିଲେ



বেদেই বিশেষ ব্যবহৃত হয় ; কোন বাঁটা তাল-পাকানো  
জিনিষের নাম ‘কল্প’। কল্প শব্দ হইতে ‘কল্পে’র উৎপত্তি ।  
‘কল্পে’ অর্থাৎ ‘কল্পীয়’ বা ‘কল্পাধার’। এই ‘কল্পাধার’এর  
আরও দুইটি নাম আছে—‘মল্লকসম্পূর্ট’ অর্থাৎ ঢাকনি-  
বিশিষ্টমালা। ও শরাবসম্পূর্ট বা ঢাকনিবিশিষ্ট শরা।  
এই কল্পাধারে যেরূপে ‘নলিকা’ সংযুক্ত করিয়া ধূম পীত  
হইত তাহাও চরক হইতে প্রদর্শিত হইতেছে :—

দশাঙ্গুলোমিতাং নাড়ীং অথবাষ্টাঙ্গুলোমিতাং ।

শরাবসম্পূর্টচ্ছিদ্রে কৃত্বা জৃঙ্খাং বিচক্ষণঃ ।

বৈরেচনং মুখেনৈব কাসবান্ ধূমমাপিবেৎ ॥

অর্থাৎ “দশ বা আট আঙ্গুল পরিমিত নল কল্পের  
ছিদ্রে যুক্ত করিয়া মুখের দ্বারা বৈরেচন ধূমপান করিবে ।”  
ঠিক আজকাল যেমন কল্পের ছিদ্রে হকার নল যুক্ত থাকে  
সেই প্রাচীনকালেও সেইরূপ করা হইত ।

হঁকার নলিকাটী কিরূপ হওয়া উচিত তাহাও  
বলিতেছি—

ঝজুত্রিকোষাফলিতং কোলাস্ত্যগ্রপ্রমাণিতং ।

বস্তিনেত্রসমন্তব্যং ধূমনেত্রং প্রশস্ততে ॥

## মুদ্দার দোকান

“ধূমনলিকা ত্রিকোষাফলিত হইবে অর্থাৎ নলিকাটীকে তিনটী কোষ বা খোলের মধ্যে দিয়া লইয়া যাইতে হইবে। কিন্তু নলিকার প্রত্যেক দণ্ড ঝজু বা সরল হওয়া আবশ্যিক। নলের অগ্রভাগের ছিদ্র কুলের আঁটীর প্রমাণ হইবে। ধাতু কাষ্ঠ, অস্তি, ও বেগু প্রভৃতি যে যে দ্রব্যে বস্তিনল প্রস্তুত করিতে হয় ইহাও সেই সেই দ্রব্যে প্রস্তুত করিতে হইবে।” \*

এখনকার হৃকার নলিকা ‘ত্রিকোষাফলিত’ করা হয় না।—একটু সংক্ষিপ্ত করিয়া ‘এককোষাফলিত’ করা

\* চরক সূত্রস্থান ৫মে অধ্যায়। সুপ্রসিদ্ধ চরকের অনুবাদক শ্রীযুক্ত অবিনাশ কবিরাজ মহাশয় তৎক্রত চরকের অনুবাদে ‘ত্রিকোষাফলিত’ শব্দের ‘ত্রিবঙ্গুর’ অর্থ করিয়াছেন। অনুবাদোন্নিধিত্বে “ত্রিবঙ্গুর” শব্দের ঠিক মৰ্ম্ম বুঝা গেল না—বোধ হয় ‘তিনটী থাঁজে বিভক্ত’ এই ভাব বাঞ্ছনা করিতেছে। কিন্তু চরকের “ত্রিকোষাফলিত” শব্দ কত সহজে আত্মপ্রকাশ করিতেছে দেখুন—“ত্রিকোষাফলিত” শব্দের প্রকৃত অর্থ এই যে তিনটী কোষ বা খোলের মধ্য দিয়া ফলিত—অনুবাদক মহাশয় সে বিষয়ে কোন লক্ষ্যই করেন নাই।

হয়। এখনকার ছ'কায় প্রথমে 'কঙ্কের' ছিদ্রে একটী নল  
সংযুক্ত করিয়া সেই নলটী একটী কোষে বা ডাবের  
খোলে প্রবিষ্ট করান হয়, এবং তাহার সহিত  
আরেকটী নল সংশ্লিষ্ট করিয়া কল্প দ্রব্যের ধূম পীত  
হয়। পুরাকালে নলিকাটী 'ত্রিকোষাফলিত' করিবার  
কারণ ধূমের তীক্ষ্ণতা লাঘব করা,—Nicotine দূর  
করা। কিন্তু এক্ষণে একটী কোষেরই মধ্যে জল স্থাপিত  
করায় ধূমটী জলের মধ্য দিয়া আসাতে তাহা  
সহজেই সম্পূর্ণ হয়, তাই আর 'ত্রিকোষাফলিত'  
করিবার আবশ্যক হয় না। ইহাত গেল ডাবা ছ'কার  
কথা। মুসলমানী ছ'কায় নলটীকে অনেক সময়ে  
ছফেরতা বাঁকাইয়া প্রবেশ করাইয়া দেয়। বড় বড়  
বৈঠকখানায় 'সট্কা' বা 'গড়গড়া'র যে কুণ্ডলাকৃতি নল  
পড়িয়া থাকে তাহাও সেকালেরই প্রবণ্তি। অনেক  
সময়ে নলটী দীর্ঘ নাড়ীর আকারে নির্মাণ করা হইত  
বলিয়া উহার আরেক নামই ছিল 'নাড়ী'। নলটী  
যত দীর্ঘ পর্বচ্ছিন্ন (অর্থাৎ পর্বে বিভক্ত) হইবে, চরকের  
মতে ধূম ততই অধিক গুণকারী হইবে।—

## মুদীর দোকান

দূরাদ্বিনির্গতঃ পর্বচ্ছিমো নাড়ীতনুকৃতঃ ।

নেপ্তুয়ং বাধতে ধূমো মাত্রাকালনিষেবিতঃ ॥

“দূরাগত নলিকান্তর্গত যে ধূম পর্বচ্ছিম এবং ক্রমশঃ সুস্ফুর ভাবে আগত, সেই ধূম যথা মাত্রায় এবং যথাকালে সেবিত হইলে ইন্দ্রিয়ের কোন হানি হয় না।” এই কারণেই দীর্ঘ নলবিশিষ্ট গড়গড়া প্রভৃতি বড়লোকের বৈঠকখানায় সৌধীন আয়েশের সামগ্ৰীৱাপে স্থান পাইয়াছে। এক্ষণে পাঠক বলুন দেখি ছঁকার কোন জিনিষটী আকবৰ শাহার উন্নাবিত বা মুসলমানদের আমলে প্রবর্তিত। প্রকৃত কথা এই যে, cubaৱ অসভ্যদিগের মধ্যে ধূমপান প্রচলিত দেখিয়া যুরোপীয়দিগের মাথা ঘুরিয়া গিয়াছে। কিন্তু উহাতে মাথা ঘুরিবার কোন কারণই আমরা দেখি না। প্রথমে কোন এক যন্ত্র সুসভ্য মানবসমাজে আবিষ্কৃত হইলে তাহা কালক্রমে ক্ষুদ্রাতিক্ষুদ্র অসভ্য-সমাজেও বিস্তাৱিত হইয়া পড়ে। এই কারণে ভাৰতীয় ক্ষণিয়দিগের ধনুর্বাণ অতি অসভ্যজাতিৰ মধ্যেও অন্তরূপে ব্যবহৃত হয়। আজকাল যেমন সভ্যজাতিৰ

আবিস্কৃত বন্দুক প্রভৃতি যন্ত্র অশিক্ষিত অসভ্যরাও ব্যবহার করিতে শিখিয়াছে, ধূমপানের যন্ত্রাদিও সেইরূপ মহা মহা জ্ঞানী ঋষিদিগের মস্তিষ্ক হইতে উত্তৃত হইয়া জগতের চতুর্দিকে দেশবিদেশে ছড়াইয়া পড়িয়াছে।

কেবল আমেরিকার cubaয় কেন ভারতীয় দ্বীপ-পুঁজের ঘোর অসভ্য জাতিদিগের মধ্যেও তামাক ও ধূমপানের প্রচলন বহুকাল হইতে দেখা যায়। নিউ-গিনির অসভ্যজাতি ‘পাপুয়ান’দিগের মধ্যে যুরোপীয়-দিগের আগমনের বহুকাল পূর্ব হইতে যে তামাক ও ধূমপানের বিশেষ আদর ছিল তাহা কেব্রিজের অধ্যাপক মানবজাতিত্ত্বের ব্যাখ্যাতা সুপর্ণিত হ্যাডন সাহেব তৎকৃত ‘হেড-হার্টার্শ’ নামক গ্রন্থে স্পষ্টই লিখিয়া গিয়াছেন। ‘Although smoking was practised in these islands before the white men came, and they grew their own tobacco, they never smoked much at a time. The native pipe is made of a piece of bamboo from about a

## মুদৌর দোকান

foot to between two and three feet in length.

\* \* \* \* They enjoy it greatly and value tobacco very highly, they will usually sell almost anything they possess for same.' \*

এক্ষণে শ্রোতৃবর্গের মনে একটা এই প্রশ্ন উঠিতে পারে যে তামাকের প্রকৃত জন্মস্থান কোথায় ? তাহার উত্তরে এই বলি যে, যখন বৈদিক যুগ হইতে তামাক ভারতে প্রচলিত, তখন তামাক যে ভারতের সামগ্ৰী সে বিষয়ে সন্দেহ হইতে পারে না। আমাৰ মনে তয় তামাকের আদি জন্মস্থান ভারতের দাক্ষিণাত্য। প্রাচীনকালে অস্ততঃ ভাৰতবাসীৱাই এইখানে ইহার প্রথম সন্ধান প্রাপ্ত হন। এক্ষণেও দাক্ষিণাত্যের গোদাবৰীতীৰ উৎকৃষ্ট তামাকের জন্য প্ৰসিদ্ধ। Madras Manual Abministration পুস্তকে যাহা লিখিত হইয়াছে তাহাতে দেখুন গোদাবৰী দেশোৎপন্ন তামাকের কত না প্ৰশংসা !—“Tobacco is grown more or

---

\* Head-Hunters by Alfred Haddon Sc. D. F. R. S.

less throughout the presidency, with the exception of Malabar and the Hill ranges, but the chief localities of production are the alluvial lands of the Godabari district, where is grown the well known 'Lunka' tobacco (so named from the lunkas or river islands on which it is cultivated), and parts of the Coimbatore and Madura districts, from which the Trichinopoly cheroot manufacturers draw their supplies of raw material.

\* \* \* \* Of the more esteemed tobaccos used for European consumption, the best of the Godabari produce is grown on these alluvial lands which receive rich deposits of silt in the river floods and are out of the influence of the sea freshes. \*

“কেবল মালাবার

\* Madras Manual of Adminstration, Vol. I, 292 (1885.)

## ମୁଦ୍ରାର ଦୋକାନ

ଓ ପାର୍ବତ୍ୟ ଅଞ୍ଚଳ ଭିନ୍ନ ମାନ୍ଦ୍ରାଜ ପ୍ରଦେଶର ସର୍ବତ୍ରଇ ନୂନା-  
ଧିକ ପରିମାଣେ ତାମାକୁ ଉତ୍ପନ୍ନ ହୟ, କିନ୍ତୁ ଗୋଦାବରୀର  
ତୌର ବା ଚରପ୍ରଦେଶ ତାମାକ ଉତ୍ପତ୍ତିର ଜନ୍ମ ସର୍ବତ୍ରେଷ୍ଠ ।  
ଏହିଥାନେ ଓ କଇସ୍ଵାଟୁର ଓ ମାଛରା ଜିଲ୍ଲାର କୋନ କୋନ  
ଅଂଶେ ସୁପ୍ରସିଦ୍ଧ ‘ଲଙ୍କା’ ତାମାକ ଉତ୍ପନ୍ନ ହୟ, ତ୍ରିଚିନପଲ୍ଲୀର  
‘ଶୀଗାର’ ପ୍ରସ୍ତରକାରୀରା ଏହିଥାନ ହଟିତେ ଉହା ସଂଗ୍ରହ  
କରିଯା ଥାକେ । ‘ଲଙ୍କା’ ତାମାକ ନାମ ହଇଯାଛେ ନଦୀ-  
ମଧ୍ୟଶିତ୍ର ଦ୍ୱୀପେର ନାମେ । ନଦୀମଧ୍ୟଶିତ୍ର ଦ୍ୱୀପକେ ଏହିଦେଶେ  
ଲଙ୍କା ବଲେ । ଏହି ଲଙ୍କା ତାମାକ ଯୁରୋପୀଯଦିଗେର ବଡ଼ଇ  
ପ୍ରିୟ ଏବଂ ସର୍ବୋତ୍କଳ୍ପ ଲଙ୍କା ତାମାକ ଏକମାତ୍ର ଗୋଦାବରୀ-  
ତୌରଙ୍ଗ ପ୍ରଦେଶରେ ଉତ୍ପନ୍ନ ହୟ ।” ବେନ୍‌ସନ୍ ସାହେବ ବଲେନ  
”ଗୋଦାବରୀତୌରପ୍ରଦେଶେ ସର୍ବତ୍ର ତାମାକ ସହଜେ ଉତ୍ପନ୍ନ  
ହୟ—“Tobacco seems to be grown on any part  
of the Lankas almost indifferently.” †  
ଗୋଦାବରୀ ଅଞ୍ଚଳ ତାମାକେର ଦେଶ ବଲିଯା, ଏହି ପ୍ରଦେଶର  
ଲୋକେରାଓ ସାଧାରଣତଃ ତାମାକେର ଅତିମାତ୍ରାୟ ଭକ୍ତ ।

---

† Economic Products of India ଏହେ ଉକ୍ତି Benson  
ସାହେବେର ଉତ୍କି ।

যুরোপীয়েরা এই গোদাবরী অঞ্চলে নানাস্থানে ষাণ্মারের কারখানা খুলিয়া দেশবিদেশে প্রেরণ করিতেছেন। এইপ্রদেশ হইতে যত ‘ষাণ্মার’ দেশদেশান্তরে প্রেরিত হয়, এত ‘ষাণ্মার’ ভারতের অন্য কোনস্থান হইতে প্রেরিত হয় না।

এখনকার স্থায় পুরাকালেও এ অঞ্চলে তামাকের গাছ স্বভাবতই উৎপন্ন হইত; তাই রাবণ যখন গোদাবরীতৌরস্থিত রামকে আক্রমণ করিতে গিয়াছিলেন তখন পথিমধ্যে অন্ত্যান্ত তরুগুল্মের সঙ্গে গোদাবরী অঞ্চলোৎপন্ন এই তামাকের গাছও দেখিতে দেখিতে গিয়াছিলেন—এবং তাহাই রামায়ণে ‘তমাল’ নামে মরিচগুল্মের সঙ্গে বর্ণিত হইয়াছে।—

পুষ্পাণি চ তমালস্ত গুল্মানি মরিচস্ত চ ।

মৃক্তানাঙ্ক সমৃহানি শুষ্যমাণানি তৌরতঃ ॥ \* ॥

---

\* রামায়ণ আরণ্যকাণ্ড ঢৈ সর্গ। এস্তলে তমাল ও মরিচের পরেই ‘শুষ্যমাণানি’ এই বিশেষণ থাকাতে শুক্র তমাল পত্র অর্থাৎ তামাকের শুক্র পাতার কথা সহজে মনে উদয় না হইয়া যায় না। বঙ্গবাসী সংস্কৃত হইতে প্রকাশিত রামায়ণে শুক্রাস্পদ শীযুক্ত তর্করত্ন

## মুদীর দোকান

প্রকৃত কথা এই, ভারতের দাক্ষিণাত্য সেই পুরাকালে রাক্ষস প্রভৃতি অসভ্য বনচরদিগের নিবাস ছিল; গোদাবরী তীরোৎপন্ন তামাকের ব্যবহার তাহাদের মধ্যে অজ্ঞাত ছিল না। ক্রমে তাহারা যখন আর্যবলের নিকট পরাত্মুত হইয়া দেশদেশান্তরে পলায়ন করিল সন্তুষ্টঃ তাহারা তখন তামাকও তাহাদের সঙ্গে সেই সকল দেশে লইয়া গিয়াছিল। সেই কারণে এক্ষণে অসভ্য-নিবাস দূর দূর সমুদ্রমধ্যস্থিত দ্বীপপুঁজ্জেও বহুকাল হইতে তামাকের প্রচলন দেখিয়া আশ্চর্য হইতে হয়। গোদাবরী প্রদেশ যে তমালপত্র বা তামাকের জন্ম বহুপুরাকালে হইতে প্রসিক্ত ছিল, উক্ত প্রদেশবাসী লোক-দিগের জাতীয় নাম হইতেও তাহার কতকটা আভাস পাওয়া যায়। গোদাবরীঅঞ্চলবাসী লোকদিগের জাতীয় নাম যে ‘তামিল’, এই ‘তামিল’ শব্দ সন্তুষ্টঃ মহাশয় ‘শুষ্যমাণানি’ শব্দকে কেবলমাত্র মরিচের বিশেষণক্রমে গ্রহণ করিয়া ‘মরিচের শুষ্ক গুল্ম’ অনুবাদ করিয়াছেন। আমার মনে হংস এস্তনে ‘শুষ্যমাণানি’ শব্দ তমাল ও মরিচ উভয়েরই বিশেষণক্রমে ব্যবহৃত হইয়াছে।

‘তমালী’ হইতে আসিয়াছে, তমালী কিনা তমাল  
ব্যবসায়ী বা তমালদেশবাসী। তামাক বা তমালের  
সহিত বহুকাল হইতে সংশ্লিষ্ট বলিয়া উহারা ‘তমালী’  
বা ‘তামিল’ নামে প্রসিদ্ধ হইয়া থাকিবে।

উপসংহারে আমার বক্তব্য এই যে যুরোপীয় পণ্ডিতেরা  
তামাকের ইতিহাস লিপিবদ্ধ করিতে গিয়া কেহই  
কলস্বসকে অতিক্রম করিতে সমর্থ হন নাই। সভ্য-  
জগতে তামাক প্রচলনের মূলে যে কলস্বস, যুরোপীয়েরা  
এ কথা উচ্চেংশের ঘোষণা করিতে ব্যস্ত। এমন কি  
ইংরাজের জ্ঞানভাণ্ডার ‘এন্সাইক্লোপিডিয়া ব্রিটানিকা’  
যাহাতে মহা মহা পণ্ডিতগণের একত্র সমাবেশ, তাহা-  
তেও তামাক সন্দেশে ঐ একই কথা ব্যতীত কোন নৃতন  
তথ্য পাওয়া যায় না। ব্রিটানিকা বলেন— ১৪৯২ খৃষ্টাব্দে  
কলস্বস ‘কিউবা’ অনুসন্ধান করিতে গিয়া দৈবক্রমে  
তদেশবাসী অসভ্যদিগের নিকট হইতে তামাকের সন্ধান  
প্রাপ্ত হন। এবং সেই অবধি তামাক সভ্যজগতে  
প্রবেশ লাভ করিয়া নানাপ্রকারে ব্যবহৃত হইতেছে।  
“There can not be a doubt that the know-

ledge of tobacco and its uses came to the rest of the world from America. In November 1492 a party sent out by Columbus from the vessel of his first expedition to explore the island of Cuba brought back information that they had seen people who carried lighted firebrand to kindle fire, and perfumed themselves with certain herbs which they carried along with them.” কিন্তু আমরা উপরে যে সকল প্রমাণ দেখাইয়া আসিলাম তাহাতে যুরোপীয় পণ্ডিতগণের এই উক্তি বালভাষিতরূপে প্রতিপন্থ না হইয়া যায় না। এক্ষণে আমরা নিঃশংসয়ে এই সিদ্ধান্তে উপনীত হইতে পারি যে তামাক ভারতের নিজস্ব সামগ্রী, বিদেশানীত নহে। তামাকের ব্যবহার বৈদিক খঘনিগের কাল হইতে চলিয়া আসিতেছে। ‘ষীগার’ ‘চুরট’ ‘হ’কা’ ‘কল্কে’ প্রভৃতি তামাকের যন্ত্রসমূহ খঘনিগের কর্তৃক উন্নাবিত হইয়া ভারত হইতে দেশবিদেশে প্রচারিত হইয়াছে। এমন কি কলম্বস জন্মগ্রহণের যুগ-

তামাক

যুগান্তর পূর্বে ‘ঝীগার’ প্রভৃতি ভারতে বিলাস-সামগ্ৰী-  
রূপে পরিণত হইয়াছে। \*

\* ১৩১৫ সালের ২৯শে পৌষ সাহিত্যসভার ৯ম বাষিক ৭ম  
মাসিক অধিবেশনে ( ২৬ বৎসর পূর্বে ) অপৰ্ণত ।



[ ক ]

# গ্রন্থকারের আর একখানি কাব্য গ্রন্থ সপ্তস্মৰ

২০ খানি ত্রিবর্ণচিত্রশুভ্র, স্মর্ণক্ষণে নাম-  
লেখা রাজ-সংস্করণ।

মূল্য—১॥০

সপ্তস্মৰ সম্বন্ধে সংবাদ পত্রের কয়েকটি অভিযন্ত —

“ইহার অধিকাংশ কবিতাই বাল্যরচনা ; হউক বাল্য-  
রচনা, তাহার ইহাতে অসাধারণ গুণপনা প্রকাশিত  
হইয়াছে। কবিতাগুলি এত সুন্দর হইয়াছে যে,  
কোনটী রাখিয়া কোন্টী উদ্ভৃত করিব, তাহা বুঝি না।  
গ্রন্থকারের হৃদয়খানি যেন পবিত্রতায় মাথা--তাহারই  
প্রতিচ্ছায়া এই গ্রন্থে অঙ্কিত। এই গ্রন্থ সর্বত্র আদৃত  
হইবার যোগ্য।”

গ্রন্থকার তাহার পঞ্চদশ হইতে পঞ্চ বিংশতি বয়স  
পর্যন্ত বিরচিত যে সকল কবিতা ভারতী, সাধনা,  
সাহিত্য, সমীরণ প্রভৃতি মাসিকপত্র ও পত্রিকায়  
প্রকাশিত হইয়াছিল, তাহাই এতৎ গ্রন্থে সন্নিবেশিত  
হইয়াছে।” নব্যভারত, বৈশাখ ১৩২৪।

[ খ ]

‘সুন্দর সুলিলি প্রাঞ্জল কবিতাগুলি পাঠ করিলেই  
হৃদয়ের সক্ষীর্ণতা দূর হইয়া প্রসন্নতা আনয়ন করে,  
ইহাই ‘সপ্তস্বর’ খণ্ডকাব্যের বিশেষত্ব। চিত্রকর তুলি-  
দ্বারা চিত্রের সুপুর্বী গুপ্তভাব সকল চক্ষের সম্মুখে  
উপস্থিত করেন, সুকবি চিত্রাকর্ষক মনোহর বাক্যবিন্দাস  
দ্বারা হৃদয়রাজ্য অধিকার করেন। কাব্য ও কবিতার  
সহিত চিত্রাকর্ষক চিত্রের যেরূপ মিলন হওয়া আবশ্যিক,  
তাহার সার্থক মিলন হইয়াছে। কবিতা পাঠান্তে  
বর্ণনীয় বিষয়ের স্বরূপ চিত্র পাঠকেব চক্ষের সম্মুখে  
উপস্থিত হয়, ইহাকেই কাব্যের প্রসাদগুণ বলে।  
আমাদের বিশ্বাস অভিজ্ঞ চিত্রকরের অঙ্গিত দর্শনকারি।  
সুন্দর চিত্র ও সুকবি বিরচিত হৃদয়গ্রাহী কবিতা  
উভয়ের তারতম্য অতি অল্প। যে চিত্রে প্রকৃতিতে  
সুন্দর ভাবের বিকাশ হইয়া থাকে, তাহাই সুচিত্র এবং  
যে কবিতার রচনা সরল স্বাভাবিক সুলিলি ও হৃদয়-  
গ্রাহী বাক্যে বিষয় সকল বর্ণিত হয়, তাহাই সুকাব্য।  
‘সপ্তস্বর’—খণ্ড কাব্যখানি উভয়গুণে গৌরবান্বিত;  
গ্রন্থকার একজন প্রতিভাশালী সুকবি, কবিতাগুলির  
অধিকাংশই পবিত্রভাব পূর্ণ; প্রত্যেক কবিতায় কবির

[ গ ]

কবিতের প্রতা ফুঁটিয়া বাহির হইয়াছে, আমরা ‘সপ্তস্বর’  
খণ্ড কাব্যখানি পাঠ করিয়া ঘারপর নাই প্রীত হইলাম।’

জন্মতুমি শঙ্খন, ১৩২০।

“কবিতাগুলির পরিচয়ে নৃতনভের বিকাশ। এই  
গ্রন্থ-নিবন্ধ কবিতাগুলি সাতটী স্বরে বিভক্ত—যেন  
সাতটী স্বরের ধাপ ইহাতে ক্রমান্বয়ে উঠিয়াছে।  
সঙ্গীতজ্ঞ ও সঙ্গীতাজ্ঞ যে কেহ কবিতা পড়িয়া যে  
‘আনন্দ লাভ করিবেন তাহাতে সন্দেহ নাই।

“রসাত্মকং বাক্যং কাব্যং”

“আনন্দ বিশেষ জনকং বাক্যং কাব্যং”

যদি কাব্যের লক্ষণ হয়, তাহা হইলে আলোচ্য গ্রন্থে  
যে ইহার মর্যাদাহানি হয় নাই, তাহা বলিতে পারা  
যায়। কবিতাগুলি হেয়ালিতে বা অস্পষ্টতায় ছষ্ট নহে।”

বঙ্গবাসী ২ৱা আশ্বাস ১৩২৪।

‘ছবিগুলি ভাল। কবিতাগুলির সম্বন্ধেও আমাদের  
এই কথা। কোথাও ভাবের জটিলতা নাই; অর্থবোধে  
বিভ্রাট নাই। ছন্দগুলির গতি অবাধ। সপ্তস্বর,

‘କର୍ମମୁନିର ଆଶ୍ରମ,’ ‘କଷେର କୁଟୀର,’ ‘ଗାଗି,’ ‘ବଶିଷ୍ଠ’; ‘ବିଶ୍ୱାମିତ୍ର’ ପ୍ରଭୃତି କବିତାଙ୍ଗଲି ଉଚ୍ଛବୀବ ପୂର୍ଣ୍ଣ । ‘ଭକ୍ତ’ କବିତାଟୀ ଅତି ସୁନ୍ଦର । ବାଙ୍ଗାଲୀ ପାଠକ ‘ସମ୍ପ୍ରଦାର’ ପାଠ କରିଯା ପୌତି ଲାଭ କରିବେନ, ଏମନ ଆଶା ଆମାଦେର ଅଛେ ।,,

ଅର୍ଧ ଆଳାଡ଼ ୧୩୨୪ ।

“ଗ୍ରହକାର ପ୍ରାର୍ଥନା କରିଯାଛେ—‘ହୃଦୟେର ଶିଖରେ  
ସଙ୍ଗୀତେର ସେ କୁଞ୍ଜ ନିର୍ବିର୍କର ଛୁଟିଯାଛେ ତାହା ସ୍ଵବିଶାଳ  
ଭାବ-ନଦୀତେ ପରିଣତ ହଇଯା ଜୀବନେର ଉପକୁଳ ପ୍ରାବିତ  
କରୁକ ।’ ସ୍ଵସ୍ତିବାଚନ’ ପୂର୍ବକ ଆମରାଓ ଉହାତେ ସର୍ବାନ୍ତ-  
କରଣେ ଯୋଗଦାନ କରି । ଲେଖକେର ଯୌବନ ପ୍ରାରମ୍ଭେର  
ପ୍ରଥମ ଉତ୍ସମେର ସାଫଲ୍ୟସ୍ଵରୂପ ପୁସ୍ତକଖାନି ପାଠ କରିଯା  
ଆମରା ପୌତ ହଇଯାଛି ।’ ଉଦ୍ଘୋଷନ ଚିତ୍ର ୧୩୨୩

## গ্রন্থকারের আর একখানি কাব্যের মধুর বাঙ্গাল—

### পদরাগ

সুদৃশ্য কাপড়ে বাঁধাই স্বর্ণক্ষেত্রে মুদ্রিত ।  
মূল্য মাত্র—৮০

পদরাগের সম্বন্ধে কয়েকটী অভিমত :—

“গানগুলি সুরচিত ও হৃদয়গ্রাহী, প্রত্যেক গানের ভিতর দিয়া ভক্তিরসের পবিত্র ধারা বহিয়া গিয়াছে।  
পুস্তকের ছাপা, কাগজ ও বাঁধাই উভয় ।”

হিতৰাদী ১২ই আশ্বিন, ১৪২৮ ।

জম্বুভূমির সম্পাদক স্বতঃ প্রবৃত্ত হইয়া কি বলিতে-  
ছেন দেখুন—

“আপনার রচনার আর্থ একজন বিশিষ্ট ভক্ত, সাহিত্যামোদী  
পাঠকেরাও ভালবাসেন, ইহা আমার তোষামোদ বাক্য নহে,  
আন্তরিক উচ্ছ্বাস ।” ২০-৩-২৪ ।

বাণীর কমলবনের মধুর সাহিত্যিকদিগের লৌলাভূমি  
মাসিক ও সাপ্তাহিক পত্রিকাগুলির কয়েকটী মাত্র  
অভিমত পাঠ করিলেন ।

# ଶ୍ରେଷ୍ଠକାରେର ବହୁଦିନେର ପୁଞ୍ଜୀଭୂତ ଆବେଗ ବାଗାନ

ଶୁଦ୍ଧ କାପଡେ ବାଁଧାଇ  
ଚୁଲ୍ୟ ମାତ୍ର ଦେଡ଼ ଟାକା ।

“ବାଗାନ” ପରିଚିଯେ ‘ଭାରତବର୍ଷେ’ ଅଭିମତ—ଏଥାନି  
সଚିତ୍ର ଗୀତିକାବ୍ୟ ; ଶ୍ରୀ ଯୁକ୍ତ ଝାତେନ୍ଦ୍ରନାଥ ବାବୁ ସାହିତ୍ୟ  
ସମାଜେ ଶୁଦ୍ଧ ପରିଚିତ ନନ, ବିଶେଷ ଶ୍ରଦ୍ଧାଭାଜନ । ତାହାର  
ଏହି ବାଗାନେର ପୁଷ୍ପରାଜି ଯେ ଦେଖିତେଇ ଶୁଣିର ତାହା ନହେ,  
ଇହାର ଶୁଣିକେ ଦଶଦିକ ଆମୋଦିତ, କବୀନ୍ଦ୍ର ରବୀନ୍ଦ୍ରନାଥେର  
ଆତୁଞ୍ଜୁତ ବଲିଯା ଗର୍ବ କରିବାର ଅଧିକାର ଝାତେନ୍ଦ୍ର ବାବୁର  
ଆଛେ । ତାର ଏହି ବାଗାନେ ଅନେକ ଫୁଲ ଫୁଟିଯାଛେ ଆର  
ମେଣ୍ଟଲି ସବଇ ଦେବପୂଜାର ଉପଯୁକ୍ତ, ଇହାଇ ବାଗାନେର  
ପରିଚଯ ।”

ଭାରତବର୍ଷ ଭାଜ୍ ୧୯୩୪ ।

[ ୯ ] -

ଶ୍ରୀମଦ୍ ବାହିର ହେବେ !      ଶ୍ରୀମଦ୍ ବାହିର ହେବେ !!

ଗ୍ରୂକାରେର ନୂତନ ଭାବଶ୍ରୋତ

## ରାଗମାଲା

( କାବ୍ୟଗ୍ରହ )

ଇହାତେ ଗ୍ରୂକାର ତାର କବିତା ଶକ୍ତିର ବିଶ୍ୱାସକର  
ପରିଚୟ ଦାନ କରିଯାଛେ । ଏହି କବିତା  
ପୁଷ୍ଟକ ଖାନି ପାଠ କରିଲେ ବୋର୍ଦ୍ଦା  
ଯାଯ ଯେ ଗ୍ରୂକାର ଶୁଦ୍ଧ ପ୍ରେସ୍  
ଲିଖିତେହି ସିଦ୍ଧହଞ୍ଜ ନହେନ,  
ତିନି ଭାବେର ଓ ଥର-  
ପ୍ରସ୍ତରବଣ ।

[ ୯ ]

## “ଗଣେଶ”

ଲେଖକ—ଶ୍ରୀ ପତ୍ନୀ ପାତ୍ରନାଥ ଠୀକୁର

ମୂଲ୍ୟ ॥୧୦ ଟଙ୍କା

ଗଣେଶକେ ଆମରା କେବଳମାତ୍ର ହିନ୍ଦୁଦେବତା ବଲିଯାଇ ଜାନି । ହିନ୍ଦୁରା ଗଣେଶକେ ପୂଜା ନା କରିଯା ଯେମନ ଅନ୍ତରେ କୋନ ଦେବତାର ପୂଜା କରେନ ନା ତେମନି ଏହି ଗ୍ରହକ ଗଣେଶକେ ପୂଜା କରେନ ନା ତେମନି ଏହି ଗ୍ରହକାର ଦେଖାଇଯାଛେ ଯେ ଶୁଦ୍ଧ ହିନ୍ଦୁରା କେବେଳା ଅଜାନିତ ଅବସ୍ଥାଯ ଗଣେଶ ପାଞ୍ଚାତ୍ୟ ଦେଶେ ପ୍ରଥମ ପୂଜା ପାଇଯା ଆସିଥିଲେ । ଗ୍ରହକାରେ ବହୁ ଗବେଷଣାର ଫଳ ଏହି ପୁସ୍ତକଖାନି ପାଠ କରିଯା କୌତୁଳ ନିବାରଣ କରନ ।

“ଗଣେଶ” ‘ଅମୃତବାଜାର’ ପତ୍ରିକାଯ ବିଶେଷଭାବେ ପ୍ରଶଂସିତ ।

[ ৰ ]

“বাগান” “পদরাগ” ও “গণেশ” সম্বন্ধে অস্ত্রান্ত সংবাদ  
পত্রাদির মতামত ।

## বাগান

“BAGAN” BY RITENDRA NATH TAGORE. Price Re 1-8

“This is a small book of poems written in beautiful bengali. This author is already well-known in the field in Bengali literature and most of the pieces in the book have sustained that reputation. Some of the poems such as Ritumalika, Rajgiri and Bihangadut deserve special mention. A number of tricoloured pictures has enhanced the beauty of the publication”.

Amrita Bazar Patrika.

“ବାଗାନ” ଶ୍ରୀଋତେଜ୍ଜନାଥ ଠାକୁର ପ୍ରଣିତ ।  
ଚୁଲ୍ଯ ଦେଡ଼ ଟାକା ।

“ଏଥାନି କବି ଋତେଜ୍ଜନାଥ ଠାକୁରେର ଏକଥାନି କବିତାର ବହଁ । ଏ ବାଗାନ ସତ୍ୟଇ ଫୁଲେର ବାଗାନ । ବାଛା ବାଛା କବିତା ଫୁଲେ ବାଗାନଟି ଭରିଯା ଗିଯାଛେ । କବିତାଙ୍ଗଳି ବଡ଼ଇ ହୃଦୟଗ୍ରାହୀ ମର୍ମସ୍ପର්ଶୀ । ଋତେଜ୍ଜ ନାଥେର ଲେଖାଯ ଏକଟା ସୌନ୍ଦର୍ଯ୍ୟେର ଅନୁଭୂତି ଫୁଟିଯା ଉଠେ । କତଙ୍ଗଳି କବିତା ଭାରତେର ବିଶିଷ୍ଟ ବ୍ୟକ୍ତିଦେର ଉଦ୍‌ଦେଶ୍ୟ ଲିଖିତ । ବହୁଚିତ୍ରେ ପୁସ୍ତକଥାନା ସୁଶୋଭିତ । ‘ବାଗାନ’ ଥାନି ପଡ଼ିଯା ଆମରା ସୁଖୀ ହଇଯାଇ । ଏମନ କବିତପୂର୍ଣ୍ଣ ଉଚ୍ଛବାବେ ସମସ୍ତିତ କବିତାର ବହଁ ଆଜକାଳ ବେଳୀ ବାହିର ହୟନା । ଚମକାର ବୀଧାଇ ।”

“ହିନ୍ଦୁସ୍ଥାନ” ଦୈନିକ ୧୧ଇ ଆଶିନ—୧୩୩୩

“বাগান” শ্রীযুক্ত ঋতেন্দ্র নাথ ঠাকুর মহাশয়ের বাগান পড়িয়া সম্পৃষ্ট হইলাম। কবি বংশে জন্ম-গ্রহণ করিয়া কবির যে সকল গুণ থাকা দরকার ঠাকুর বাড়ীর প্রত্যেক ঘুবকেরই দেখিতেছি সে গুণ প্রকাশ পাইয়াছে। বাগানের প্রত্যেক ফুল গাছটি বিশেষভাবে নিরীক্ষণ করিয়া দেখিলাম তাহার প্রত্যেক ফুল হইতে একটা সরল আনন্দময় ভাবসৌন্দর্য ফুটিয়া উঠিয়াছে। বাগান কতকগুলি কবিতার সমষ্টি মাত্র। সরল প্রাঞ্জল ভাষায় লিখিত পাঁচফুলের গাছে যেমন বাগান সাজায়, ঋতেন্দ্র বাবুও নানা কবিতায় তাহার কাব্য-বাগান সাজাইয়াছেন। এবং সে বাগান হইতে যে ভ্রমর গুঞ্জন আমরা শুনিতে পাইলাম সেই গুঞ্জনে মুঝ হইয়াছি। তিনি লিখিয়াছেন “আসি হেথা ঋতুরাজ পুলকে মাতায় ; তরুলতা পরে সাজ নবীন পাতায়।” এ সরল উক্তি। পুনঃ এক জায়গায় লিখিয়াছেন “আমার জীবন পাতে নব নব লেখা, স্বর্ণক্ষেত্রে ফুটে ওঠে পেলে তব দেখা।”

কবি আপনার বাগান খানি নানা স্তরে সাজাইয়া-ছেন। প্রত্যেক স্তরই বিশেষ নিপুণতার সহিত

[ ୪ ]

ଗଡ଼ିଯାଛେନ । ତୁହାର ଝତୁ ମାଲିକା, ପଞ୍ଜୀଦୃଶ୍ୟ, ବିହାର, ବିହଙ୍ଗଦୂତ, କାକଲି, ମାଲକ୍ଷ, ବୌଧିକା ପଞ୍ଚବଟୀ ଓ ଗୀତି ନିକୁଞ୍ଜ, ଏହି ବିବିଧ ସ୍ତରେ ସାଜାନ ବାଗାନେ ବାଙ୍ଗାଲୀର କାବ୍ୟ କାନନେର ମଧୁର ସ୍ଵର ଯିନି ଶୁଣିତେ ଇଚ୍ଛା କରେନ ତିନିଇ ଏକବାର ଝତେନ୍ଦ୍ର ବାବୁର ବାଗାନେ ବେଡ଼ାଇତେ ଯାଇବେନ । ଆନନ୍ଦ ପାଇବେନ । ତୁହାର ବାଗାନେର ସୌନ୍ଦର୍ଯ୍ୟ ମୁଢ଼ ହଇବେନ ।”

“ଦୈନିକ ନାୟକ”

୧୩ଇ ଆଖିନ ୧୩୩୩—

“কাব্যামোদীর নিকট ঝতেন্দ্র নাথের পরিচয় আৱ  
নৃতন কৱিয়া দিতে হইবেনা, ‘সপ্তস্বর’ ‘পদরাগে’ যে ভাব  
শাষা ঝঙ্কত হইয়াছিল ‘বাগানে’ তাহার উজ্জ্বলতা বৃদ্ধি  
পাইয়াছে। বিশেষ কৱিয়া ‘ঝতুমালিকা,’ ‘বিহঙ্গদূত,’  
‘রাজগিৰি’ কাব্য জগতে একটা সাড়া আনিয়াছে।  
‘গীতি-নিকুঞ্জের’ গানগুলি আমাদের মন মুক্ত কৱিয়াছে।  
তন্মধ্যে ত্রিপুরার বড় ঠাকুৰ ও গ্রন্থকারের পুত্র শ্রীমান  
সুভগ্নেন্দ্র নাথের অঙ্কিত কতগুলি ত্রিবর্ণ চিত্ৰ বিশেষ  
উল্লেখযোগ্য। গ্রন্থকারের অঙ্গাঙ্গ গ্রন্থের আশায়  
রহিলাম।”

‘দীপালী’ সপ্তাহিক।

## পদরাগ

পদরাগ—শ্রীঋতেন্দ্রনাথ ঠাকুর প্রণীত, মূল্য বার আনা।

”এখানি গানের বহি। গানগুলি সুরচিত ও হৃদয়-  
গ্রাহী প্রত্যেক গানের মধ্য দিয়া ভঙ্গিসের পবিত্র  
ধারা বহিয়া গিয়াছে। পুস্তকের ছাপা, কাগজ ও  
বাঁধাই উভয়।”

হিতবাদী—১১ই আশ্বিন—১৩১৮

‘পদরাগ’ শ্রীঋতেন্দ্র নাথ ঠাকুর প্রণীত। মূল্য  
৫০ বার আনা।

“স্বদেশী কাগজে সুন্দর ছাপা। পদগুলি বড়ই  
সুন্দর। রুচি যেমন মার্জিত, ভাব তেমনি বিশুদ্ধ।  
অনেক স্থান উদ্ভৃত করিয়া দেখাইতে ইচ্ছা করে।  
নীতি ভঙ্গি জমাট হইয়া পদরাগে ফুটিয়াছে। গ্রন্থকারের  
লেখনী ধারণ সার্থক হইয়াছে। এই পুস্তক মহৰ্ষি  
ঠাকুর পরিবারের অক্ষয় গৌরব ঘোষণা করিবে।”

“নব্যভাৱত” কাৰ্ত্তিক ১৩১৮।

শ্রীগanesha

## A Homage To Lord Ganesh.

“It is the first booklet of the Hindu Parisad series edited by Babu Ritendra Nath Tagore, Zaminder Calcutta. Babu Ritendra Nath is a well-known author and journalist. Lord Ganesh a well-known Hindu Divinity and the destroyer of ail evils is worshipped by all Hindus at the very outset. The writer of this pamphlet has tried his best to prove that the first letter of the sanskrit, English, Roman, Greek, Hebrew, Phinician and Egyptian alphabet owes its origin from the head of the Hindu divinity. Ritendra Babu’s philological research and investigation are very interesting no doubt. Our readers will get ample food for contemplation by the perusal of this booklet. We wish its wide circulation.” Its price is annas 8 only.

To be had of the author at 6—1 A Dwarka Nath Tagore Lane, Calcutta.

Diamondharbour “Hitaishi”. 15th April  
1929.

[ ৩ ]

বঙ্গীয় “কায়স্ত সমাজ” পত্রিকার সম্পাদক “গণেশ”  
পাঠ করিয়া কি লিখিয়াছেন দেখুন।—

‘আপনার প্রথম সংখ্যায় প্রকাশিত প্রবন্ধ ‘গণেশ’  
আমরা ‘কায়স্ত সমাজ’ পত্রিকায় প্রকাশ করিতে চাই।  
আশা করি তাহাতে আপনার মত পাইব। ইহা  
আপনার অভিনব সৃষ্টি সন্দেহ নাই।’

১০শে জৈষ্ঠ ১৩৩





